

10

11

12

13

14

15

16

17

18

19

20

21

22

23

24

25

26

27

28

29

30

31

32

33

34

35

36

37

38

39

40

41

42

43

44

45

46

47

48

49

50

51

52

53

54

55

56

57

58

59

60

61

62

63

64

65

66

67

68

69

70

71

72

73

74

75

76

77

78

79

80

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

PL
248
G84T6

Gürpınar, Hüseyin Rahmi
Toraman

19 x 1 1963

1
T

1/6

Gülsin, Hüseyin Rahmi



T r a m a n

محرری :

حسین رحمی

طابع و ناشری :

تجار زاده ابراهیم رحمی

استانبول

کتابخانه حاجی

۴۶ — باب عالی جاده سی — ۴۶

۱۲۳۵ — اورخانیه مطبعہ سی

PL
248
G8 T6



880611

عادله خاتم ایکی اولک باغچه لرینی آیران تخته پرده نك
بوداق دلیکنه کوزینی اویدیره رق :

— قومشوم حسنا نه یاییورسک اوراده ؟

جواب یوق . عادله خاتم کندنی کندینه :

— قاری بر آاز صاغیردر . تز بری طویماز که ...

یومروغیله کوت کوت تخته پرده یه اوره رق :

— هو قومشو جنم سکا سویله یورم . . .

ینه سس یوق . عادله بر مدت بوداق دلیکندن

ایچرینی معاینه ایتدکدن صوکره :

— آ کوریورم ایشته مطبخ قاپیسنک اوکنده

طولله طولدیریورسک . نیچین سس ویرمیوزسک؟ آره مزدن

قره کدیمی کچدی ؟

— حسنا خاتم صلوات پارماغنی آغزینیه کوتورور .

سکوت اشارتی ویرر . بر شیلر خوموردانیر . . .

عادلہ خانم تمجیلہ :

— آھذا کیرا !.. الحاب او یونیمی اوینا یورسک ؟

دیلکی فارم می یدی ؟ جواب ویرسہ کہ قاری ...

حسنہ خانم عادلہ بہ ایلہ اورادن چکیلوب کیتہ سنی

اشارتہ ینہ بر قاج خومورتیدن باشقہ جواب ویرمز .

عادلہ نک استغرابی آرتہ رق :

— بوکا شاشارمیسک ؟ قیزارمیسک ؟ ہر زمان

چیلینکیر کوروکی کی ایشلہ ین آغیز بو صباح صوصہش ...

فسبحانہ اللہ ... خیردر انشاء اللہ ...

حسنہ ینہ قومشوسنی تحنہ پردہ نک آرقہ سندن دفع

ایچین ویردیکی اشارتلی تکراردن باشقہ جواب ویرمز ...

عادلہ خانم بر آزدتہ سسک پردہ سنی یوکسلتہ رک :

— قاری بو نہ تحفلق ! یوقسہ شمدی بہ قدریایدیغک

دیردیرلرہ، دیدی قودیلرہ بویلہ سکوتلہ کفارتمی ایدیورسک ؟.

حسنہ خانم آرتق طایاناماز . بر قہقہہہ صاغناغی

صالیورہ رک :

— هام ایشتہ شمدی تمام اوستہ اوردک ...

— آ بن سنککہ صبا حلین ہ بیلہ مدک قالدیر اور ،

اویونی اوینامغہ کلدیم ... سویلہ بہ جک نہ لرم وار ...

نه لرم . . . لاقرديسزلق سكا ياقيشميور . . . بو الحاب
 اويوتى سكا كيم تنبيه ايتدى . سويله باقاهيم؟
 — آه قومشوم عادلہ آه . . . بزم قیزی قوجه سی
 بوشایه لی خفقان علم آرتدی . کوبکمک اوستدن طوغری
 طوب کبی یووارلاق برشی قاباریور . کوکسمک ایچنده
 آت یارینی وارمش کبی هر طرفی دونه طولاشه تکمه له
 دکن صوکره . . آه فصل آکلانهیم؟ . . کایور بوغازیمه
 صانکه بر یومروق طیقانیور . . . صو ، لیمون
 یتشدیریورلر . هر طرفی اوغوشدیریورلر . کوچ حال
 آچیلیورم . . . کدر انسانه نه لر کتیرمز . . قولایمی
 قومشوم ؟ . قولایمی ؟ قیزم صابره بی قوجه یه وردک .
 حالمز وقتمز سزجه معلوم . . اوح اوستمزدن بر یوک
 قالدی دییه سهوینیر ایکن مکرسه وبردیکمز حریف
 صویسز ایمش . . . تمام پایه پای ایکی بحق سنه دیردیردن
 خیرخیردن غوغالردن صوکره بوشایی ویردی . قیز بورادن
 بر جان کیتدی . . . شمدی اوچ جانله کری کلادی .
 بری قوجاغنده بری قارننده . . . بوده ربمک بر جلوه سی ،
 تکریمک کوجنه کیمه سین حاشا شکایت ایتیورم . تقدیر
 بویله ایمش . . . فقط یک زور ، عادلہ یک زور .

هپ بونلری یتیش کره دیکله دم . . . دیندن نه یه
لاقیردی سویله میوردک ؟ دنیا که می کوسدک ؟
— باطلا ، ایشته ، ایشته اونی آکلانه جنم ... سوزم
اورایه کله جک . . .

— قیزک قوجه دن بوشاندی دیه دکل سنک مراق
علتک اسکیدر . شمدی ده هر لاقردینک باشنه بو ،
بوشانه کیفیتنی مقدمه کبی کتیرمه دن سوز سویله یه من
اولدک . . .

— کشینک فکری نه ایسه ذکری ده اودر .
عیلامه قرده ش . . . یوره کم یانبور . آم سبب اولانلر
سببیز قالسونلر . . . دامادم اوله جق یاشی یرلرده
صایبله سی اوکپازه اوغلان قیزیمک اوستنه باشقه برقاریمی
سه ومش نه یایمش ..؟

— آ هپ اونلری بیلیورم حسن آرتق تکرارلامه .
تکرار لادقجه اوزونتک آرتار . . .

— بزمنی ده او یله دیبـور . ه قیزیمی قوجایی
بوشادیسه نه یاپه لم آلهک تقدیری بویله ایمش قضایه
رضادن باشقه چاره اولماز . . . فقط بو سنک دیردیرک
یوقی هر شیدن زیاده بنی ایشته او ییلدیریور . بویله

هر کون دیر دیر دیر هم کنیدی اولدیره جکسک هم بنی
همده قیزیکی ، دیور ...

— زواللی آدم حقلی ... الله متوکل اول . صوص
آرتق ...

— ایشته بنده صوصمه یه اوغراشیورم ... خانم
عقل یوق که باشد ... لاقردی یه باشلایورم ، داللانور
بوداقلانیور صوکره بردرلو چیقيله جق طرفنی بولامیورم .
ها سوزم زمه کله جکدی ؟ بو خفقانلرم ، باغینلقلرم
آرتقدن صوکره شیخمه کیده ییم ، کندیمه بر نفس ایتدیره ییم
خفیفلکدر دیدم . قوجه موصطاً پاشاده بزم شیخمز
واردر . آل بوستانی کرامت افندی ...

— البستانی کرامت افندی ...

— ایشته نه ایسه بنم او قدر انجه لاقیردی یه عقام
ایرمنز ... چوجقلغمندن بری بز اولره آل بوستانی
دیرز ... پوست ایله برابر بو لقب بابادن اولاده قالیر .
بونک بابایی مرحوم کریم افندی کوبکنه قدر آق صقاللی
نور کبی بر آدمدی . کنج فقط بونک ده صارینی بیوک ،
بونک ده نفسی تأثیرلی . . بوده انسانک یوزینه عین
اورادی او قویوپ او قله یور . . . بو کنج شیخه قارینک

بری عاشق اولمش ، نکاحه آل بنی تکمیل مالی ملکی
اوستکه چوریم ، دیمش . . . حالبوکه شیخ اولی ،
کوزل بر قاریسی ، طوسون کبی چوجقلری وار . . .
شیخک یاناقلری الما کبی قرمری ، کوزلری آهویه ،
قاشلری کانه یه بکزییور . قاتاغک بری ایمرنمش ایشته . . .
آمان خانم بو قادین دیدی قودیسی جامعده کیرییور
تکه یه ده . . .

— حسنا خانم سن ینه لاقردینک چیقہ جق برینی
شاشیردک . . .

— طور خانم ، طور . صره سیله هپسینی آکلانه جقم . .
بکا او قودی او قله دی . یاننده بریسی وار . صو قاباغمی
دیورلر ؟ . نقبامی دیورلر ؟ . او ، قلفه سی ایش . . .
صو کره بنی ازکا چیکنه تدی . . چیره کلندی . یانمده صفیه
واردی . بکا دوندی : — دمیندن بورایه ایی کنج
کوزل خانم کلدی . شیخ او قودقدن صو کره اونلری
کندی چیکنه دی . کنج اوله ایدک قلفه سینه چیکنتمز
سنی ده کندی چیکنه ردی . نه قدر اولسه شیخک آیاغنده
باشقه تأثیر ، باشقه کرامت واردر . . . دیدی . . .
نه ایسه بن کوخمه دم . بلکه شیخ کندیس ایشامه

قدر قادين چيكنه مكدن يورولمشدر . بخده قلفه سنه
چيكنه تدي . فقط قلفه سي پك بويلى وجوختلى ، مناره
قىرمه سي بر آدم ، حالا كه يكارم آغز بيور ...
— چكن سنه محاسبه جيلر بيوك خانمى آبي به
چيكنه تمديلرمى ؟

— صوص قيز چارپاييرسك ... هيچ او ، بوكا
بكزرمى ؟

— يالان - ويلاه مبورم كه چارپيله يم .. چيكنه ين
آدم نه قدر آغيز جتهلى اولور ايسه شفاسى ده او قدر
بيوك اولور ايمش ...

— بنى چيكنه يندن دها آغيزى پك زور بولور .
شوسه ياپلد قدن صوكره اوستدن او كوزلر قوشولوب ريوارلاق
كچير مزلرمى ؟ آلتنده ايسته اويلاه يام يامعى اولدم .
— آبي كلديمى بارى حسنا ؟

— بيلمم ؟ . بر آز آبي كه يم ...

— او قوجه قلفه فرون خموركارى كبي سنك
لوسه تكدده ته يذيركن ايچنده نه قدر مراق ، خفقان يلى
وارسه البته ديشارى چيچه مشدر ... جانك چيچه ماديغنه
شكر ايت ...

— آه رېمه بېك شكر ...

— اى بو الحاب اويوتى كيم او كرتدى ؟

حسنه خانم بر قاچ دفعه كه يېه رك :

— باق باق مراق يللرى ينه باشلايور ...

— قولايى بولمشك ، كيت بر دها چيكنن ...

— كيكلر يمك بو آغريلرى كچه دن چيكنه نه م .

— بلكه بو دفعه شيخ كندى چيكنه رده كيكلر يكي

او قدر آغري تجاز ... بو سفر ايجه سوسان ده كيت ...

— قيز اكلنمه صباحلين بمله ...

— آنه يه اكلنيم . . بر آز دوزكون سوروب

قاشلريكي كيرپيكلريكي . بو ياديغك زمان باياغى كنجله شيربك .

— رېم روزى قيلماسين . شمدى يه قدر هيچ حرامه

سوسلنمدم ...

— بو شيخ آبول كنهاى يوقدر كه ...

— شيطان قارى چكيل صباحلين اورادن . ذهني

قارشديرمه . شاشيردم ايسته . . طولمه صاربيورم ديه

ياپراغى يارمقمه طولادم ...

— نه يه شاشيردك ؟ سنده غالياشيخى قلبكدن كچيربيور

ايشك . . كرامت اقدنك قاشى كوزنى اويله بر تعريف

ایتدك كه كیدوب كورمك ایچین بكا بیله مراق كلدی...
 — كیت كیت قیصقا نمام والله ... سن كنجسك .
 كوزل سك ، سنی مطلقا كندی چيكنه ر ...
 — لزومی یوق . قوجه مك چيكنه مسی بكا يتيشیر...
 — الله ویرسك . سنك کی ده بویده بو صده كرامت
 افدینك قلفه سندن آشاغی قالماز .. بر دفعه چيكنه سه
 بر هفته وجودی بوله مازسك ... توبه یاربی، توبه ..
 صباحین بكا نه لر سویله تیورسك . بویجه كناهه كیردم .
 بو صباح هیچ لا قیردی سویله مامكه تیت ایتشدم ...
 زرده اولسه بنی سویلتمك ایچین قارشیمه بر شیطان
 چیقور ... شیخم خلوتی بكا خلوت امر ایتدی ...
 بو اوده خلوت اولورمی ؟ قارشیک قوشومز آپوقاتك
 قاریسی قوجه سنی کیرده بسلامه ایله یاقه لامش ... غوغا
 عبوقه چیقور ... ایشیدوب ده كناهه کیرمه ییم دیه
 بورایه باغجه یه قاچدم . قیزی اولادلق دیه آلدیلر .
 حاصبه بیودی . قاشلی كوزلی بر جوان اولدی .. قوجه یه
 ویره جکلردی . آپوقات بو ... اولادلق فلان دیکلرمی ؟
 بریسه ویرلمزدن اول قایماغنی كندی طامق ایسته مش .
 شفیه ده قباح ... بو زمانده انسانه اوز اولادندن

خير گليورده اولاداني نه يابه جق ؟ اوح اولسون ، او
جن کوز حريف اوده اولاداق قيزمي ياشاتير ؟ ... آ
طوغريسني سويللي ... حريفك ده قباحتي يوق . او
پاجورا خسته لغندن قالقدن صوكره شفيقه نك هر طرفي
يورصودي . يوزينه ليكلر باصدي . غدوبت برشي اولدي .
قارلر ياغسه قيش دكلي ؟ كيشي كنديني بيلسه خوش
دكلي ؟ قاري بو چبركينلكني اورتمك ايچين صاچلريني
قاريه صاريسنه بويادي ... اشي دوستي كندينه كولدزدی .
بونك خاصيتي اون پاره لقي آينه ... بر كره آينه نك
اوكنه كيدوب ده صوراته باقسه يا ! چوراقلقده قالمش
صاعمال خيراده اينكلره دوندي ... ربم انساني بر
كره شاشيرتماسين ... حريف آرتق بو خيرتلامبه قارينك
يوزينه باققدن بيقدی . قارشيسنده طولاشان آي كي
اولاداني كورونجه كنديني ضبط ايدمدي . مذهبي كنش
بر آدم ... قيزيل باشميدر ؟ نه در ؟

— حسنا سين ده خلوتی بوزدك اما پير بوزدك ...

كاشكه سني صباحين بوقدر سوياته مه ييدم .

حسنا خاتم شدت انفعال ايله ياغلي اللريني يوزينه

كوتوره رك :

— صاحبی قاری صاحبی ... شیخ بکا نہ لر تنیہ
ایتدی . باق بن نہ چاچہ رونلقلر ایدیورم . بیوکسک
رہم . سن عفوایت کناہلری می ... قباح کیمده ؟ بن
بو صباح ہیچ آغزی می آچامایہ نیت ایتشدیم . قلبی تکریم
بیلیمورمی ؟ بنی سولتدک . کناہی ده سنک بوینک اولون .
— شیخ نہ لر تنیہ ایتدی ہانی آکلاتہ جقدک ؟

— صرہ اورایہ کلیورمی ؟ ہانکیسنی آکلانہ می ؟ لاقیردی
چوق ... بو محلہ نک دیدی قودیس می ہر کون قرق
غزتہ یہ یازلسہ صیغماز ... عیلامہ قردش . اوچ کوندر
لاقیردی اوروجندہ می . لاقیردی دالغہ لری ایچمدہ طوفان
نوح کبی قاباروب طورییوردی . ہپ بوتیوردیم . بزمی
بیله . عشق اولسون شیخ افندی یہ ، شمدی کرامتنہ
ایناندم . بو آغزی اوچ کون قپامایہ موفق اولدی . سن
ہفتہ ده برکون اورایہ کیدوب اییجہ چیکنہ نملیسک کہ
بو اودہ بزده برآز راحت ایدہ لم . دیدی ...

— قوجه ک اذن ویردکدن صوکرہ ہر کون کیت
چیکنہ ...

— سنکی کوندرمز می ؟ برابر کیدہ لم ...

— ہانی باطوغربسی بن دہ شیخی مراقیتمہ دم دکل .

فقط بزمی بنی باشقه سنه چیکنه تمز . . . هم چوق شکر
نم یلم ؟ قولونجم ، خفقانم یوق ...

— آنه قدر صابا صاغلام قاریلر کلوبده چیکنه -
نیورلر . سن اورایه هب دردلیرمی کلیور ظن
ایدیورسک ؟

— صاغلام آدامک اوراده نه ایشی اولور؟ کیدنلرک
البته سویله نیر سویلنمز برر دردلی اولمی .

— تسکک باغچه سنده چیچکلر ، حوض ، فسقیه
وار . انسانک ایچی آچیلور . کون کوردیکمز وارمی
قردهش ؟ یاز قیش بو اوه قاپانمقدن باشقه دنیا می کوره
بیلورمی یم ؟ باغچه ده کی شفتالی آناجی چیچک آچار ،
بوستانده بقله لر یشیلله نیرده بهار کلدیکنی آکلارم . . .
بکا بر شیخ دها صاغلق ویردیلر ... اوده باشقه دورلو
اوقوبورمش ...
— ناصل ؟

— بر کبار قیزی مراق علته اوغرامش ...
— کبارک مراقی نه اوله جق سودا ایشی اولمی .
— نه ایسه کناهی اوستنده قالسین .
بو ائناده عادلہ خانمک اوندن کریمه سی باغیره رق :

— آننه کل منغالده سوت طاشیور ...

عادلہ خانم تحتہ پردہ دن باشی چویرہ رک اوہ طوغری:

— آمان طاشارسہ طاشسین . . شہدی بورادہ

لاقردیمز وار ...

حسنہ تعجبیلہ :

— آقوصقوجہ قیز طاشان سوتی قاشیقہ قاریشدیر-

مہ سنی بیلمیورمی دہ سنی چاغیریور ؟

— بز اوکا اینجہ ایشلر اوکرہ تیوروز . مطبخ ایشندن

هیچ آکلماز . . . سن لاقردیکه دوام ایت . ای کبار

قیزی نہ دن صراق کتیرمش باقیم ؟ ..

— کناهی اوستندہ قالسین ، پک دریندن درینہ

بیلمبورم . سنیرلی خفقانہ اوغرامش ، یمز ، ایچمز ،

اویوماز اولمش . فقط پلوزہ لرکی کوزل بر قیزمش . . .

هکیم خواجہ جارہ بولہ مامشلر . نہایت اوشیخہ

کتورمشلر . بولہ صیقنق علتلرنده شیخ قادینلرک چلاق

کوکسلری اوزرینہ اوزون بردعا یازارمش . . تمام بش

دانه آلتون آلیرده اویله یازارمش ..

— کیدوب سندہ یازدیرتسه کہ ...

— آبنم بش آلتونم اولسه بش یوز دورلو دردمی

کوروردم ... طور دیکه ... قالدینه : « صاقین بو
 کوکسکده کی یازیلر سیلنمه سین. ابدیجه محافظه ایت. اوچ
 کون صوکره بوزایه ینه کل ، دیرمش.
 — آی ؟

— اوچ کون صوکره کیدنجه قالدینک کوکسفی آچار
 او یازدینی دعایی شیخ دیلیله یالار، تمیزلرمش ...
 — آ بوده باشقه دورلوسی ...

حسننا خانمک قیزی مطبخدن :
 — آمان آننه قوش. بقله صوینی چکدی. چاتیر چاتیر
 یانیور .

حسننا خانم :

— آمان هانکی برینه یتیشه-یم آزیبحق طور ...
 شمدی لاقردیمز وار . لافک طاتلی طرفنه کلدک ...
 عادلہ خانم استغرابله قاشلرینی چانه رق :

— چوجق آناسی قوصقوجه قالدین تنجه ره بی آتشدن
 ایندیرمه بی بیلمیورمی ده سنی چاغیریور ؟

— آه دردلی اولدی. قیز آلیق اولدی. نه یاپه جغنی
 بیایور، نه ایده جگنی ... صوکره افتدم قالدینک کوکسفی
 طاتلی طاتلی بویله بر اعلا یالارمش ...

— تحف شی . بو شیخلرک شفا خاصه لری بسبلی
 کیمنک آیاغنده ، کیمنلکده دیلنده ... بوده بر حکمت...
 قوجه قاریلرک کوکسلرینه ده یازار یالارمی مش خام ؟
 حسنا خانمک قیزی ینه مطبخدن حاییره رق :
 — آنه بقله کومور اولدی ...
 حسنا خام حدتله :

— بنی کوتو کوتو سویلتمه صباحلین صابره . دیلمی
 طوتمق ایچین شیخه سوز ویردم . انسان بو اوده طاش
 اولسه چاتلار ... بقله یانیورسه بر دانه سی آل آغز بکه
 باق یوشامش ایسه تجره بی ایندیر . دها سرت ایسه
 اوزرینه بر بارچه صوقوی ویر ... هانه دییوردم .
 یالارمش دیدم ده بزم افندینک بر یوغورتلامه حکایه سی
 واردر . او کلدی عقلمه ...

— شمدی لاقیردی بی بشقه طرفه چه ویرمه ...
 قوجه قاریلر ده یازارمی ایمش ؟ ...

— عجله ایتمه اونیده تحقیق ایتدم . کاشنه اوتوز بش
 یاشندن صوکره قادینلرک جلدلری پورصور یازی طوتماز
 مش ... اونلره دها بهالی یازارمش ...

— یازسه ده مطلق کندی یالاماز قلفه سینه یالاتیر ...

— طور آيول اصل آ کلانه جنم شينی آ کلاندام ...

— جابوق سويله ... بنم ده آ کلانه جقلم وار .

بن صباحين سکانه يه کلدم ؟ ..

— طور صوکره سويلرسک . بنمکی بيتسين . کچن

کونی ده بويله بر تهره يکمز ياندي . کوموراولدی . اقسام

افنديدن آزار ايشيتدم . اوکونی ده قبض مالک خانم

کلشدي . آ صايغيسمز قاريلر بنم آشجم خدمه تجم اولنديغی

بيليورلر . باشلرخی اور تچه و قتلی وقتسر کليرلر . انسانک

لککنده چاشيرمی وار . او جاقده يکمکی وار . هيچ

دوشونمز لر ... دير دير او سويله دی . بن سويلدم .

مؤذن مناره ده اذان اوقیور ، بن اوکله اذانی ظن

ايدیورم . مکرسه ايکندی ايمش ... قبض مالککی ده

بالق طوزلامش . تخته پوشه آصمش . قارغالر جايلا قتره پسنی

طاشيمش لر . اوح اولسون قارينک کوبکفی سـوقاقده

کسمش لر . هيچ اوده اوطورماز که . خانم بو کونلرده

بورالر اويله قارغه داداندي اويله قارغه داداندي که

انسان قوروتقم ايچون ديشاری يه ييه جک برشی آصارسه

مطلقا صوپا ايله باشنده بکله ملی . باشقه چاره يوق ...

آخر زمان قارغه لری قورقواقدن ده قورقايورلر .

کچن کونی بوستانده کی قورقونلغ بورتنی یمشیر خانم ..
 عادلہ خانمک قیزی اودن تلاشله باغیرہرق :
 — آنه سوت قویولاشدی . یخقی یخقی برشیلر
 اولدی ...

عادلہ خانم تأملہ :
 — شوکا کسیلدی دیسه که ...
 حسنا خانم کوله رک :
 — بقاء یاندی . سوت کسیلدی . عادلہ آرتق کیتمه ده
 راحت راحت قونوشلم .

— آیول بن بورایه نه یه کلدم صباحلین ؟ ..
 — سویلرسک جانم طور بنم کی بیتسین ...
 حسنا خانم قاشیغک اوجیلہ زیتون یاغلی طولہ نک
 ایچندن طاتارق :

— آه حسنا خنزیر قیجه ... بوکا نیچون بو قدر
 طوز طولدیردک ؟ آغو اولمش ... آقشامه ینه آزاری
 ایشیت باقم ، بو طوزلی طولہ یی پی ینلر « حسنا ینه
 قوجه ایسته یور ، دیرلر .

— آاو ناصل لاقیردی ؟ قوجهک یوقی ؟
 — وار یوق کی بر شی . سویلتمه بی شیخک

تدیهی وار ، بزمکنک قلبی قیافتی کورن آلدایر . .
صقالی بویادی . اونیده بجره مز . یوزینه کوزینه
بولاشدیرر . بن بو یارم . کلی ایشمدن باشقه برده باشمه
بو خدمت چیقدی .

— سن الکله بویایوبده سوقاغه ناصیل صالیوریریور-
سک ؟ .. قیصقانیورمیسک ؟

— یدی ولایتی طولاشسه والله قلبمه براوزوتی گلز ...
— یالان سویله یورسک ، چوق قیصقانیورسک . بن بیلیرم .
— ماجرانک ایچ یوزینی ده بن بیلیرم . هایدی
اورادن عادلہ دردیمی ده شمه . شیخک نصیحتی بوزدر-
نه جقسک بکاشمدی . بویا ایله ارکک ارکک اوله یدی
حاجی فهمینک قاریسی یولنی صایته مازدی . قوجه دیدیکک
ارکک اولنی . قره کوز کوز کوزمه لکنی نه یاپه لم . یالکیز
قالب قیافت یکیکچری قیافتخانه سنده کی هیکلرده ده وار .
— قاری سن شیخه کیده لی بتون بتون صایتمشک .
قوجه کله نه اکله نیورسک آبول صاچاریکی سن ده
بویایورسک .

— بنمکی تزلهدن آغاردی . بن افندیدن اون یاش
کوچکیم . اللهک بیلدیکنی قولدن نه صاقلایه یم ... بزمکی

بویانیر چکیایر . اونک بویا آرتنی ایله ده بن بویانیرم ...

— بویایانله اکلہ نیورسک ده سن نه یه بویا بورسک ؟

— نه یاپهیم آیول ؟ بویالی اولسون نه اولورسه

قوروم کبی سیاه صقاللی حریفک قارشیسندہ آق صاچ
ایله کزینہ یمده بکا اونک آناسیمی دیسونلر ؟

حسنایانم ینه طولمه نک ایچندن طاهر ق :

— خانم بویاچه برآزدها برنجله صوغان قاریشدیر-

سہم عجبا املا یه کلیرمی ؟

— براق برآز طوزایچه اولسون . قوجهک بلکہ

بو کنایه نی آکلار ...

— یاشیخ کرامت سن بکا صبر ویر . بو قاری

نی اولو اورتہ سویله ته جک .

— هایدی هایدی آکلادم عارفه تعریف لازم دکل .

بو طولمه یه برآووجدها طوز قاتسهک ینه نافله ... شمدی

اونی براق . سنیکله لاقردی اولیورکه هرلاف یوز طرفه

دالہ بوداق صالیویریور . کبار قیزی کوکسہ یازدیردیغنی

یالتمشده دردندن خلاص اولمشمی ؟

— پیر وپاک اولمش ... اوندن صوکرده شیخک کراہتی

اطرافه یایلمش ... کیدن کیده نه ، شیخ حقه سنہ مرکب

یتیشدیره من اولمش ... کوزل خانملرک کردانلری ،
سینه لری قره لاما کاغدینه دونمش . شمدی اوشیخی براق
یالایه طورسون ، بنمکنه کل ...

— دیکله یورم . باشقه طرفه صایتمه الله عشقنه ...

— آنچین صایته یم دلی ... شیخمه کیتدم . امداد

شیخم نیازیلله اللرینه اتکلرینه صارلدم « صیقتک نه در ؟

قادرین ؟ . آکلالت . دیدی . حالمی افاده یه کیریشدم .

تا قیزم صایرمک کوریحی به چیقدیغدن باشلادم . فقط

کور اوله سی خققان کلدی غیرتلاغمه یاییشدی . شمدیکی

کبی سربست سویاهیه مبردم ... یوغوله بوغوله آکلا -

تیوردم . شیخک حضورنده کندی سوزلرمینه کندیمه خانم

برطوقانسین ، برطوقانسین ، باشلادی کوزلرمدن بلا بارانی

کبی یاش دوکولمه یه .. شیخ دیکله دی ، دیکله دی ، دیکله دی .

برزمان صوکره کوزلرینی قبادی . توجهه وارهرقینه دیکله دی .

دها صوکره أسنه دی . أسنه دی . أسنه دی .

بوآره لقی مطبخ قابوسندن صابره کوزوکه رک :

— آننه تجرمه صوی زیاده قاچیردم . یمک بقله

چورباسی کبی برشی اولدی ...

حسنا خانم حدتله :

— باطلا مصیبت... ایکی چفت لاقیردی ایتمه راحت
یوق. سنك یوزکدن باشمه کلنلری آ کلانیورم... صو
چوق کلدیسه براق قاینا-ین... برآز هلمه لی اولور.
عادلہ خانم کوله رک :

— ای صوکره شیخ أسنه دی أسنه دیدنه نهایت او یودی می؟

— نه یه او یوسون؟ بن اوکا نینیمی سویله یورم آیول؟..

صوکره دن خفقانم کچدی. آچیلدم.. چوشدم سویله دم.
سر یلدم جوشدم. شیخ أسنه مه لرندن صوکره اوزون
اوزون که رینمه لره باشلادی. افندی جغز مه لاقردینك
قیصه سی... یانمده صفیه ایکیده برده اتمکی چکیوردی.
بن تمکه نك، شیخك هیئتیه عادتاً حاللنشم.. نهایت قلغه
قولانمه اکیلهرک: قادین آرتق قیصه کس. او قونه جق
باشقه خانملر وار. بکلیورلر، دیدی. شیخ کولدی. —
نافله یورولمه خانم بن توجهه واردم. قلبکده کیلری
هپ آ کلادم. اوزون بیانه حاجت یوق.. دیدی. بن
قیب قرمنزی کس یلدم. او یله یانسانك ایچنده سویلنه جک
شی وارسه، سویلنمه یه جکلری ده وار. عجبا هپسفی
آ کلادی می؟ دیه یرک دیدنه کچدم. شیخ کولرکن بردن
بره جلالندی. هر بجه بر شی او قودی. آ کلادم.

صوکره دن قلفه یه صوردم . و انسانک سلامتی دیلنی
 طوتمه سنده در . و دیمک مش... افندم آندن صوکره جغمه
 کوزلرینی آچدی . و هر خسته لق بذاته ایسته در . سنده
 لاقیردی ایسته سی وار . یدی کون یدی کیجه هیچ
 لاقیردی سویله میه جکسک . آغز کدن دنیا کلامی چیقمییه جق .
 ایشیدیورمیسک قادین ؟ یو لاقیردی عاتی ... ها طور
 باقیم طور ... هاها و بو لاقیردی علت خیشه سی سنی
 اولدورور . طوغری جهنمه کوتورور . یدی کون یدی
 کیجه بر نولو سکوتی کوستره جکسک و دیدی . اصل بن
 شمدی آ غلامیه باشلادم . آه ایی کوزم شیخم بوناصل
 قابل اولور ؟ برالحابه کیرمزدن اول محله یی دیکشدرملی .
 بزم محله دیدی قودینک قومقومه یریدر . یا اوده کیلری
 بن دیلمله اداره ایتسه م نه ییمک یشره نه برایش کورولور...
 اوپور ایکن ایتدیکم سکوت یتیشمز می ؟ دیدم و خایر او
 سکوت نومدر . صایلمازه جوابی ویردی . حال بو که اناسم
 عادلہ ، بزم افندینک دیدیکنه باقیلیرسه بن او یقومده ده هیچ
 طور ماز صاییقلا ره کوندوز بن یایدقلمی هپ دانه دانه کیجه
 سویلمشتم . بن لاقیردی سوبلمکدن نولم . سویله مز
 ایتسه م نولوزم . . . فقط شیخی قاندر مق ممکن اولمادی .

پکی پی سور صارم دیدم. اقدام آندن نانیه، هر کیجه وهر صباح
بر او طهیه چکیلوب یدی بیک، یدی یوز، یتش یدی
(یا صبور) چکه جکسک ... قلبکده کی فتنه پی، ایچکده کی
شیطانلری طاغیت ... سکرتدن یک ایچین صیقلدینی
وقت قلبکله کوروش، وجدانکله سوزلش ... (مرناقیه) به
وار ... دیدی ... خاتم ناصل اولور؟ انسان کندی
کندینه کوروشور می؟

— (مرناقیه) دکل مراقبه ...

— نه دیمکدر او؟

— بزمکی تکیه دن کلیدی وقت یاپارده اوندن بیلیرم.

— ناصل شیدر او آکلات؟ ...

— اُلکه تسیدیچی آلوب بر کوشه یه چکیله رک

سسزجه او طور مق ...

— ماده انسان قلبیله ناصل کوروشور؟ بن قلبمده

کیلری ذاتاً بیلیمور می؟ کندی کندیمه کوروشور

ایسه بکا دلی دیمز لری؟ هم بن قلبم جینه میدانی

دکل که آلیه صابی سپور که پی آلوب اورادن شیطانلری

طاغیتیم ... آندن صوکره جغمه قادیتم شیخ آغیر

آغیر دوام ابتدی : ه سکا بر نسخه ویریم . اوقونمش

باموق اییلکی ایله اونی بیسونکه آس . حضرت پیرک
مرقدن سکا ارفاق بر طاش ویرسونلر . لاقیردی
ارزوسی غلبه ایتدیکی وقت اونی دیلکک آلتنه قوی .

— شمدی او طاش دیلکک آلتنده می ؟

— آغزنده تمام اوج کون طاشیدم . قاج دفعه
یوتویوردم . . دیلکک آلتنی یازه ایتدی . شمدی

چیقاردم . موشامبه یه صاریلی جییمده طورویور . . .

— درویش محمدک بقله سی کبی برشی دیمک . . .

— درویش محمدی بیلمیورم . فقط بنم طاشده

همان بقله قدر وار . . .

— آغزیکه او طاشی قویدیکک وقت لاقیردی

سویله یه بیلیورمیسک ؟

— نه ممکن . . . یکی لاقیردی پارالایان چوجقلر

کبی کم کوم ایدوب طوریسورم . قاج دفعه بوغازیمه

قاجدی ده صابره پارماغیله چیقاردی . بوغولیوردم .

اقدام سکا سویله ییم . . صوکره شیخ : « تکیه نک

باغچه سنده بیتربارک بر اوت واردر . سکا ویرسونلر .

مراق باصدبردینی وقت اوندن برپارچه قایناتده ایچ .

صیقینی طاغیدیر . . دیدی . بکا اوج دفعه او قودی

اوفله دی . آندن تانیه اقدام قلفه سنی چاغیردی . خانمی
 کوزلجه بر چیکنه بی ویر . ایچنده هیج مراق یلی قالماسین .
 هبسی دفع اولسون ، دیدی . . . قلفه بنی پنجره نك
 اوکنده پوستکینك اوزرینه اوزاتدی . او یله بر چیکنه دی ،
 او یله بر چیکنه دی که باغیرمه یه اوتانیوردم . بستیل
 اولدم . حریف غالبا وقتيله یورغانچیلیق ایتش . . . اوت
 مینده رکبی چیکنه یور . ایچمده سکسان شیطان اولسه
 او قوقولو ایری مستلرک تکمه لری آلتنده طوره ماز
 مطلقا هپ فرار ایدرلردی . نسخہ بی بوینومه آصدیلر .
 طاشی دیلمک آلتنه قویدیلر . بر کاغده صاریلی اوتی
 آلیه ویردیلر . . . اوخ یارب شکر انشاء الله شفای
 بولورم . دیه بن کیدیوردم . قلفه : خانم بو آلدیغکز
 شیلرک نذرلربی اونوتدیکز ، دیدی . بر حساب پوصله سی
 چیقاردی . سککز غروش اوتوز پاره نسخہ ، بش
 غروش اون پاره طاش ، اوچ اوتوز پاره اوت . . .
 — آسلانیک بونمارشه سیمی بو آیول ؟ اوتوز
 پاره سی نه اولویور ؟

— بیلیم قرده ش . بیلیم . . . تمام اون یدی
 غروش اوتوز پاره ایتش . . . اودن چیقارکن اون

غروش قدر بوزوق پاره واردی . انسانلق حالی بو .
 اوزون بویلی یول بلکه پاره یتشمه یی ویرر دیسه
 کوچکک قومبارده سنده کی پاره لری ده چیقاروب یانمه
 آلمشدم . . . کیسه می آچدم . حسابلادم کتابلادم .
 یتش پاره قدر اکسیک کلور . اونک اوراسی تکیه
 بازارلق اولماز که . . . هم شمدی هر یرده فیات
 مقطوع . . . نه ایسه اوست طرفی صفیه دن آلدیم ده
 آکله دم . قابیدن چیقارکن قافه : « خانم بو آلدینگ
 شیرک شفاسنی اوزرکده تجربه ایتدکن صوکره ینه
 کل . » دیدی . اسکی خسته لغمه ده وقتور مورونا کیدن
 رجه آلدیم زمان اوده بکا بویله دیمشدی . . . جاده یی
 بولوب ده تراموایه قدر یورویه جک عالم قالمامشدی .
 چیکنه ندیمی ؟ یوقسه قیمه ما کنه سنه می کیروب چیقدیم ؟
 بیلمیوردم . وجودم رنده لشمش طوریه دوندی . های
 الله راضی اولسون صفیه قولتوغمه کیردی . سویله میسی
 کوتولک بن تکیه کیتمزدن اول دها صاغلام ایدم .
 نه ایسه کوچ حال ایله اوه قاپاغی آتدق . .

— سکاده اییلاک یاراما ز حسنا خانم . . او قومش
 آدملرک آغیرلنی طویولماز که . . . تکه لرده قونداقده کی

گوچك چوجقلرى چيكنه تيرلر . ياوروجقلر و يق بيله
ديملر . . .

— بيلم . نم كنام چوق ظاهرده اونك ايچين
آغيرلق طويدم . بو قلفه كييسى قونداغى چيكنه ر
ايسه چوجق يالكز چيكنه نيركن دكل آرتق بر دها
هيچ باغيره ماز صانيرم . . . بندن اول قلفه يه باشقه
بر قادين چيكنه ندى . « خاتم فاصيل اولويور ؟ » ديه
صوردم . « مبارك آدم وجوحتلى اما اوزرمده قوش
كبي كزنى . حكمت خدا هيچ بر آغيرلق طويمادم . »
ديدى . يالانمى سويلدى طوغرىمى بيلم كه . . .

— هر وجود بر برينه بكنزه من . او قادين چيكنه نمه يه
ادمانلى اولمالى . . . سن شمدى فاصيلسك ، ابي ميسك ؟
— بر ايكي كون كيكلرم آغريدى . حكمتنه بيك
كره قربان اوليم . شمدى وجودم صاغلانملاشدى .
نسخه بوينده ، مرقانلاندقچه او اوتدن قاينانوب ايچيورم .
طاش ده كه جيبمده كه آغزنده . . .

— اوح . . . اوح ربم ايبلك صاغلق و يرسين . . .
(ياصبور) چكيورميسك ؟

— ايسته اصيل اونى آكلانه جغم . . . چكيورم اما

قاچ اولدی بيلمک که ؟ ذهنم حسابا آليشيق دکدر .
بن يدي بيک صايي بي بر صره يه هيچ کتيره بيليرمي ؟
— تسبيحک يوقى ؟

— وار اما اوتوز اوچلاک نماز تسبيحي . . .

— بشيوزلاک ، بيکلاک تسبيحلا واردر .

— وارمش اما بنده يوق . . .

— تکيه دن کتيرت . . .

— کيرا ايله ويرميورلر خانم . . . بزمکنه سويلدم .

• هايدى قارى اورادن بيکلاک تسبيحلا اوغراشمه .

ذاتاً ياريم عقلک وار اونى ده قاچير ، بوسبتون
چيلديرسک ، ديدى . . .

— آاوده طوغرى .. حافظه منلايويلاه تسبيحلا بوزديدى يا .

بشيوزدن باشلادى . بشيکه اون بيکه چيقاردى . صوکره
عقلى ده زيوانه دن چيقدى . . .

— ها بيليرم . او قادين حقيقه چيلديرديمى ؟

يوقسه ايرديمى ؟ پک ابي معلوم اوله مادی . آشاغيسته

سلوک اورديلردى . حالا عقلمده در . خانم اوله او نه

شن قاديندى . شيخه انتسابله ايشى تسبيحه اوردقن

صوکره کندينه بر سکوتيلک کلدى . دنياسته کوسدى .

یالکیز او طه لره قاپانجه به باشلادی . « ندر بو حالک ؟ »
 دییه سورانلره دنیا بکا جیفه کلیور . « عیالم چوجقلم
 بکا بیلان کبی کوزیکورلر . » دیرمش . نهایت تولدی ،
 بو جیفه دنیادن قور تولدی . کیجه لری مزارینه صالحم
 صالحم نورایتمش ، کوره نلر وار . آه داریسی دوستلر
 باشنه ... نه موطلو خانم . . . آه آه لاقیردی لاقیردی بی
 آخیر . نه سویله به جکدم افندم آندن صوکره جغمه . . .
 حسابسز برچوق یاصبور چکدم . بکا آبی کلدی . افندیه
 سویلدم . « هاه ایشه ای ایچک صیقلدجه (یاصبور)
 چک . یدی بیکدن اکسیک اولورسه الله عفو ایدر .
 فضله کلیرسه زیانی یوقدر . » دیدی . صوکره خانم
 ماریوچجینک نجیه بکا بر عقل او کرتدی . « بر قاج اوقه
 قویو قندینی آلدیر . قابوقلرینی قیر . ایچلرینی یورغان
 تیره سنه تسبیح کبی دیز . ایجه حسابلا تمام بشیوز دانه
 اولسون . . . » دیدی . قیز ، بنی کناهاه صوقه هیچ قندقدن
 تسبیح اولورمی ؟ دیدم « صدف ، مرجان ، عقیق ، عود آغاجی ،
 قوقه ، یوز سور و تسبیح لرحل الله یاراندینی شیلردن یاپیلورسه
 قندینی باشقه سی یار اتمدی یا ؟ . . تسبیح حساب ایچوندر .
 کیرلی اولمیان هرشیدن یاپیله بیلیر . دیدی . . .

— بوده حقلی . .

— دیدیکی کبی یاپدم . خانم بوده اوجوز بر شی
 دکل . قاچ اوقه فندق کیدیور بیلسهك . بنم اوغلانه
 حسابلاتدم . بشیوزی ، اون دوت دفعه دفعه دور ایدر
 ایسهك یدی بیک اولورمش . یدی یوز یتش یدی ده
 قولای . تسبیحی هر دور ایدیشده یانمه بر فصولیله
 دانه سی قویوردم . قاچ دفعه ینه شاشیردم یا . فندقلردن
 بر پارچه آلارم یاغلانیوردی . اما الله قبول ایتسین ایشته
 بویله چکوب کیدیوردم . بر صبح قالقدم . سجاده می
 یوکنن چیقاردم . آره سنده تسبیح آرایوردم . خانم او
 جانمیشیوزلك تسبیحدن قاله قله بش اون دانه جك قاش...
 بوغازلرینه قور دوشسون ، یمشله . . . چیغانی باصدم .
 هبسی کلدی . کیم طیقندی بنم تسبیح جغمزی ؟ دیورم .
 « فاره یمشدر . » دیورلر . « فاره یهسه بر پارچه قیرینتسی
 قالیر . یمین ایدلك باقیم سز یمدیککمز » دیورم .
 « بز بر اوقه فندق ایچون یمین ایدمه یز ، دیورلر ...
 حاله می یدی ؟ قیزی یدی ؟ ییچی یدی ؟ اوغلانمی یدی ؟
 افندی می یدی ؟ کناهلری اوستلرنده قالسین . یوقسه هپ
 برر پارچه پایلاشدیلرمی ؟ اولآ آکلاشیله مادی . آه

خانم اصیل یاصبور چکیله جك صره اما تسبیحسز قالدم.
بن آرتق یاصبورلری قرارلامه دن چکیوردم . بر صباح
اوغلان کلدی . بنم عزیز . و آنته جکم واه واه تسبیحسز
قالدك . باشقه بر تسبیح یاپار ایسك بو سفر بادم دن
یاپالم! دیدی . قیز سوزه قازیشدی . « فسدق دن دها
کوزل اولور » دییوردی . . .

— آ خانم اینان اولسون سنك تسبیحکی یمشله . . .
قورو یمشجیلرده قاچ دورلو شی وارسه سکا هپ اولوردن
بر کره تسبیح یایدیرتوب طیقینه جقلر . . .

— طور قرده ش طور . آ کلانه یم . صوکره ایش
میدانه چیقدی . اولا اوغلانی چوق صیقیشدیردم .
عزیز عنادجیدر . باباسنك عنادی . بتون بتون اوکا
چکمش . بکا هیچ بکزه مز . آغزندن سوز آلمق ممکن
اولمادی . صوکره قیزی صیقیشدیردم . اولادی اوزرینه
یمین ویردردم . قیز بکا بکزه ر . طیانهمدی . سویلادی .
بابالری « آنا کز بویله قندق درویشلکی ایده ایده بر
کون چیلدیره جق . شیخ اوکا یدی بیک تسبیح چکمه یه
اذن ویرمشه بن ویرمیوردم . هایدی شونك تسبیحنی
بی یه لم » دیمش . پایلاشمشله . زیفتمشمشله . . . قندق دن

تسبیح اولورمی اولمازمی دییوردق. شمدی آکلادم که
بزم اولرده یمشدن تسبیح طایماز . بونجه علمانک عقلی
یوقی ؟ تسبیحلری ینمز، قاتی شیردن یا بمقده مکرکرامت
بو ایتمش . . . شمدی هرطونه یی صاردهجه اون یاصبور
چکیورم . آرتق قاج ایدر بیلم ؟ . .

۲

— عاله خانم قیزی اودن باغیر :

— آننه کل . . . مبروره خانم تیزمه کلدی . سف
چاغریور .

عاده خانم — سویله بورایه کلسین . آزیحق
لاقیردیمز وار . . .

قیز — ناصیل آزیحق لاقیردی ؟ بر ساعتدر
قونوشیورسکیز . . . بیتمیور . . .

مبروره خانم باش اورتوسی یلدرمه ایله باغچه یه
چیقار . ایکی قادین بربریه اسرار آمیز برطرزده اشارتله . .
شیرلر . . . عاده مبروره یه پارماغیله سکوت اخطارایدرد . . .
مسافر تخنه پرده یه یاقلاشهرق او صاحبنک قولاغنه : بدی ؟

— طویدکمی ؟

هه
آه

— طویدم . .

— بورایه اونی سویله یه می کلدک ؟

— اونک ایچین کلدیم اما قادینک قیزنی قوجه سی

بکی براقدی . عقلی باشنده یوق . شیخلر ایله تسبیح لر

ایله اوغزا شیور . شمدی بونی سویلر سه م آییلیر باییلیر .

بر طرفه بر شی اولور . دییه قورقویورم .

— باییلیر سه بنم یانده لقمان روحی وار . دوستلق

بوکونده بللی اولور .

— طور . . . طور شمدی اولماز . حسنا یی رقیه

خانمک اوینه کوتوره لمده اوراده سویله یه لم .

— سویله ملی ظاهر . صاقلایق اولور می هیج ؟ بز

حسانک دوستی دگلی بز . . . رقیه نک اوینه کوتورمزدن

اول بوراره بر پارچه چیتلا نه لمده قولاغی آلیش سین . . .

— بونک چیتلا نه سی ناصیل اولور ؟ ه قوجه ک

اولندی ، دییه پاطاداق بن بو قادینه سویله یه مم . . .

حسنا خانم تخته پرده نک آرقه سندن :

— قازیلر نه در او فیصقوص ؟ . . بذیحی چکشد .

یریور سکز ؟

مبروره خانم — الله ایتمه سین . . سفی نه چکیشد .

یرەم ! . . . سزەر کون بوراده بو بوداق دلیککنسک
اوکنده بویله باغیره باغیره قونوشیورسکیزده یانی باشکیز
دهکی اوده مؤذنک قاریسی هپسنی ایشیدیور . آقشام
قوجاسنه آکلایور . اوده محله قهوه سنده اذان اوقور
کی هرکسک قولاغنه باغیریور . محله ده بر یارمق بال
اولورز . اونک ایچین یاواش قونوشیورز . . .

— حسنا خانم (مأذین) ایسه مأذینلکنی بیلسین .
اذانی یتیردکن صوکره مناره دن دلبندجینک قیزی
حوریه ایله آل سودا ویر سودا اشارت غیرلا کیدیور .
قچ دفعه کوردم . قاریسی اوله حق یوصمه بزی دیکلایه .
چکنه قوجاسنه دقت ایتسین . اونی کوزمتلەسین . . .
ربنک اوندە بویله کپازملک اولورمی ؟ حکمتنه قربان
اولیم چاربیلمیورلرده . . .

میروره — صوص قردهش حسنا . . . صوص
خانم . . . قورقیورمیسک ؟

حسنا سنسک پرده سفی یوکسلته رک :
— بن آلاهدن باشقه کیمسه دن قورقمام . مأذیندن
قورق . اماندن اورک . بکجیسندن چکک . . . ندر
بو ؟ الی الله . . . اه (مأذین) اوله حق حریفک صاریغی
چیقاروبده کاغد خانده غزل اوقودیغنی محله ده بیلمه ین

وارمی ؟ او ناصیل اذان او قویشدر خانم ؟ مبارك صباح
اذان شریفك ایچنده اوزون اوزون آهله وارمیدر ؟
شکر ایدم که باشمزه آتش یاغمور . . .

عاده خانم — حسنا جغم شیخ کرامتك سکا ویردیکی
سکوت طاشنی نره یه قویدك ؟

حسنا خانم — جییمده . . .

عاده خانم — آل آغزیکه قرددش . . . آل آغزیکه . . .

حسنا خانم — آغزیمده اولسه بالله یوتارده ینه
سویلهرم . . . طایانیلیرمی ؟ بنم نه می دیکله یورمش
(مآذن) ك قاریسی . . . بونلری ده ایشیتسین ده آقشام
قوجه نه آ کلاتسین . . .

مؤذینك قاریسی نجره دن باشنی اوزاته رق :

— ینه بوچیرکفه کیم طاش آتدی ؟ . . چا پسین

سنی بیگك تسبیح انشاالله . . .

حسنا خانم — قولك بودك چارپیلسین . مستعمل

قویو چیقریفی قاری . . . باق باق صباحدنبری بوراده

قونوشدقلریمزی هپ دیکله مش . . .

مؤذینك قاریسی — یایدیغك یالانجی طولمه نك ایچنه

بر آووج ده ا طوز قوی ده آقشام محله بکه جیسنه یدیر .

چونکه قوجهك اوستكه اولمش . . . بردها يانكه كلمه -
جگمش . . .

حسنا خانم — آ آ آ هپسنى ديكه مش . . . آمان
خفقانم طوتيور . قوجهمه نه اولمش آ دوستلر ؟ .
آ كلايه مدم . . .

عاده خانم — برشى اولمامش ، برشى اولمامش . . .
ماذينك نوريه سنى قيزدير مق ايچين اويدوريور . . .
حسنا خانم — اونى يدى طاغك حيدودلرى
اويدورسون . . .

مؤذينك قارىسى — آمان نه چيركف آلههم نه
چيركف . . . بويله سنه شيخ ، تسبيح خير ايدرمى ؟
حسنا خانم — قايدن پنجره دن آدم ديكه ين جاسوس
قارى . . .

مؤذينك قارىسى — جاسوس سنك قوجهك . عبد -
الحميدك باش جاسوسى ايدى . محله دن قاچ دانه بيگناه
سوردردى . . . سزده بركون سوروم سوروم سورونه -
جكسكز . . . قوجهم چوق شكر حافظ كلام . . .
بزم ناموسلو لغمزي ام جهان بيلير . . .
حسنا خانم — قاه قاه قاه . . . قارى بوزداغان

کمرنده قوجه کک سسنة عاشق اولوبده وارمادکمی ؟ باشقه
عبالک وارکن بو حرابی ایجری یه آلمادکمی ؟ قوجه ک
حافظ کلام مش . . . او حریف آقشاملری صاریغنی
جینه سوقوبده یکی قاییده مقصودک میخانه سنده شیشه
شیشه ایچکی یو وارلادقن صوکره لانغه بوستانلری
آرم سنده قایاباشی او قومازمی ؟ سرخوش سرخوش قیزل
طاش جامعده مولود او قورکن ضبطه لر کرسیدن
ایندرمدیلرمی ؟ هانکی بریسنی سویله یه یم . . . بونلری
ام جهان طویدی . . .

مؤذینک قاریسی — ایشیدیورمیسکز قومشولر ؟
بو قازیدن ناموس دعوا ایده جکم . . .

حسنا خاتم — نه حدیکه . . نه حدیکه . . . کاشکه
یا کلوبده او یله برشی یاپسه ک . . والله آغزی جلیکلی
بر آپوقات طوتارده بتون بو دیدکلریمی ایچنه یازهرق
شیخ الاسلام قاییسنه بر عرضحال ویررم . مسافر
چارشافی قاری . شام قماش کی چشید چشید طوغوردیغک
چو جقلرک بابالری معلوم دکل . . .

عاده خاتم — آحسنا خاتم آ . . هانیا (یاصبور)

قوی طاشی آغزیکه آرتق . . . نهیه لازم قومشوسکیز.
برکون کلیرینه یوز یوزه باقارسکیز .

حسننا خانم — خانم آرتق سینیرلرم بر دفعه
دیره شدی . . . آغزیمه چی طاشی قویسه م دلمی
طوردیره م . . . آ توکلی دکل . . . بو اوده چیت
اولسه ایرتسی کونی محله قهوه سنده باصاپارولا اولویور . . .
مکرسه بوقاری بزی دیکلرده قوجه سنه یتشدیررمش . . .
کچنلرده قویومزک صوی چکلدی . خلاده اوچقورم
الده قالدیم . . . قیزم صابریه : « قیز بو او کربلایه
دوندی . جومبده بکله ده صقایی چهویر . یاخود باباک
آبی صویندن بر مشربه صو کتیر . . . دییه باغیردمدی . .
بو سوزم بیله قهوه ده بر یازماق بال اولمش . . . بزم
اودن محله قهوه سنه تلنومنی وار ؟ تلغرافی وار . . .
دییه شاشیروب طور یوردیم . . .

مؤذینک قایسی — محله وباسی قوقش قاری . . .
بن نهیه سویلاییم ! . . . اوکده اولوب بیتنی بتون طاله
سن کندک یتشدیررسک . اوکده کدی یلانسه سن اونی
بیگ بر کیجه حکایه سی کی تلار پولار قوصه قوجه بر
ماصال باپارسک . دیل دکل که ا کمکچی کوره کی . . .

بوقارينك آغزینه طاش قويماق دكل ديوار. اؤرسه لر
ينه نافله . . . هم كندی چاتلار . . هم عالمی چاتلاتير . .
پيره يي دوه ياپار . . . كچن اقشام قوجه م صانجیالاندی ده
بر قدح قونیاق ایچدی . زواللی به ایچبور دییه آتدیغی
افترالر هپ بوندن آزمه . . . هكیم رچته ایله ویردی ده
اوله ایچدی .

حسنا خانم — های قاه قاه قاه هیچ کوله جك حالم
یوق . . . قوجه م میخانه لرده ایچوب ده عالم کورمه سین
دی به اوده ایچیرمه یه اوغرا شیر . . . مزه لرینی کندی
الیله حاضرلار . هر آقشام بوستانده کی باغچوانه ، یوان
اون پاره اقی دره اوتی کتیر ، دییه باغیریرلر . یاتسودن
صوکره بر چیروز قوقوسیدر باشلار . بورونلریمزك
دیرمه کی قیریلیر . (مأذین) اونداه اووقت چیروز صالاطه سنك
معناسنی بكا آكلانیكیز . . .

مؤذینك قاریسی — قاری اویمزده ییوب ایچدیكیمزه .
ده می قاریشیورسك ؟ چیروز صالاطه سی یرم . .
ساردالیه صالاطه سی یرم . . . یاتسی ین یرم . . صباحه
قارشى یرم . . سنك نه وظیفه ك ؟ سن جاسوس دكلسك ده
بزم اویمزده اولوب بیتنی نه یه كوزده تله یورسك ؟

حسنا خانم — یاصبور شیخ کرامت . . . بوقاری
 بنی چات دیسه اوزته یرمدن ایکی یه آیره جق . . .
 آیول عثمان افدینک قینه کیجه سنده قوجه کی بکچی
 صباحه قارشى اوه آرقه سنده کتیردی . دوکون
 اوندده می صانجیدی طوتمشدی ؟ اوراده ده می رچته
 ایله امجدی ؟

مؤذینک قاریسی — قورد قوش اویور دشمن
 اویوماز دیرلر . دیمک بو قاری بزی صباحلره قدر
 کوزتله یور . . .

حسنا خانم — آیول کنج، اختیاربتون محله نیک
 ارکیکی بر اوه طویلانوبده یالالی چاغیره رق کوبک
 آتدقلری کیجه اویونورمی که بن اویویایم .

مؤذینک قاریسی — انشاالله دیری ایکن خورتلاده
 هیچ اویویاماز اول . . . عالمک چیروز صالاطه سی سنک
 نه وظیفه ک ؟ آزواللی سن کندی دردیکه باق . قوجه ک
 اولمش . . .

حسنا خانم — نه دییور ؟ قوجه م یلتمشمی ؟
 مؤذینک قاریسی — هاه هاه هاهاى !.. شمدی ده
 بن کوله ییم بارى . . . قوجه ک اولمش . . . اولمش . . .

کنج کوزل ایلیکەر کی بر قادین آلمش . . . سنک کی
آدی حسنا، کندی یدی بلا غدوبت قاری پی نه یاپسین؟
صاچلریکی سیاهه دکل آالکیم سما رنکسه بویاسهك ارتق
یوزیکه باقیله جق حالك قالماش . . . تویی توسی
دوکولمش، سوتی کسيلمش اختیار اویوز کچیلره
دونمشسك . . . عالمك ایچکیسی فیشقیسی سنک نه
وظیفهك؟.. سن اون پارهلق موم آلده کندی دردیکه
یان . . .

بو مدهش، کسکین خبر شدتله بورنه قاچمش کی
حسنا خانم طولمه تیجره سی اوزرینه اوچ درت دفعه
صاغاناقلیجه آتصیردقن صوکره طوپله اورلمشه دوزر،
سرسملر .

مؤذینك قاریسی تیجره دن دوام ایدر :

— قونو قومشونك قایسینی، تیجره سنی دیکله یوب
کوزمتله یه جککه، او چوماق قدر دیکله محله پی چوربا
کی قارشیدیره جفکه، قوجه که صاحب اوله ایدك قالماق..
شیخلره کیدوب چیکنه نمک نه پاره ایدر؟ سنی شمندوفر
چیکنه ملی که ام جهان او شوم آغزیکک شرندن
قورتولسون . . .

عاده خانم بخیره باشی قالدیررق :

— صوص آرتق نوریه صوص ... قالدین
بایغینقلر کچیریور ... بر طرفه اینر مینر ... بر شی
اولور . کناهدر ...

— کناهمیدر ؟ او کندیمی کنهای بیلورمی ؟ بنم
حافظ کلام قوجه مه نهیه افترا آتیور ؟ قوجه مک بر
باش دونمسی عاقی واردر . دوکون اوند غلبه لقدن
طوتمش . اونک ایچین بکچینک آرقه سنده کلدی ...

حسنا خانم بیوک ضربه لر آلتند سیلکینوب سیلکینوب
باش قالدیران جنس بر خروس کی طاورانارق :

— قینه کیجه سندن دونن ارککلرک کیچی آرابه ایله
کیتدی . کیچی کوفه ایچنده ، کیچی حمال صرتنده ...
بر طاقیده سواققلرده صوراتلرینی کوپکلره یالاته رق
قالدیرملر اوزرنده سرکین یاتدیلر ... هپسنک باشی
دونمش معده سیمی بولانمشدی ؟ دوکون اونی ، او جانم
کلین اوطه سنی قوصموق دریاسنه چه ویرمشلر ... او
کیجه سزک اوده کی او کورتودن بزم اوده طورولمادی .
بن کیمسه یه افترا ایتیم . . . افترای اولنمش دیبه سن بنم
قوجه مه آتیورسک ... قوجه م اولنمز ... اولنه مز ...

— آی آمان... عجبا نیچین؟

— ارکککایکی یوقدرده اونک ایچین...

— آ تحف شی... غیدقلاسه لرده بر پارچه

کولسم... قوجه کک ارکککایکی یوقسه سن اوچوققلری
کیمدن پیدا هلاکله؟

— اولدم اوله سی او یله دکلدی یا... یدی سکزر

سنه اولی یا کلشلقله بر علاج یدی ده او یله اولدی...

— دها کچن سنه اونی (طورشن) ک اونده

باصه جقلردی. ارکککایکی اولمایان آدم زنباره لغه کیدرمی؟

سنک فوینکده یاتوب قوجه قاری نفسیله زهرلنمک

ایچین بو جیله بی اویدرمش... دها او زمانلری سنکله

دوشکنی آیرمق ایسته مش. سن کنه کی یاپشه رق

ه بن شیخه دانشدم. عیالندن آیری دوشکده یاتمق

کناهدر... دیدی. دیمشک. آد مجفزده نه یاپسک؟

سندن قورتولمق ایچین بو دوزه نی قورمش...

عیالناماز. او کنج سن اختیار... یان یانه آینه نک او کنه

کچوب ده باقسه کزه... آنا اوغل کی طور بیورسکزر...

ب آ آ آ اوستمه ایملک صاعلق... او بندن اون

یاش بیو کدر آبول... نفوس کاغلریمز چکمه جه ده طور بیور.

— نفوس کاغدينه کنديڻي اون ياش کوچك يازدير مق
موده سي آرتق بك عادي بر حيله صرر سینه کچدی .
کچن کونی (طرزان) لينك يتمشلك قانن آ ناسنك ياشی
تذکره عثمانیه سنده اوتوز آلتی کوروندى . بوكا زواللی
قادينك کندندين باشقه عالم کولدى . چونکه اوغلنك
ياشى اليدن زياده . . . بر آدمك نفوس کاغندن اول
صورتنه باقارلر خاتم . . .

— قوجه مك صاچي صقالی هپ بويادر . اونى اويله
کوروبده کنجمی ظن ايديورسکيز ؟
— بویا صاچلری وقتندن اول آغارمش کیمسه لره
ياراشير . . . حقیقه اختيارلامش اولانلری بوسبتون
چيرکين ايدر . سنده بویا قوللانيورسک . نيچين
کنجلنه ميورسک ؟

— قوجه مده کوزکمی وار قارى ؟ ماذين سکا
يتشميورمی ؟

— ماذين قدر باشکه طاش اينسين . . . عارفلى
ظريفلى کيمسه يه ويرمزسک . . . قوجه کاک ارککللى
يوقشده نيچين بويانيور باقميم ؟ کنديڻي کيمه بکنديره .
جک ؟ باشنده قابلى فس . . . آياغنده غيجير غيجير

روغنی پوینلر ... ایپکلی بیوز باغی، اورته سنده او قلی
 یایی الماس ایکنه . اصمارلامه یاییلمش اوتولو البسه ...
 دلیقانی اوغلاک بیله او قدر سوسلنه میور . سن ایسه
 آلیق قاری اوده سوققده حمام آناسی کبی کزه رسک .
 قوجه کده بیک دکدر بیایرم . الی بشی کچکیندر .
 فقط سنکله وجودینی پیراتمامش . . . هیچ غم ، کدر
 طوتماز . سنک دیر دیر کدن بوجاق بوجاق قاچار .
 اوده طورماز ، همان کندینی سوقاغه آتار . اوده
 چولوغنه چوجغنه ساده صویه پراصه ، اسپاناق ، سمیز
 اوتی حاشی مەسی یدیرر . کندی اعلا لوقانطه لرده قوزو
 قیزارتمەسی ، هندی طولمە سیله قارتی طویورور . قوجه ک
 صوک زمانلرده قومیسینو نیجاقدن او یله پاره قازاندی
 او یله پاره قازاندی که آلیونه دوندی . سزه اون پاره
 کوسترمدی . اویکیزده انسان قیچینک آلتنه قویه جق
 صاعلام بر اسکمله بوله ماز . حالا او قرق ییلاق اوت
 مندرلر . صولوق باصمه مقعدلر . حالامسافر اوطه کزده
 او چارییق قونسول ، اوستنده او قارارەش هوتوزلو
 آینه ، اوکنده خرداواتجیلردن دوشورلمش نوح نبی
 ییلدن قاله قیریق لامبەلر . . . سنک ایل عالم ایچینه

چیه جق بر قات تمیز البسهك، آبی بر چارشافك یوقدر.
 چولو غكك چوجفكك اوستلری باشلری دوکولور.
 مادامکه سوزبورایه کادی. هپسفی آکلانهیم باری...
 هانیسا اوج آی اولی ازمیره تجسارته کیدیورم دییه
 قوجهك بورادن غائب اولمادیمی؟ ایشه اوزمان اولندی.
 یکریمی ایکیسندمه بر قاری آلدی. او یله کوزلمش او یله
 کوزلمش که بر ایچم صو دیورلر... فقط بوزوق
 صویدن مش... مژده می ویر. قوجهك بوینوزلری
 طاقمش... ارتق دال بوداق صالیورمش. ناموسکار
 قایسی حسنا خانمک اوطوردینی اودن ایچری اوجاتال
 چوتال دجال قفاسی ارتق صیغیه جقمش... قوجهك
 هفته ده اوج درت کیجه اوه کلدیکنک سینی نه
 مراق ایتمک؟ بو چنکانه چرکسی، حق قوران قفسی
 چاریقی اوه کلوب ده نه یاپسون؟ اونه کی اوینی او یله
 بر دوشه توب دایتمش، او یله جیجی ییجی اشکیلیله
 طولدرمش که... کوچک بازار آلن دیورلر...
 حسنا خانم بیتندن آشاغی صاحیلهرق سموم قاصیرغه
 سی دهشتیله هر طرفی آلازلایان بو سوزلرک الم
 تأثیراتی آلتندمه اولاشاشه لامش، صوکره عقانی باشنه

طوبیلامه یه اوغراشه رق دقتله دیکله مه یه باشلامشدی .
 مؤذینک قاریسی نوریه نك فروندن صاچیلیر کی صاووردینی
 بوصوک سوزلر خصوصتکارانه اولمقله برابر بوسبتون افترا
 قیلندن، آصلسز شیلردکلدی . قوجه سنک صوک زمانلرده
 سنیه غیر متناسب سوسه ، تووالته ، شیقغه ویردیکی
 کرمی ، از میر سیاحتی ، هفته ده اوچ درت کیجه خانه دن
 غیبتی ، تمامیه طوغری ایدی .

حسنا خانم طولمه تجره سنک یانندن چکلدی . باشی
 آصمه چارداغنک دیره کنه طایادی . یاغلی اللریله صاچلیرنی
 دوزله لته رک دوشونیوردی . او دقیقه قدر قوجه سنک
 اوزرینه بویه بر شی یورمق عقلنه کلامشدی . فقط
 شیمدی قومشوسی نوزیه اونی اویله بر ایز اوزرینه
 قویمشدی که بوايزك ییلانقاوی کیدیشلیرنی نظر محاکمه سیله
 تعقیب ایدمک ، ایکی مجهولدن بر مثبت آتلایه رق یواش
 یواش وضوحه ایریور ، صوک زمانلرده قوجه سنک
 حالده پیدا اولان غرابتلرک قارانلقلری یرتیلیور ، بعض
 حقایق کون کی آشکار اولیوردی .

۳

عقدلری زماننده شعیب اقدی یکر می بش یاشنده
 کوربوز بردلیقانی ، حسنا خانم کوزل فقط دایشمن بر
 قیزدی . ازدواجلری شمدی اوتوزبش سنه یی بولمشدی .
 بو اوزون قاریلق قوجهلق مدتند بر برینی چوق کوجندیر .
 دیلر . حیات عائله لری همان دائمی بر خیر کور ایله
 کچدی . حسنا خانم ایلك چوجنی صابره یی دنیا یه کتیر .
 دکن صوکره اختناق رحم علته اوغرا یی . قادینلرک
 تعمیر لر نجه هنوز قرقی چیقما دن حوسه یی دوشکننده یالکیز
 بر اقمشلرده آل باصممشدی . قادینک خالق ذاتا دایشمن
 ایکن بو آل باصقیندن صوکره ظیر دلی اولدی . هکیم
 خواجه تداویسنه چوق اوغرا شیلدی . بک فائده ویرمدی .
 آره صره کنندینه بر آاز سکونت کلیر . فقط آی باشلرنده
 شدله نوبتی طوتار . یالکیز کندی اوینی قاصوب قاوور مق
 دکل بتون محله یی آلت اوست ایدر . قاییسنک او کندن
 کلوب کچنلر ایله غوغایه طوطوشور . بو نوبت زمانلرنده
 چهره سنه عجیب بر تقاص عبوسانه کلیر . قاشلری چایلیر .

کوزلری بیور . صالیاری آقار . بر لاقیردی طوفانی، بر
 هذیان تظلمیدر باشلار . او یوماز . سویله نیر . یه من . سویله نیر ...
 اولادینه قوجه سنه بتون دنیا یه خصم اولور . و عالمی کسندینه خصم
 کورور . لسان تظلم ، تنقید و تزییفنه طولامادینی شی
 بر اقاماز . تیمار خانه نک آزیلیلره مخصوص بر خجره ضبطنده
 زنجیره اوروله جق قدر دلی دکل . . . فقط عقلی ده هیج
 دکل . . . احوال ذهنیه جه موجود انسانلر انواعندن هیج
 بر نوعک قدر و سنه ادخال قابل اولمایان بو قادینی نره یه
 قویه جغنی ، ناصیل ضبط ایده جگنی بیله مین شعیب افندی
 شاشیر مشدی . چونکه نوبت زمانلری خارچنده قادینک
 حایم ، ساجم ، سکونتلی ، ایشیله کوجیله مشغول قادین
 قادینجق و قیلری ده اولور . او زمان انسان زواللی یه
 آجیر . بوسکونتلی آنلرنده هر کس ایچون خیر خواهدر .
 بر آی ، بمضادها زیاده سورن وهان او یقوسز و غداسز
 کجن آزعینلی ائناسنده تضاعف ایتمش ظن اولنان بتون
 قوتی عالمه دالاشمغه صرف ایتدیجی ایچون نوبتک
 ختامنده بیتاب دوشر . صانکه بو ضعفی تضمین ایچون
 طبیعت اوکا بیوک بر اشتها ویرر . یر ایچر ، اوزون
 اوزون او یور . آرتق سویلنمز . الک لزوملی سوزلر ایچون

بیله آغزینی قیپردانمیه اوشه نیر ... دوداقلری بوروشوب
بر برینه یاپشمش کی طورور. یاننده هوائی سوزلرله مشغول
اولان قادیلره :

— عالمک دیردیری نه کزمه لازم خانلر نفسکزمه
یازیق. کندیکزمه اوزونتو آرایورسکزمه. ذوقکزمه باقکزمه..
یوللو نصیحتلر ویرر . نوبتی اتناسندمه هرکیمک
خاطرینی قیرمش ایسه اولردن عذرلر ، عفورلر دیلر .
حسنا خانمک خلقتندمه کی بو اییلکی ، بوقلب صفوتی ،
بو خیرخواهی بی کوره نلر ، بیلنلر ، نوبت زمانلرنده بو
قادینک تجاوزلرینه هذیانلرینه آلدیرمامه یه قرار ویررلر .
فقط تحمل قابل اولماز . چونکه نوبتی آنلرنده بمضاً
صرف دلی کی صاحبلر صاورماز . غایت منتظم سویلر .
هرکسک جان آله حق طمارینی بولور . اک کیزلی قصور
ومعاینی مدهش بر نفوذ نظرله کورور . عادی زمانلرنده
ایکی سوزی بر آرمیه طوبیلا یوب سویله یه من بر قادین کی
طورور ایکن اختناق رحم نوبتیه دماغ واعصابنده اویله
بر انتباه شدید حاصل اولورکه امی اولدینی حالد عادتا
(نابی) له شیر . (فطنت) لاشیر . سوزلرینی اوق کی
ایشله ته جک بر فصاحت ، طلاق و بلاغت مؤثره پیدا

ایدر . اویله حاضر جواب اولور ، اویله پارلاق جمله لر
 صرف ایدر که حیرت ایتماک ممکن اولماز . . . خصمنک
 ضعفی نه طرفنده در بیلیر . هر کسک قلبنده کیزی طومتایه
 اوغراشدینی یاره لرینی زهرلی دیلنک اوجیله ییز کی
 ده شر ، قورجه لار ، قاناتیر . . . ایشته اوزمان انصاف
 و وجداننه اک مغلوب اولان بر کیمسه بیله غیرتلاغنه
 آتینه رق بو قادینی بو غمق ایستر . بخصاً صرف افترا لرده
 ایجاد ایدر . فقط اسنادینی یاراشدیره حق ، حقیقته بکیزر ،
 مغفل اشکال ایله سوسلر . هجومی هپ هر کسک حیثیت
 و ناموسنه در . محله خاقندن برینک عرضی حقنده اورتیه
 بر بالغم آتدیمی او آدم یدی محکمه دن برأت اعلامی آلسه
 آرتق نمیزله نه مز . هجوم انساننده فانی حالیه تأییداً
 اعضای وجهیه سنه و یردی بی صنعتکارانه اوضاعک ال بیوک
 آرتستلرجه بیله تقلیدی بی امکادر . چونکه صنعة
 تقلیده اوغراشیلانک بو اصلی ، موده لی ، طبیعیسیدر .
 حسنا خانمک دوره سکوتی ایکی دوداغی بر برینه
 یایشیق ایمش کی غایه بطائنه کلیدی آرقه سندن حال مرض
 تدریجاً ظاهر اولور . اولاً أسنه مه لر ، صوکره خفیف بر
 چارپندی ، اویقوسزلق ، باشلار . خسته انمک سیری

ابتدا بر مشیت عادیہ کیڈر. صوکرہ طریزه ، دها صوکرہ
دورت نعلہ قالقار. ایشته اوزمان اطرافندہ توزی دومانہ
قاتار. یدی محله‌بی صوصہ طور دیرر. ایلك علامم مرض
بلیردیمی خانه خلقنی بیوک بر خوف وتلاشدر آلیر.
مسکن ، ملین ، منوم علاجلر ویریلیر. فقط همان هپ
بی فائده در. خسته‌لق سیرینی تماملامادجقه قادیخی بر اقاماز.
بعضاً ایکی اوج آی سوردیکی ده‌اولور. خسته ، شدتلی
یوره‌ک چاریندیتسندن، اویقوسزلقدن، بوغازینه یووارلاق
برشی طیقاندیغندن شکایت ایدر.

بو (ایستری) نك آدی محله‌جه مراق علتیدر.
حسنًا خانمک ینه مراقی طوتمش خبری محله‌یه یاییلیدی
هر کسی بر اندیشه تحفظدر آلیر. یاقین. قومشولرده
قاپیلر، نجره‌لر، قاپانیر. سوزلر فیصاتی درجه‌سنه اینر...
جونکه قومشولرک برندن آلدیغی، یاخود بر قائل نامنه اختراع
ایلدیکی سوزی داللاندره ، بوداقلاندره تزیین ایدره‌ک
بر حجت اغفال شکلنه قویدقدن صوکره بر دیکری علیهنده
استعمال ایدر. «سنک ایچون فلانجہ بویله دییور ،
دیر... بو قادینک دلیلمکنی هر کس بیلیر. فقط فساد
جنتندن صیانت نفس همان کیمسه ایچون قابل اولماز.

بودلینک قوردینی اوکسه لره انک عقللی انسانلر طوتیلور .
 بو حالدن محله لی بمضاً پک بیزار قاله رق شعیب افندی به
 جنتی زماننده زوجه سنی یابر تداوینخانه به قویمه سنی یا خود
 خانه سنده قابالی بولوندرمسنی مصر آ توصیه ایتشلردی .
 فقط دلی اولوب ده قطعاً کیمسه به صالدرماز . آتش ،
 ییچاق کبی قضالی شیلره آل سورمن . اونک زهر جنتی
 یالکیز دیلنده در . یاقلاشه بیلدکلرینی صوقار . تسمیم
 ایدر . بو توصیه جیلره شعیب افندی شو جوابی ویردی :
 — زوجه م تیمار خانه لک دلی دکلددر . بو توصیه به
 محله لیدن زیاده اطبا صلاحیتداردر . بویله بر حرکته
 بولونمه به اللهدن قورقارم . چوجقلریمی متأثر ایتمش
 اولورم . بز اونک طبیعتی آلدق . خوینه صوینه کیده رک
 مراقفی یاتشدیرمه به اوغرا شیرز . ضدینه وارمایه هیچ
 کلز . تیمارخانه ده بلکه بوسه بتون دلی اولور . بزم
 محله ده کی قادینلرک چوغی ذهنأ زوجه بدن پک بالاتر
 دکلددرلر . زوجه مک بویله عصی زمانلرنده اونک بونک
 عاهینده آغزندن سوز آلمق ایچون یانسه کلیرلر . لاقیردی
 آشه لرلر . سزده قاریلر کزی بر آرضبط ایتسه کز بو توصیه به
 لزوم قالماز .

شعیب افندی اوتوز بش سنه در بو بلایی چکدی .
 انسانیته تعیین ایدمه بیله جکی خط حرکتدن صایتما مایه
 اوغراشدی . وجدانیله انصافیه جنکلاشدی . فقط بو اوزون
 سنه لر طرفده نه کنجلاکفی بیلدی ، نه اختیار لغنی آکلادی .
 نه سعادت زوویه کوردی . نه ده اوچ کون استراحت
 عائله ... تأمین معیشت ایچون خار جده مهادیا اوغراشمق
 اوه کلنجه هر ساعت دالاشمق ... کندیسی ایچون حیات
 بو ایدی ... زوجه سی پک قیصقا نچدی . افندیسی کندی
 کوزندن ، قورتدن قوشدن قیصقا نیردی . مرضنک اشتدا .
 دینه بو هر درلو اولچو لردن افزون ، قیصقا نچانی سبب
 اولوردی . زوجی حقنده کی مفرط محبتنی اوکا طایانیلماز
 اشکنجه لر چکدیر مک صورتیه اظهار ایدردی . صوک
 سنه لرده حسنا ضعیفلا دی . بوروشدی . چهره سنه تمامیه
 قوجه قاریلق منظره سی ، بر پیرانه چیرکینلیکی چوکدی .
 هر طرفی پورصودی . صارقدی . جلدی اسمرلشدی ،
 چیللمندی ، زوجی شیشمانلغنی واولد فیه طراوت وجهیه سفی
 محافظه ایتدیکندن اوکانسبتله شمعی کنج گوریدوردی .
 حسنا خانمک : « بن صاحب لیمی بویه مایه بیده قوجه مک

ياندە آناسى كېيى مى طورايىم ؟ اندىشەسى ايشتە بوندن
ايلرى كلىوودى .

شەيف افندى خوارداق قاچامقلىرى ياپاردى . فقط
بك كېزلى ، بك سىردك ، زوجە سەنە برشى سىزدىر مەملىكەتچون
اتخاذايدىلە بىلە جك صوك تدايرلر ك هېچ برندە ذرە جە
قصور كوستىرمىدى . اوزون مدت قېو چوخدارلقلرنىدە
بولدى . على كل حال كچىنىوردى . رفاھە ايرەمە مشدى .
صوك زمانلردە قومىسيونچىلغە باشلادى . بر ايكي ايش
فوق المامول يوزىنى كولىدىرى . قاصە سەنە بر قاچ بىك ايرا
كىردى . ذكى چالشقان بر آدمى . فقط عمرىنىكە ايكندى
اذانى « حى على الفلاح » نىداى ايقاتىنى چكىمش اولدىنى
وشمىدى بە قدر عمرىنى همان يوقىمىزاغە قىرىب بر مەيشت
وارانى ايچىندە كچىرمىش اولدىنى ايچون ايرىشمك اوزرە
اولان اختيارلغى ، ايكي اولادىتى ، معلول زوجە سەنى
دوشوندى . كندىنىك وعائىلەنىك تاىمىن آتسى ايچون
دەها چالشمق وبر قاچ پارچە ايرىدىمىق قىدىنە رىبط قلب
ايتدى . بىناؤ عليە قازانچى كىم سەيە سىزدىر مەيە اوغراشەرق
مەيشت حاضرە سەنە هېچ وسعت وىرمىدى . اولىكى اداره
بىتە سەنى قطعياً بوزمادى .

فقط ، دد تره نيسم ، ناميله بر فلسفه واردركه قضا
وقدره كيمسه حاكم اوله ماز. انسانك هر حركتنى بر سبب
تولدايدز. دائما ايش اوله جفته وارير. مسلك متوكلا نه سيدر.
زواللى آدم بوكله بى عمر نده هيسچ ايشتامش اولدينى حالده
بو فلسفه نك فورطنه نه اوغرا دى. بر طاقم اسباب مولوده
بو حسن نيتنى اجرادن كندىنى منع ايتدى .

اسكى ضبطيه طرفلرنده كوچك بر يازيخانه آچهرق
قوميسيونجى لقله اشتغالى انساننده بر چوق كيمسه لرله
كوريشيور. معامله نه بولئوردى . بر آره اق اداره خانه نه
« سروناز ، اسمنده كاغد قوافى بر قادين داداندى .
بيلكيج ، بحريكللى ايشدن ، سوزدن بيلماز ، كثر
معامله دن ديشى آوولت كيسيلمش فقط كچيكنجه بر قدين ..
» جامع بيقيليرسه محراب يرنده طورر ، ديرلر . بونك
محرابه ضميمه منبرى ، مقصوره سى ، وهله صوك جماعت
برى هنوز بوزولماش كييدى . سنا هان حسنا خانمه
قريبدى . صاحلر دائما قوه راله بويالى ، يوز دوزكونه
آلاتله مطالا ... قاشلر كور ، كوزلر خفيف سورمه لى ،
اطوار واداسى كندى نك حالا كوزلاك تخندن اينامايه
بين ايتمش بر اسكى يوصمه اولديغنه شبهه كوتورمزدى .

کندینه نه ایش تودینغ ایدلسه تماميله عهدہ سندن کلدیکندن
 شعیب افندی بو قادینه معامله یی ایلرلندی . فقط قادین
 قومیسو نچینک قاصه سنده کی بر قاج بیك لیرانک قوقوسنی
 آلدی . اسکی بر قووقده بال پتکی کشف ایتمش بر آری
 کبی آدمک باشندن آریلوردی . شعیب افندینک حسب
 ونسی ، احوال روحیه سی ، فلاکت یتیه سی حقنده مکمل
 تحقیقاته کیریشدی . هرشی او کړندی . زوالی آدمه
 مکمل بر سودا طوزاغی قورمق ایچون اطرافنه
 قازیققرینی قاقدی . اپلری کر مکله اوغراشوردی .

اداره خانه یه کیرمزدن اول بیلرنده جاری معاملاتہ
 دائر جلوہ لی ، عشوہ لی ؛ مصنع سوزلر ترتیبیلہ ، هنوز
 ینہ بیاض و طونبول قالمش قوللرینی چارشافدن ودانتانہ لی
 بیلرندن صیرہ رق یازینخانہ نک اوزرینہ دایار ، اک جاذب
 الک طاتلی تبسملرینی دوداقلرینک اطرافنه ، یایہ یایہ ، آد مجفزک
 اکدرین قلب کوشه لرینہ صوقولمق ایسترکی نافذ وبایغین
 نظر لرله کوز سورہ رک بیوک برصمیمیت اداسیلہ آہستہ
 لطیف سوزہ کیریشیر . حاصلی بیات موجودیتنی یورہ ک
 تازہ لہین لذیذ بر مشروب کبی حریفک بوغازندن آشاغی
 آقیمق ایستر . فقط شعیب افندی اورالردہ دکلدی .

او، بو قادینك یوزنده معاملات جازیه سنك بعض اقسامنه آلت تدویر اولق خاصه سندن باشقه بر شی کوره مزدی . اقدی اوردم دویمازلقدن کلدکجه قادین تسخیر صنعتکارلغنده کی موجود فتنه و بوتون فسونکارلغنه رواج ویرر، هیات موفق اوله مازدی. قادینه بر آره لق شبهه کلدی. عجباً حسنا خانمك زوجی حقنده و قوجه مك ارککلکی یوقدر .، زمینده چیقاردینی شایعه موافق حقیقتیمیدی ؟

مسئله نك ایچ، یوزی تحفدی . شعیب اقدینك ارککلکی وار، همده ایشلنمماش بر معدن کی او سنده کی آدملرده نادر بولونور بر قوت و جوهرده ایدی. عثمانلی مملکتلرنده کی مکنوز معادن کی شعیب اقدی کندی جوهر رجولیتنه کندی بیله پك واقف دکلدی. حسنا خانم اونی کورلندی ظن ایندیوردی . اختناق رحم نویتلری اثناسنده، اختیار زوجهنك ناموس اولدینی قدر حار و نفرت آور سودا صولتلرندن قور تولق ایچون بو صنیعه یه مراجعت ایتمش و قاریسی ایناندرنجیه قدر سنه لرله آق ایله قره یی سچمشدی : و حریفك کوزی آرتق تی کورمیور . بویو یابوب قوجه می باغلادیلر .

- او صريم كې آدم باچاورا كسيلدى . كسكين بر خواجه بيلورسه كز بكا صاغلاق ويريكنز . بويوي بوزورتايم . بوكنج ياشمزدده حريفاه همشيره برادر اولدق آ دوستلره . تظلملر ياه چالماديني قاي ، مراجعت ايتمدي چاره نداوي قالمادي . زوجي هفته لرجه توتسولره ياتيردى . يدرمدي قوت معجونى ، طاقاديني نسخه ، ايصله توب ايچرمدي دعا بر اقامدى . خواجه ، طيب وصايا سندن باشقه چنكاه قازيسى رچته لرى دوا ترتيبا سندن اولان قوندوزلره ، كوستبكلمه ، قالمو مباغيلمه ، قورباغلمه ، اورمچكلمه ، ينكچلرمه ، شيطان مناره سى محتوياتنه ، هدهد يورطه لرينه وارنجيه قدر هپ يدى . قازيسنك كوكلنى يالكز بو صورتله خوش ايميه اوغراشدى . چونكه اونك ديكر دورلو طيب خاطرينه كندنجه امكان يوقدى . وجودى هر نوع تجربه يه عرض ايتمكدن چكندى . فقط حسنا خاتم باچاورا يي ديرلته مدي . قوجه سنك عناتى خصوصنده آرقق قاديننه قناعت كلدى . شعيب اقدىنك يني فلاكتنك بو اجراسى مشكل قسمندن قورتولدى . فقط قادين بتون بتون فتيلى آلدى .

زوجه سنك يدرديكى مقوياتدن قوميسونجىنك يديه سى

بی تأثر قلمادی. قاننده و اعصابنده کی تناسل قابلیت وقت
 وقت فوران نوبتلی کوستیردی. فقط یالکیز ترفنده
 و تازہ میوه لر ایچون اشتہاری دہ برہش او یوشق معدہ لر
 کبی اختیارلرہ مستولی شبابتپر سنک مراقیلہ معلودی.
 رایحہ نوعیلری پک قوقلانماش، رنک و جاذبہ ایلہ مطرا
 یکی آچیلہش تازہ جیچکلرہ، طراوت و لطافت جنسیہ سنک
 ہنوز دومانی اوستندہ، کو کر جین پالازی کوربہ قیزلرہ
 دوشکوندی. کناہہ کیرر ایسہدہ بویلہ لریلہ کیرمک، یارین
 آخرتدہ جزای معصیتی چکمک ایچون زبانیلرہ یاقہ سفی
 ویرمزرین اول بودنیوی ملک لک ذوق عشق لریلہ یا تمق ایستردی.
 معروف اسکی برہصال واردر: بر پادشاہک ذریعی
 اولماز. بر درویش ظہور ایدر. شاہ زمانہ برالما تقدیمیلہ
 بو مطلم المایی قادین سلطانلہ نصیت اوزرہ یمہ لری
 وقابوقلرینک دہ قصر اغہ اکل ایتدیرلمسی نصیہ سندن
 بولنور. بو المادن باذن خدا نورطوبی کبی بر شہزادہ،
 وقصر اقدن دلدل مثالی چالاک پا بر طای طوغار...
 بوماصالک حکمت فلسفیہ سیلہ قولانغی طولغون اولان
 حسنا حاتم تناسل غلیانندہدہ قوجہ سندن آشاغی قالماق
 ایچون نصرالدین خواجہ نک نفت یاغی حکایہ سندن حصہ

حکمت چيقارتير بي طلمسلى مقوياتى قوجه سيله نصفيت
 یمش وقير يذيلرني ده کدی به وير مشدی. کدی اوسنه شهزاده
 باشی قانعلو جيلري کبی طاملر اوزرنده آزغین طاشقلرله
 سامعه خراش قالینلی انجه لی برچوق (دوئطلو) لراوقودقدن
 صوکره نهایت مارتده آلتی باورو طوغوره رق برکت تنه.
 سلیه سنه بوتون محله بی حیران ایتمشدی. فقط زوجنك
 سودای مشروعه عدم رغبتدن طولای حسنا خانمك
 یدیكى مطاسم مقوياتك حرارتی قاننده قالدی. قادینی بتون
 بتون زهرله دی. شعیب افندی ده اختیار اعصابنده خیالات
 سوداده برشمه لری، ایلکلرندن برصوڭ بهار یقطه شاعری،
 قاننده نایموسم برمد وجذر عشق دالغه لری طویو یوردی.
 بو آره لق قارشى سنه سروناز خانم چیقدی. لکن قادین
 اسمنده کی نازایله بونك قلبنده برشعله ارزواویانديره مادی.
 آد مجغز بو قادینك دوز کون آلتنده درینله شن بوروشوقلره
 باقچه حسنانك جلب رغبت ایچون سوسلندیکی زمازلرده کی
 یورغون چهره سفی نخطر ایله اونى کورمش کی اولویور،
 قانی، ایلکی، سنیری بوز کی طونیوردی. قادین یالکیز
 اسمنده کی نازك قوه تسخیریه سیه اکتفا ایتمز برقورنازدی.
 اختیار قلبلرک کچ طوتوشور فقط برکره قیغیا جیمیلانددن

صوگره آشك كهنه جوانی در حال صاروب بتره جگنی
 بیابوردی . کیفیت ، دانه تسخیری هدفه آبی اصابت
 ایتدیره بیلمکده ایدی . حریفك خرابه یوز طوتمش
 حصار قلبی فتح ایچون یمینلر ایتدی . هیچ بر شیدن
 چکینمه یه چك وییلمایه جقدی . قومیسو نچینك میلان رو
 حسنی اینجه دن اینجه یه تدقیقه کیریشدی . ضعیفی ، ابتلاسی
 نوجوانلره منحصر اولدینی بناء علیه فواف قادین سلاهی
 کندی یورغون وتیرمك اُلدن متین ، کنج بر صیادك
 بی آمان دست موفقیتنه تودیع لازم کلدیکنی آکلادی .
 سرونازك بیکنناز اسمنده حیاتنك یکرمنچی سنه سنه
 آدیم آتمش ، جناب خالق بوتون اعتناسیله اوکمش یاراتمش
 جداً مستثنا بر حسن و جاذبه یه مالک شعیطان ، فتان
 بر قیزی واردی . بر زمین عفت و سلامتده یتیشه یدی
 بر برندن بالائر اولان کوزللیکیله ذکاوتنه بها اولمازدی .
 فقط بر آنادن بیک بابادن محصول بوییکنناز فحش مزبله .
 سنده نما بولدی . عشق دن طوغمش بر حسن ، طوتوشمش
 ایکی قلبك آله ولرندن فیلامش بر حر مزاده ایدی .
 حرام شی طاتلی اولور سوزنده کی صدق ادعایه بو قیزك
 خلقتدن بارز بر مثال اوله ماز . اونك لذتی شکرلر ، بالار

ایله مقایسه يك قابا و طاتمز دوشر . تشبیهات متصوره
ایله تعریف آن وحالی قابل دکلدر . اداسنه ، طادینه سوز
یوقدی . فقط نهایت يك یورهك یاقان ، اك آجی ومهلاک
زهرلره تحول ایدن طاتلیلدندی . خارجده بویوک بر
تحصیل کورمه مش ، صنایع نفیسه یه کیتما مش ؛ دارالمعلماتک
سمتنه اوغرامامش ، او ، خصوصی آنا مکتببنده فیضاب
صنعت اولمشدی . آناسنک مشتاقلرینه ویردیکی کیزلی
ضیافتلرده روح برانداز غزللر اوقور . حاضر ونک
عقللرینی ده برابر ظیلاته جق چیفته تللی اوینار . ماچیچده ،
نانغوده (پاریز یانا) آرتستلرینی کولکده بر اقیردی .
آناسنک صورتا مسلاک ایدندیکی قوافاقده کی موفیقی قیزینک
یوزندندی . بیکنازی بلور شیشه یه قونمش بر زلال حیات
ونشته کبی اشتها لیلرینه یالکیز طیشندن یالاتیر ، کیمسه یه
بر یودم یوتدر تمازدی . حرارتدن یانان بر آغیز بویله
مصفا بر سودا کونترینی قابک خارجندن یالامقله ناصیل
متزاید بر آتسه اوغراسه بوکاده دیل اوزاتانلر او یله
طوتوشورلردی .

قاری کندی محبتی سحر یله قومیسینجی بی چاربا -
مایجه سلاح صیدی قیزینک آله ویردی . کندی تمارض

ایده راجع به تعقیب مصالح همچون اداره خانه به بیکننازی کوندرم که
 باشلادی . آناسی چکر دکن یتیشدر دیکی قیزینه آرتق
 صنعتی دور ایدیوردی . بیکنناز ، هم قاجار هم داوول
 جالار مثلن تأییداً قومیسو نیجینک قارشیدنه اویله ملکانه
 بر شیطنله چیقدی که زوالی شعیب اقتدی بو ملاحه
 نادره بی کورونجه کوکده حوری قرده شلرندن آیرلش
 بر منفی آسمانی ظن ایتدی . بو جاذبه ده بر قادینک
 بر ارککی نه کی قضا و بلایه سوق ایتمک قوه
 تسخیریه سنی حائر اوله جغفی بالملاحظه او زمانه قدر
 نظر تنقید ایله کوردیکی زله آدمه شمده حق
 ویردی . کنسیدمه بویله بر کنه اه همچون جنتدن
 قوغوله بی کوزه آلدیرم جق بر تذذب اخلاقی به دوشدی .
 کندی بر هیز کارلق حیاتنک خیالاتی طولایران ، دومانی
 اوستنده مائده جنسیه ایشه بوایدی . آغزینک افرازا تی
 چوغالدی . یوتغونیور ، یوتغونیوردی . زوالی آد مجنز
 شاهر دکلدی . کندی کنسینه کوچک دیانی یونارجه سنه :
 — هی یی یی ... یوناصیل مخلوق بویله به ! .. بر
 لنگر قایماق ، قایماق ... قایماق ..
 حیرت پرستشکار یله صالیالرینک نصفی ایجری ،

نصفی طیشاری آقیتدی ، اونک نظر تقدیر وشاعریتده ،
 بیا ضائق ، یوشاقلق ، لذت ولطافتجه قایماغه فائق هیچ
 برشی یوقدی . بتون تشبیهات مفتونانه سنی بو کله ایله
 افاده ایدر ، ایمرندیکی هرشی بوکا بکزه تیردی . قایماق ...
 بی چاره آدم نهایت قایدی . تبه سی آشاخی باش دوندیر یحیی
 بر (باتیناز) یاپدی ارتق بردها طوغروله مادی .

بو برلنکر تازه نفیس قایماق قومیسینو نجه نیک ذهنی
 او یله بر قایلایش قایلادی که اوده ، سو قاقده ، اویقوده
 عقلنده هپ او . . . هپ او قایمقدن طاقمق قورو -
 نتولری ... لذت طعمی تصوراتی ... رؤیا لرنده بولنکرک
 قیسنندن بوجاغندن بامیه اوغرا شیردی ...

اکثری اختیارلره خرص پیری دیدکلری خست
 طبع کلیر . سبی ، حظوظات سائرله آزاله رق بوش
 براق دقلری یرلره بر خودینی قائم اولماسی ، اکتساب
 ثروت منبع وفرصت لری تک آزاله سی ، وجودک جالیشمق
 قوتندن دوشمه سی ، بناء علیه آخر عمرنده سفالته
 معروض قالمق قورقوسیدر . بو حال شعیب افندی ده ده
 باشلامشدی . او ، اوجوزجه بر خو واردالق ایتمک
 ایسته یوردی . قیزه قارشی اویانان بو محبتنده شمه مشروعیّت

یوقدی . اُکله نوب کچمک فکرنده ایدی . بو بر لنکر
قایماغ اوقه سی دکل درهمی کنده قاج یوز لیرایه مال
اوله جغفی حسابلايه مادی . بر طوتام پاصدیرمه پارچه سینه
حیاتی فدا ایدن بر فاره غفلتيله قاپانه کیردی .

قیزک اداره خانه یه اوزون مدت کلوب کیتمه سی
ایچون آناسنک امتداد مرضنه قلباً دعا ایدیور ، فقط
صوری بر نزا کتله دایما

— والده خانم اُبی له شیور انشاء الله . . .

سؤالنی ایراد ایدوب ده ، بیکنازدن :

— آخیر اقدم دهابر مدت سوقغه چیقامیه جق . . .

ظن ایدرم . . .

جوانخی آلدجه ، ممنونیتنه پایان اولمایوردی .

بیکناز ، قومیسوونجی به نه بیلدیشقلق کوستره رک

ابذل التفات ایدیور ، نه ده بوسبتون صغوق طورییور .

وقور ، جدی بر سربستی داخلنده اهل پرده لاک ،

عفات ملکانه به بکزه بر طویلق ومعصومیت کوستریور ،

حریفک انظار اشتها سی بتون بتون پارلاتمق ایچون

نوردن مصنوع کردنی ، بلور بیلککاری کوسترمک

ایحباب ایتدکجه ، قضا ودالفیلغه حمل اولنه جق جعلی

غفلتله چارشافنك اوجنى كنارنى دوشوريور، شعيك
يوتغونمىلرى آرتوب كوزلى دوندكجه اونك هر نوع
جسارت تهاوزنى قيره جق طورلر آليوردى .

قيزك اداره خانه يي زيارتى ايام معينه سنده ، دها او
كلزدن اول قوميسيونجى اوطه سنى خلوت ايده رك
دلرباسنى ياننده اوزون مدت طوته بيلمك ايجون بش
دقيقه لق ايشلره برقاج ساعتك وسعت مذاكره ويرمك
چاره لرني دوشونور، اوزون ، طاتلى ، اكلنجىلى مصا-
جه زمينلرى حاضر لامايه اوغراشير ، فقط كنديسى
طبعاً بك ميركلام و ظرافت افاده يه مالاك بر آدم اولماديغندن
او يوتغونمىلرى انناسنده راطب ، يابس مستحضراتى ده
چكىنه يوب يوتار . نه سويله يه جكنى شاشير .

بيكسنازى قارشيسنه اوطورتدقن صوكرا همان دائماً
دكيشمز بر يكنسقلقله آره لرنده شو مكمله تكرر ايدر
طوروردى .

— والده خانم آييدر انشاء الله ؟

— حمد اولسون بر آز . . .

— آمان . . آمان سوقاغه چيقماسين . . . معلوم آ

قرق ياشندن صوكره كن خسته لقلر معند اولور . معاذ الله

چابوق نكس ايدر . . . هر نكسده ده وجود دوشر . . .
اولكى خسته لڼه باشقه مرضلر قاريشير . . .

بر كوني قوميسيونجى بو سـؤال جوابك بر معتاد
تكرارندن صوكره قارشيسنده كي پرى سهاي تماشايه
دالار . لا قيردى يى اونوتور . الا ساده كلملر آغزند
چتره فيله شير . چابوق قاچير مامق ايجون بيكنازى اويلا-
لامق ، اكلنديرمك نهالكنه دوشر . فقط آدمك بتون
قوة نطقه سى تميله آغزندن صاليا حالنده سيلان ايتديكندن
لا قيردى قحطنه اوغرار . نهايت :

— جيفاره . . قهوه ؟

— قوللانمام افندم . . .

— اما بزم آغوب ابي قهوه بيشيرير . حريف ابا
عن جد بو خانك كديكلى قهوه جيسيدر . . ارمنيدر اما
حسب الصنعه « ممسك » لك معناسنى بيلير . . .
بيكناز تمجبله :

— ممسك نه ديمكدر افندى ؟ عيب دكل يا بنده كز
بيلم . . .

شعيب افندى باشى قاشير . . كنديسى ده پلك ابي
بيلمديكى بو كلمه نك معناسنى كشفه اوغراشه رق :

— ممسك... شى ممسك قهوه ديمكدر... اسكى
تعبير... شيمدى. بونى نه پيشيره ن قالدى... نه ايچن...
— ايشته آغوب پيشيريور، سز ايچيورسكيزيا؟
— او، اويله دير، پيشيرير. بن ده اوينته ايچرم. فقط نره ده
او اسكى ممسكار... بكا مرحوم پدرم تعريف ايدردى.
او كاده باباسى آكلانيرمش...

— ناصل تعريف ايدردى؟

بوآنساده بيكنناز منديل چيقارمق بهانه سيله كو كسى
آچار. عنادينه ديكنه صوصته طوران بر چفت بياض
ايليك مهنك مدوريتلرى آره سندن ممدود بر آهك
النى كه اوجى آشاغى قاچش خط فاصلى كورونجه
«كشينك فكرنده كى نه ايسه ذكرى ده اودر، مثلنك
فحوا سنه تبعاً قوميسونجى آغزندن بر قاچ دفعه بى اختيار:

— قايمق... قايمق

كله مفتونيتنى قاچيرير. «ممسك، دن قايماغه
آتلامق غرابى قارشيسنده كولا بايدينى دالغينلق خطاسنه
بر آنده انتقال ايتش كه بر سرعتله بيه ناز كو كسى
قابار. حريف ده ويردىكى خامى آكلار. بودفعه تاصيله

بر حاضر جواباق کيستی کوستره رك همان سالالرینی
یوتوب :

— یعنی بر طباق قایماقلی طوندرمه یه بر دییه جگنر
یوق یا ؟

— مادام که امر بیوریورسکنز . . .

— استغفرالله امر دکل . . استرحام . . . بنمده
ایچم چاییر چاییر یانیورده . . . قارشیلقلی آتشدیرساق
قنا اولماز . .

بیکنناز چاتغین برچهره ایله اوکنه باقار .

قومیسوونجی اسکی ایری چامک یاننه بر اوافق دها
ده ویردیکنی آکلایه رق :

— هوا صیجاق . . . بنمده قائم قیزغیندر . بعض
بعض تپه مدن طوپوقلریمه قدر بر حرارت آلیور . . .
بو آتشیچی طوندرمه ایله یاتشدیریورم . . . فقط کوچک
خاتم سزک قانکیز بنمکنندن دها قیزغین اولمالی . . .

بیکنناز الیم بر محجوبیت طوریه :

— نه سکنز افندی حصرتلری . . .

— یوق خاسا او معنایه دکل . . . یعنی دلیقانلیسکنز
هدیمک ایسته دم . بیلیم ؟ بو تعیر قادینلر حقنمده

مستعمل میدر؟ قاینار قانی، فقیر داق قانی ده دیبه بیلیرز.
 شعیب افندی بر لسان ادب و اعتدال ایله قونوشمق
 عز منده ایکن سنیله غیر متناسب بوخو وارد اجه طاشقینلقلر،
 ایچندن، قابنایوب صاچیلیور، بر دورلو نفسی ضبطه
 موفق اوله میوردی.

بر مدت سکوتله کچدی. قیز مغبرجه و دالغین طور-
 نیوردی. قومیسینو نجی ینه طایانامادی:
 — کوچک خانم نه یه دالدیکز؟ نه دوشونور سکز؟..
 ییکناز، مجرای کلامی دکیشدرمک ایستر کبی
 بر آغیر لقله:

— مسک قهوه نك معناسی ...
 — دوشوندیککز شینه باقکز ... کیم بیلیر بو
 تعیری هانکی بوناق تیریا کینک بری اویدر مشدر؟
 — کله نك شکلنه باقیلیر سه « مسک » لمش دیمک
 اوله جق.

— ها یا .. او یله یا مسک ایله تربیه ایدلمش قهوه یه
 دینیر ... مسکده کلیر .. مسکینلکده او یار ...
 اختیار سودازده زیله باصار. اغز طولوسی بر
 امر ایله:

— ایکی طاباق قایماقلی طوندومه ...

دیر ایکن بیکناز اعتراض ایدر :

— بنجی ویشنه لی ایله قاریشقی اولسون ...

— فقط قایماغك ایچنه اُ کشی قاریشدرمق ...

— ساده طاتلی یورده یاقارده ...

— طبیعت بویا ؟ ..

شعیب اقدی زندوستانه برجهله صرف ایتك ایسته یه رك :

— کندیلری سراپا قایماق اولانلر قایماقدن پك ار قدر

خوشلانمایه بیلیرلر .

بو قابا ظرافتك قارشیشنده بیکناز محویتکار برتبدسمله

اوکنه باقار . اختیار عاشق بوندن جسارت آله رق بر

ظرافت دها پاره لامق ایچون :

— بن قایماقدن چوق خوشلانیرم . هرشیتك قایما .

قلیسنی سه وهرم ، حتی قادینلک بیله

بودفه قیز یوزنی اُ کشه تیر . آد مجفز بو مرارتی

طانلیلامق ایچون یاریم دوزینه قدر قهقهه صالیورر .

طوندورمه لر کلیر . قومیسینجی سودا خلیجاننده

برآز تیرمین لیلله طاباغی قیزه تقدیم ایدر .

بیکناز بیاض بیلکینه دل آشوب انخنالر ویره رك

أدالی بر صورت قبول و کارین پارماق لریله طاباغی آلیر .
 قاشیقلک اوجنی طوندرمه یه همان بولاشدیرمه رق دودا -
 تلرینک آجیلوب قاپاندینی حس اولونماز برتزا کتله یمه یه
 باشلار . قومیسینو نجی کوره ک طولدورور کی قاشینی
 بردالدریر ، آقینتیلر بوشه کیمه سین خوفیله طاباغی ده
 چکسنگ آلتنه یاناشدیریر . آغیز طوندرمه نلک صفوقلغیله
 شیشکین ، کوزلر برتذوق حیوانی ایله سوزکون اوله رق
 نظری فی قیزه دیکر . انسانه شفاف غلط حسی ویرن
 اوگردندن ، طوندرمه ناصیل اینه جک؟ کورمک ایستر .
 دفتر تشبیهاتی پک محدود اولان اختیار سودا کار بونی انحق
 بر قایماق لوله سنگ دلیکندن ینه بر قایماق پارچه سنگ مرورینه
 بکزه ته بیلیر . فقط نظر مفتونیق ، بر رسامی عجز تر سیمی به
 دوشوره جک کردنک بیاض کولکلری آره سننده
 طولاشیر ایکن وله تماشادن آلتده کی طایاغی چاریتیر ،
 طوندرمه نلک آرمش قسمی بیاض بر غیطانی صارقینتیسیله
 کوکسندن آشاغی شلاله تشکیل ایدو . بیکساز ، حریفده کی
 بو حالت حیرانینک فرقه واریر . فقط آلدرماز . اونی
 دها زیاده تسخیر ایده جک اوضاع دلفریبانه آلیر .

طوندرمه شلاپسینه صالیالری ده قاریشان اختیاریک
حالت مفتونانه سی، شاعریک :

آقار کوکام سوت کبی لین ، بیاض
آزار بر منصب منبت وفیاض

نظمینک معرفی بر غرابت پیدا ایدر . نهایت بیکنده از بر
تبسم اخطار ایله :

— اقدی حضرتلری شدت حرارتکزدن طاباقدی
طوندرمه اریدی . اوستکزه طاشیور...

ده نیجه قومیسینو نیچی و غشی محظوظانه دن اویانوب
اوکنه باقهرق :

— ایواه برباد اولشم...

نداسیله تمیزلنمه یه اوغراشیر . بودالغینلق محجوبیتنی
تعمیر ایچون برسوز آراشدیرر . قیزک آئنده کی ویشنه لی،
قایماقلی طوندرمه یه باقهرق شاعریک طاسلامق ایستر .

— « پنبه لکله امتزاج ایتیش تنک .. » بویله بر شرقی
واردی . بیکنار آیاغیله خفیفجه تمپو اورهرق اوزکیلی ،
نازلی ، آهسته ، لطیف بر صدا ایله شرقی بی مرلدامایه
باشلار . قومیسینو نیچی فرط نشه سندن قاشیق استعمال

ایتمگسزین ، طوندرمه طاباغک صولو سبکن محتویاتی
 باده چکر کی دیکدکن صوکره :

— یانیورم . برر طاباق دها ... طوندرمه تنهکسنه
 کیرسه م سرینله مه یه جکم .
 حرارتیله باغیرر ...

۴

اوده والده خامک خسته لنی ، یازیخانه ده بیکنازک
 جلوه لری اوزادقچه قومپسیونجینک ییلانمش قاتی کوکلی
 سودا فیضیله صویه قونمش پکسیمت کی شیشوب
 یوشایوردی . امید ، عشقی بسار .. سمیرتیر . نهایت
 طاشیرر . صولتله دوشورور . اک محبوب انسانلره
 غلیان جرأت کتیریر . بی چاره آدم طوندرمه لر ، بوزلو
 شربتله آتشی تسکین ایده اید ارلق اشباعه کلدی .
 سرینله به من اولدی . ارلق اغزینی محبتک منع زلاله
 وبره رک صدرینه صیغامایان شیشکین کوکلی ایندرمک ،
 قاندرمق ایسته یوردی . ایشته دومان اوستنده ، ترقده
 برمیوه بتون طراوتیله ، نهال نازی اوزرنده صالانلره رق

قومیسو نچینک اشتھادن کوپوردهن آغزینی مائده به دعوت
ایدیوردی. آدجغزک، ایکی چک لریله سینک اولایان بهض
حیوانلر کی برقاچ دفعه « هایحق » یامه یه آتیلسه بو آغز
صولاندران میوه نك الك کوردک طرفندن دیشله یه رک
اختیار قاتی کنجلاک آشیلا یه بیله جکندن شبهه سی یوقدی.
نه یه بکله یوردی ؟ سرونازک بوزوق طاقدن برقادین
اولدینی آشکاردی. کنارینه باق بزنی آل ، آناسنه
باق قیزی آل . ضرب مثلنک مؤداسی حکمتنه قاپیلهرق
تجاوزه قرار ویردی. چونکه ارتق کندی ضابطه منه
برحاله گمشدی. برکون اداره خانه سی نیم خلوت ایتدی.
بیکنازی خصوصی اوطه سنه آلدی . قیزه سه زدرمه دن
قاینک آناختارینی چه ویردی .

قومیسو نچی ده ایلك عاشقانه صولتک شاهریتدن
تذوق ایچون سوکیلینک اوکنده دیزه کهرک درین
آهله ، مؤثر جمله لرله سودا منه سی ایصلاته رق اعلا فی
عشق ایتک رقت حسیه سی یوقدی. او ، قارشى قارشى به
اوطور ویده برایی خوش بشدن صوکره پک اچیمش
بر حیوانک کوردیکی بیه جک بتون آجلاق شدتیه آتیلمه سی
قیلندن طبیی بر صولتله بردن بره یرندن فیرلادی. قیزه

صارلق ، ایری قوللرینک آره سنده معشوقه سنی مضیق
 برسودا چنبرینه آلمق ایسته دی . فقط کنج قیز صولتدن
 اول اختیارک کوزلرینه طارض اولان دونوکلکدن تجاوز
 نیتنی آکلادینی ایچون نفسنی مدافعه یه حاضر لانه رق
 ایری برکوله کبی اوزرینه چوللانمق ایسته یین بو حلق
 اونارین ، نازک وجوددن مأمول ایدلمز برشدله ایتدی .
 تهلمکبی دفعه موفق اولدی . قومیسو نیچی بر قوش طومعه
 آتیلوبده قویروغی آئنده قالان ناموفق بر آوجی کبی
 دراغوشه حاضر لاش قوللریله ، قیزک قالقدینی صاندالیله
 صبقی صبقی به صارلدی . قالدی . نه یه اوغرا دیغنی بیله مدی .
 آتشی دودا قلی صاندالیله نلک آرقه لغنه یاپشدی . عاشقانه
 بر تیمم ایله صالیالی پوسه لرینی بر مدت اوراده طولاشدردی .
 چونکه او قلعی بر دراغوش نیتیه آتیلیمشدی . سودا
 آتشنلک قوه سوقیه سی عطالته مبدل اولونجه یه قدر آلنه
 هر نه کچر ایسه اونی قوللرینک آره سنده صیقه جق ،
 دیشله یه جک ، نه به جکدی .

زووالی شوریده اختیار ، صاندالیله نلک بی حس قورو
 تخته لرینی شهوتلی ایی قوی آره سنده چاتیر دانوب کیردکن
 صوکره تصوراتدیکی دراغوش لذتی بوله مایجه آفاللادی .

ینه طاوراندی . ایکنجی هجومه آتیلیر ایکن بیکناز
صیفیندینی کوشیدن ایکی دست مدافعه سنی اوزاتهرق
وثر بر تظلم صداسیله :

— افندی رسول کبریا حق ایچون طور ...
دیدي . افندی کوکلنده قاینایه ، قاینایه تخرانی
قلبی پارچه لایه جق مرتبه ده استیم طوتمش عشقک
نشیه سنه مانع بویوک آندک مغوی حیلاقی قارشی سنده
« سلاح اومزه ، دن « راحت طور ، وضعیتنه کله بیلمک
ایچون ایلری اوک بر ایکی سنده لهدی . عشق چکیور ،
آند ایتوردی . او ، بو ایکی ضد قوتک آره سنده
موازنه سنی بولمیه اوغراشیرایکن بیکنازباشنی بولوندینی
کوشه نك ایکی دیواری آره سنه ویرمش حزن حزن
آغلایوردی . اونه ؟ .. بو کون قومیسونجینک عشق
بایرامیدی . بویله کولونه جک بر کونده آغلاییرمی ؟
تحف شی ؟ یاخود شعیب افندی ایچون بو کون
مفکوره حیاتی اولان منور بر زفاف کیجه سیدی .
تمام بر مراد اولونه جق بر ذوق و نشئه آننده کوز
یاشلری ... بو عید سرورک ماته تحولنده کی غرابت
زوالیکنک قالین قفازنده بر دورلو بر وضوح شعله سی

گو ستره مدی . بو معمای حزنت ایضاحی بکله به رک
شاشقین شاشقین طور بیوردی . چونکه بو حزن آغلامه
کوکلنده کی محبت شوقینک رسم تدفینی کبی بر شیدی .
اوده غایه نشه دن وهاله منتهای یاسه دوشدی . میدانده
جدا آغلانه جق برشی وارسه اوده کوز یاشلریله بو کدری
ایصلا تمه به حاضر دی .

قومیسو ونجی ده آغز آجیق ، دوداقلر تیره ک ، آلر
صوصته واری .. صانکه « فهرمه » ایچون اشارت بکله یین
عجیب بر وضع واردی .

قیز ، بر امر ایله صولت تجاوزینی طور در دینی ،
قارشیسنده آرزوی تقرب رغشه سیله زانغیردایان ، بورام
بورام توتن ، یانان بو اختیار افتاده سنی یوقاریدن آشاغی به
سوزه سوزه مائی بر تلفظه :

— افندی حضرتلری کاغد قوافی سرونازک قیزی
بیکناز بویله بر تجاوزه عمر نده ایلاک دفعه اوله رق
معروض قالمایور . بونی اعتراف ایدرم . بن بوکا چوق
اوغرام . بو تهلکینی اوزریمه دعوت ایدن آنامک ذلت
حیاتیدر . « کنارینه باق بزنی آل ، آفاسنه باق قیزی
آل .. » سزده بونی دیدیدیکز دکلی ؟ هیچ تعجب

ایمپورم . حقلیسکیز ... فقط بر با کرک قدسیقی نامنه
 سزدن رجا ایدرم . هر دورلو فکر تجاوزی قلبیکزدن
 چیقاریکیز . شورایه قارشی قارشی به اوطوره لم . آجیقلی ،
 سفیل تاریخچه حیاتمک اورته سندن ، اوجندن سزه
 آغلانه جق بهض صفحه لر آچوب کوستریم . بشر بعضاً
 شاشار ... ضرری یوق . یوزیکزده بر نورایمان کوریورم .
 بر چوقلرینک افسانه اوله رق دیکله دکاری سوزلرم بلکه
 تجربه دیده انصافلی قلبیکزده بر معکس تسلی بولور . نتیجه ده
 تکرار ایدم حکم بر شیشی ایشته بوراده سویلیورم . دنیاده
 عرضمدن باشقه مدار استناد وتسلیتم یوقدر . آلهمک
 بکا ودیمه سی اولان بو یوز آقیمی بی سفالت چرکابندن
 قورتاره جق اولان خلاصکاریمه تقدیم ایدم حکم . اونک
 ایچون صاقلیورم ... جانمی آلکیز ، عرضمه طوقانمایکیز .
 یکانه امید حیاتم اودر .

شعیب افندی بومدبدب نطق قارشیسنده کوزلرینک
 چاپاقلرینی سیلمه به اوغراشه رق بو اخلاق خطیبه سنک
 یرنده کی ، اولکی فقیرداق بیکنازی ، سرونازک اویناق
 قیزی آرایوردی . فقط نه کزرا ! . شمدی قارشیسنده کی
 قادین بر آنده باشقه برهویته تمیل ایدن بر مخلوق اولمشدی ..

بیکناز ، عفته ایدیان بوتجاوزدن متأثراً قانایان
 قلبك صینتیلیرنی ایچیرمك ایچون کوزلرینه طوتدینی
 مندیلی بر مدت قومیسوونجی ایله کندھ آره سنده بر سبر
 کبی قوللاندی . بوضعیکار قیز ، مضحکه لرینی بر تیاترو
 صحنه سی اوزرنده دکل ، حیات عالمده ، فرصت دوشوردیکی
 زمینلرده اوینایان خاقی قومدیاجیلردندی . او یونلرینه
 مضحکه شکنده باشلار ، فاجعه ایله نهایت ویرردی .
 بیکناز رولك مهم قسمنه کلدیکنی آکلادی . بردنبره
 مندیانی یوزندن چکدی . اختیار عاشقنی ستملی ، تکدیرلی
 نظر لرله ديك ، ديك سوزمه یه باشلادی . بو سکوتی
 باقیشده نه درین ایمالر واردی . نهایت مغدوریت ویأسندن
 دیشلرینی غیجیردانه رق دیدی که :

— آه افندی دنیا دنیان بوغدر عالمندن آلنه جق
 اوقدر بیوک خنجلرم وار که ...

شاشقینانی آرتان قومیسوونجی :

— بندن چیقاره جق هیچ بر اوفکهك یوق یا ؟

— استغفرالله ... نصیم بویله ، کیسه نه دیبیم ؟

قدرم بی ازمك ایچون باشمه سزك کیلیرتی مسلط ایدر .
 سز ، طالعكم بیلمه یه رك معاونلری سکیز . بونلرک ایچنده

یاش اعتباریله بلکه سزاك زیاده سوز آ کلابانی، درد
دیگه یه نی، حقیقی ادراك ایدم نی اوله بیلیرسکنز.

خیالات مناره سنك قاعلمندن سرت بر تجربه طوبراغی
اوزرینه دوشن زوالی قومیسو نچینك او کونکی قطعی
مقصدی سوز آ کلامق، درد دیگه مك دکلدی. بیکننازك
ذوق و صلتدن باشقه هیچ بر حقیقی ادراكده ایسته میوردی.
فقط باشقه چاره وار میدی؟ او بیکننازی بر قاپانه یه دوشورمك
ایسترایکن قیز او نی مشکل بر موقعه بر اقمشدی. قوردینی
سودا پیلانینك بوبله جیلق چیقما سنه او قادار یرنیدور،
مایوس اولویور، ایچی یانیدوردی که بوزوق قواف قادینك
بواهل عرض قیزيله شیمدی قارشى قارشى به سکسان طاباق
طوندرمه یسه بو آتشی سوندرمك قابل اوله مایه جقدی.
بیکنناز، اختیار افتاده سنك هجومندن بوزولان
تووالتی، صاچلرینی، اوته سنی بریسی دوزه لته رلشمدی
آره صره اوزرینه دیکیلن بوشهوتکارك حرام نظر لرندن
وجودینی قورومق ایچون چارشافیله ایجه قاپاندی. اورتوتدی.
اوغرا دینی بو تعرضك آجی حقارتی بك جاذب، بك
طاطلی آلا کوزلرینك ماتم نملری ایچنده بوغمايه اوغرا شه رق

لطیف قیریمه لرله دوشوندی . دوشوندی . سوزولدی .

سوزولدی . حزین ادا لرله باشلادی :

— باشکزی آغریتماز ایسم ...

— استغفرالله ..

— چکدیکم حیات آجیلرندن برنبذه جکفی آکلانه جغم

— بو یوریکز ...

— آنالرینک قارینلرنده ایکن بابالرینی غائب ایدهرک

دنیا یه یتیم کلن بدبخت چوققلر چوقدر ...

— معالاف ...

— ایشته جاریه کز اونلردن دها بدبختم ...

— واه .. واه .. نیچون عجیبا ؟

— چونکه یتیم طوغانلر بابالرینی بر دنیا ده کوره مسهلرده

هیچ اولمازسه اونک براقدینی براسمه صاحب اولورلریا .

— شبهه سز ...

— ایشته نیمکی شبهه لی ...

— عجایب .. پدریکزک اسمی یوقیدی ؟

— پدرم یوق که اسمی اولسون ...

— باباسز طوغانمق حضرت عیسیایه مخصوص بر معجزه .

در . جناب مریم هر شبهه دن بریدر . فقط بومستثنایی

مثال طوته رق عینی ادعایه قالدان دیگر قالدینلر و اینانیلر ماز.
ملوغروسی ...

— والددم بنده کزه حامل قالدینی ائنده مناسبده
بولوندینی ارککلرک کترلرینه مبنی بنم کیمک صلبندن
کلدیکی تعیین ایدم میور ...

— آجیقلی حال ...

— بویله بنم کی بر صلبله نسبتی تعیین ایدم مهین بدبخت
بر قیزک عقیله یاشامایه حق اوله مازمی ؟

— نیچون اولماسین ؟ . . . قنورلردن فدان بویلو
چوجقلر یتشدیکی کبی میدیادن ده اینجی طوغویور ...
فقط نفوس تذکره کزده مقید اولان پدر اسمی نه در ؟
— عبدالله ... آلهک قولی چوق .. هانکیسی ؟ ..
— آناسنک کنهانی چکن واه زواللی مغدور ،
معصوم چوجق ...

— آننه مک قارنده تشکلم ایشته بویله فلاکتله
باشلامش . والددم حملی آکلایجه بی دوشورمک ایچون
باش اورده بیله جکی چاره لرک هیچ برینی اهمال ایتمه مش .
فقط بندها حیانتک مدخلنده اوغرا دیغم بو استقاللره
بیوک بر ثباتله قارشق قویه رق دنیا به کلشم . حمل او صنعتده

قادينلر ايچون لازياده قورقه رق اوغرا دقلرى بيوك بر
 قضا ، چوجق اك ايسته مدكلرى بر آياق باغيدر . اللهك
 بعض بويه تقديرلى واردر . بن والدم ايچون بر فلاكت
 او ، بنم ايچون بر مصيبت اوله رق دنيايه كلمشم ... ايلك
 آوازلى بيله ايشتمك ايسته ميه رك ، برسوت ننه بولمش
 همان بنى باشندن دفع ايتشم . قارندن يوكى بوشالندقدن
 صوكره ينه ذوقه ، اكلنجه سنه قويولمش ... بن سوت
 ننه مك أوندم اوچ درت ياشنه كلنجه غايت ديلملى سويللى
 بر چوجق اولمشم . والدم آره صره كلير بنى كورورمش ...
 كونك بر نده سوت ننه وفات ايتشم . آنه ، بنى ويرم جك
 مناسب باشقه برير بوله مامش . ياننه آلمش ... بو فلاكتلى
 حياتمك باشلانغيچى حالا آجى كوزياشلىيله تخطرايده رم .
 اوبمزه دورلو دورلو ار ككلر كلير و آنه بونلر ك هپسنى
 بكا بابام اولق اوزره تقديم ايدردى . باشقه چوجقلرك
 هپ برر بابالرى اولديغنى بيلمديكمدن بو بنده كى بابا بوللغنه
 چوق سه وينيردم . چونكه بوچشيد چشيد بابالرم اوبمزه
 هر كلشلىرنده آليمه يمشم ، شكر ، پاره صيقيشدير لرردى .
 بركون سواقده چوجقلر ايله اويناركن آره مزده غوغا
 چيقدى . بكا : اورو سپو چوجنى ، ديديلر . بن آغلايه رق

اوه كلد م . بونك نه ديمك اولديغني آنه مدن صوردم .
قیزدی .

• — اونلرك آنالرينك كیزلی ایشله دکلری کناهی بن
آشکاره یاییورم . ایشته فرقز بو ! .. ،

دییه یوزیمه باغیردی . بر زمان نی سواغه صالیو یرمدی .
بو کیزلی ، آشکاره ایشله ن کنه نه ایدی ؟ بونی بیلمه یور ،
چوق مراق ای دییوردم . بر قاچ یاشدها بیودم . شاقلا بان
شاقراق بر قیز اولدم . اویمزلک کنیش وقویتو بر اوطه سنه
قورولان مجلسلرده اکثر یانی ، کان ، کانچه ، عود ، قانون
چالان ، کوزل شارق اوقویان افندیلر ، دهاطوغریسی بابالرم
بولونوردی . بعضاً نی اوطه یه چاغیره رق اویناتیرلر و بنده
رقصه بویوک بر استعداد کوره رک والده می تبریک ایدرلردی .
بکا : « آدیمنی شویله آت .. کوزلریکی بویله سوز .. کوبکی
اویله تیره ت .. » کبی ایدیلن تعریفلر ، تعلیملر استعداد
یمک اوزونده اویله بویوک تأثیرلر کوستردی که کیده کیده
محاسنک الک کوچوک فقط الک ماهر واک زیاده آلقشلانان
اویونجیسی بن اولدم . بزه کلن ارکک مسافرلر کنج ،
کوزل ، سوسلو قادییلرله چفت کلیرلردی . بکلردن ،
حاملردن اوینایانلرده اولوردی .

بن بو اویونجیلرک بوتون حرکتلرینه دقت ایدم رک، هر
طور لرندن کئدم ایچون بردرس چیقاریردم. بن مجلسک
اورته سنده کوچک بویمله کوز سوزوب کوبک آتارکن بعضاً
آنه مک زنیاره لری عشقه کله رک :

— سروناز او یله بر قیز یتشدیریورسک که سکز
اون سنه صوکره بو آفت استانبول آفاقنی باشدن باشه
آتسه ویره جک

نعره لر یله نیم استقبالمدن بحث ایدرلردی . اودت
زوالمی بن فاحشه سرونازک معصوم قیزی ، فحشدن
طوغمش ، فحش ایچنده یاشایه جق ، فحش محیطنده
ئوله جکدم . ازلک تقدیری آلمه بویله یازلمشدی . بو
محکومیتله بویویوردم . ائیم ایشه یاراشمه یه باشلادیغی
وقت ایلاک اوکرندیکم خدمت سرخوشلره مزه حاضر-
لامق ، عشرت تبسیلری دوناتمق ، ساقیلک ایتک اولدی . . .
اون ، اون بر یاشلرینه کلدیم . اومعصوم سنلریمه حرمت
کورمدم . آرتق تعرضلره اوغرایوردم . سرخوشلرخی
قاپی آره لرنده صیقیشدیرمایه باشلادیلر .
پیکناز بر تائر صاغناغیله طوردی . خفیف فقط

این‌دار کوز یا شریله اولطیف، کورپه کوکسی صارصیله
صارصیله ینه دوام ایدرک :

— بر زمانلر بنم چوجقلق معصومیتمله بابالرم
ساندیغم حریفلر آره صیره آنه‌مله غوغا ایدیورلر،
اونی دوکوپورلر، یاره‌لر، بره‌لر ایچنده براقیورلر، آه
بربرلرینه نه آغزه آلتماز. اک تربیه‌سز و طویغوسز کیمسه‌لرک
بیله ایشتمکدن حیا ایده چکلری نه فنا سوزلر صاوو-
ریورلر، نه ایکننج تحقیرلرده بولونیورلردی. ائی پی،
قنایی دها و ضوحله آکلایه‌جق بر قوه‌ممیزه پیدا ایتدکجه
ایچنده بویودیکم بو چرکابک، بو فیشقیلغک تجراتی بی
بوغمايه، میازمه‌سی قانمی زهرلمکه باشلادی. عرضسزلق
وناموسسزلغک نه بویوک بر فلاکت اولدیغنی آکلادقجه
عفت و عصمته حرمت و محبتم آرتیور، آنه‌مه بکزه.
مه‌یه‌رک عقیف قالمق ارزوسیه یوره‌کم جایبر جایبر
یانیوردی. . لکن بنم کبی بر حرامزاده‌نک، آناسنک
زنباره‌لری آره‌سنده بویوین بر فاحشه قیزینک قلبندن
کچیردیکی بو عفاف قورونتوسندن کولنج برشی اولورمی؟
آنهم اوغرا دیغم تعرضلره شاهد اولونجه فنا حالده قیزوب
کوپوره‌رک : « طوقونما یکنز بنم یاورومه . بن اونک

قایماغنی بر اشتھالیسی پاشایه ، بر میراث یدی یه بیک
 لیرایه صاتاچم . ، دیوردی . نهوت . . . زواللی بن
 قایماغنی صاتیلق بر فاحشه یاوروسی ایدم . کاشکه دنیایه
 کور ، طوپال ، چیرکین ، غدوبت کله ایدم ده اوپله بر
 قالدیندن طوغمایه ایدم . یاشم آرته رق وجودم سر ییلدکجه
 تهلکده بنماه برابر بیوردی . اون بشنه ، اون آلتیسنه
 کلدن . یوکسک فیاتله وصاله طالبلر باش کوستردی .
 آنهم بنم مرضی مزایده یه قویمشدی . بنی بویوک بر
 دهشت آلدی . اودن فرار پیلانلری ترتینه باشلادم .
 فقط نره یه قاچه جقدم . . ؟

بن کورپه جک بر پیایج دم ، هر طرف بنی بوغمایه
 حاضر لائمش صانصارلرله طولو ایدی .
 شعیب افندی حالله نیر کی درین درین کوکس کچیره رک
 ایچندن :

— الله .. الله .. صانکه شیمدی اوپله دکلیسک
 آیاوروم .. دیدی .

— اومدهش استقباله کیده ن بوزلیل حیاتدن قورتولوق
 ایچون بر کون کندیمی ، باغچه مزده کی آغزی آجیق کور
 قویوه آتدم . ایچنده صویوقش بوغولادم . اوتلرک ،

چاللك اوزرينه دوشدم . وجوديمه برشي اولمادی .
آنهم قیزدی :

— سنی بنی طوغوردوم ؟ شبهه اتمیه باشلام .
ذره قادار بکا چکمه مشك . بن سن یاشده ایکن
بکارت دینن شیک یالکز آدینی ایشیدردم . اونک کندمده
وارلغنی تخطر بیله ایده مزدم .

بیکنازک بوناموسکارلق سوداسی ، بومؤثر عفت
فروشلق حکایه سی قومیس یونجینک قلبنده اوکا قارش
پارلامش آتشک شدتی تسکین ایده میوردی . قیزوصانی
محال کوستردکجه زواللی اختیاربتون بتون قتیلی آلیوردی .
فتان بیکناز بونک فرقده ایدی . بواهل پرده لک ماسککسی
آلنده یانغینه کوروکله کیدیور ، اونک عاشقانه صولتیرینی
رد ایله بی چاره بی بتون بتون جذب ایدیوردی .

قیز برتأثر نوبتی کچیریرکی طوردی . دیکله نیوردی .
آلتون لمعلری صاچان ، تاب شبابه جاذبه دار کوزلرینی
مخاطبینک یوزینه دیکدی . شعبیک ایشی بیتدی . تا قابنه
قادار برألکتریق صونداسی آتیلمش کی بونافذ نظرك
تأثیر آلتنده تیرم یوردی . کوزلرینی افتاده سنک کوز
بپکرنندن آیرمایه رق حزین حزین دوام ایتدی :

اطرافده بنی بوغمی ایستین جوق قورت .. جوق
 صانصار وار ... سزكده اولندن بریسی اولما کنزی
 ایسته م . نه اولوردی قلبکز بنم کی برزو الی ، بر مظلوم
 طالع ایچون دها صیمی ، دها عالی ، دها دواملی حسلر
 ایله طولو اولسه ایدی .. فقط ممکنمی ؟ سرونازك
 قیزی بیکناز ایچین هانسی قاب یوکسک بر محبتله
 متحس اوله بیلیر ؟ بو کونه قادار هر دورلو قضا
 و بلادن قورومایه موفق اولدیغ عفتی مشروع بر
 مدافعه ایله سزدن صاقیندیغ ایچون بکا کوجنمیکز ...
 - ده کی فکریکزی تصحیح ایدیکز . سزدن اک
 بیوک رجام بودر . بش یاشنده بر جوق صفوتیه
 بتون اسرار حیاتی سکز اون دقیقهک ایچنده
 سزه آکلاتدم . صمیمیتمه قارشى سزدن صمیمیت ایسته رم .
 آنامک کناهندن البته بنی صوچلو طوتماز سکز . انشالله
 بنم ایچون بر حامی (بر کوکس کچیرمسيله باقیشتی درینله
 شدیره دک) یک فداکار بر حامی اولور سکز . تنیم بودر .
 عفو ایدرسکز . جوق راحتسز ایتدم .
 قومیسو نهجی بویوکسک خطابه عفته قارشى طوندی
 قالدی . بر شیلر کهکله مک ایسته یور بحره میوردی .

قواف قادينك قیزی برمانیا تیزمه جی قوتیلہ قاپی بی آچدرتدی .
عاشقی تعریف اولونماز بر کوکل آتشی و ذهن تشوشی
ایچنده براقه رق بر وداع تمناسیله صالینه صالینه چیقدی
کیتدی .



بی چاره آدام اوطه ده یالکز قالدی . لکن او آتون
منوشلی آلا کوزلردن قلبنه صاحیلان شعاعلرک آتشی
حالا اوراده طویویور ، قارشیسندمه آغلایه رق تظلم حال
ایدن اونازک ، او روحه ایشله یین آهنگدار صدانک
دیوارلرده عکسفی حالا ایشیدیوردی ... قیزچقارکن :
— انشاه بنم ایچون یک فدا کار بر حامی اولورسکنز ...

دیمشدی . بونه دیمکدی ؟ شعیب افندی بو کوچک
جهلنک بیوک معناسی آرایور ، بیک دورلو تفسیرات
ایچنده دالوب بوکالوب کیدییوردی . اوکونی اوطه
قاپیسنی ایچریدن کیلیدله دی . ایشی کوچی ترک ایتدی .
هپ اونی دوشوندی . بو کوچک جمله ذهنتک ایچنده
آغیر آغیر آلدینی بروضو حله تنور ایدیوردی . مشروعدن

غیری بر صورتله قیزك كندینه تسلیم اولمایه جغنی آکلادی..
اعلا فقط اوکا قارشى بك فداكار اولمق تركينسك ده
آريجه بر معناسى واردى . اونه ايدى؟ دوشونه دوشونه
اونى ده حل ايتدى. اويله يا كندى كې طورمش، اوطورمش
ارباب ناموس وحيثيتدن ياشلى بر آدامك آياق قوافى
سرونازك قيزى بيكناز ايله ازدواجى بويوك برفداكارلق
صايليردى . كندينك اوتوز سنه لك بر زوجه سى، بوييه
برابر اولادلى ، طورونلى واردى. برفاحشه قارينك
قيزيله بواز دواجى نه بويوك ديدى قوديلره ميدان آچه جق،
دنياده كندينى عيلا ميان بر فرد قالمايه جقدى . چونكه
آله جغنى قادين بداصل ، بدمايه اولدقدن باشقه كندى
كريمه سى صابره دن ياشجه كوچكدى. بيكناز اولسه اولسه
كندينك كوچك كريمه سى ويا كلينى اوله بيليردى .

اسكى زوجه سى دردلى ، مراقلى حسنا خاتم بوتاهل
خبرينى آلتجه نه حاللره كيره جك؟ احتمال بوتون بوتون
چيلديره جقدى؟ لكن بووخيم محذورلر ، كوكلنده
طوتوشان عشقك حرارتيه ، آز وقت صوكره خط
استوا كوشنه تصادف ايتمش جهوديله كې بره بره
أريدى . بيكنازك سوداسى قلبنده بر بويو قازانى شدتيه

فقیّر فقیّر قاینایور، زواللی قومیسو نجی بی یاواش یاواش
 هر حقیقه قارشی کور، طویغوسز، ملاحظه سز بر حاله
 کتیریوردی. ذهشته بواز دواجک لهنه بر جریان آچق
 ایچون کنبدی کنبدینه دیوردی که :

— آناسنک کنهاندن قیزی نهیه مسئول اولسون؟
 بویله شیرده دائم کوره نکه تابع اولور، صوکره دورلو
 عقبه لره اوغرارز. بدبخت بیکنساز، آناسنک بوتون
 شاعتلرینی، رذائللرینی آکلاتدی. کنبدینی بکا بر اهل
 عرض قیزی اوله رق صائمق حیلّه سنه تنزل ایتدی. بیچلیکنی
 بیله صاقلامادی. هر حقیقی بوتون صمیمیت روحیه سیله
 اعتراف ایتدی. یوقسه بن بوقواف قادینک بوقادار
 دریندن درینه ترجمه حالی نروده اوکره نه بیلیردم؟..
 الله بنی حسنا کی بر عمر تورپوسی قاری یه دوشوردی.
 بومزن دردی اوتوز سنه در چکدم. دنیامی، ازدواجی
 بیلیمدم. انسان بو عالمه بر قاق دفعه کلز. حیاتدن بر قاق
 سنه جک اولسون کام آلامدیمی کیدهیم؟ عالمک دییه جکی
 نه لازم.. بن ذوقه باقارم. ایشته بر ملک سیبا بکا ضمناً
 ازدواج تکلیف ایدیوو. بوسعادتی آیغمله تپه جک قدر
 احق اولماملیم... اقدم بو حیاتک نهیه تحملی وار..

بیگنازی آلیرم . بر مراد اولورم . ایشک آلت طرفی
او یغونسز چیقارسه براقیرم . الحمد لله دین مبینمزاوکاده
مساعد .

شعیب افندیڭ صوڭ منطقی ، محاکمسی ، قراری
بو اولدی . بر کون کجدی . معشوقهسی طرفندن بر
سس چیقمادی . اونلردن خبرسز کچن ساعتلر بویله بر برینی
تعقیب ایتدکجه کچکین سودازده قایینه صیغاماز بر حاله
اوغرايور ، بریرلرده طورامایوردی . صانکه اونک
ذهنی قاپلایان منادی بر قوت :

— هایدی طورمه .. بر دقیقه کچیرمه دن کیت .
بیکنازه نکاح ایت .

تشو یقیله بیفی ایچنده متمادیا باغیریوردی . بو
حرامزاده قیزه قارشى کوچک برا کلنجه ، کچجی برارزو
شکلنده قاباران جسی شمدی اوکنه طورولماز بر جنب
واحدہ شدتی آلیوردی .

بیکنارایله خلوت اولدقلرینک اوچنچی کونی یازینخانه سنک
قایسی اوچ استیدان فیسکه سیله طیق طیق اورولدی .
هر طیقیرتی ده هوب هوب یوره کی اوینایان شعیب افندی
تیرهک برسسله :

— بیوریکز ...

ماذونیتنی ویردی . قاپی آچیلدی ، سرونازک
دوز کونلی ، آلاقلی ، راستیقلی قارت سیماهی کوروندی ..
قومیسو ننجی همان آیاغه فرلادی . تشریفه اوچ کوندر
آتشلی بر صبر سزلقنه انتظار ایتدیکی بومستقبل قاین
والده سنی نره یه اوطور ته جغنی بیله میوردی . اوکا باش
موقعده کی اک راحت قولونوقایسنی کوستردی .

قاری کندینی بکندر مک ایچون اوزمانه قادار شعبیه
دو کدیکی دیل لره ، کوستر دیکی یالتاق لانه لره رغماً اونک
بیکنارزه سودالانمش اولمسندن مغیر بر طور له چاتغین چاتغین
قومیسو ننجیک یوزینه باقهرق :

— افندی بن سزی اوصلو، عقللی بر آدام صانیردم ..

— ینه او یله دکلیم ؟

— خالکزه ، سنکزه آلدانمشدم ...

— نه وار ؟ نه اولمش ؟

— نه اوله جق ... قیز مک عفته تجاوز و قاتق مشسکز ...

شعیب افندی قواف قارینک اورایه کندینه دامادلق
تکلیف ایتک مقصدندن خارج بر نیتله کلدیکنی آکلاینجه
شاشیره رق :

— انکار ایتیم . حرکتیم تجاوز شکننده وقوع
بولدی . فقط مشروع بر مقصدله بوکا جرأت ایتدم...
قاری استهزا ایله کوزلرینی آغزینی بوزه رک :
— مشروع مقصدله تجاوز ناصیل اولورمش ؟
شونی بکا آ کلاتسه کزه .

شعیب افندی بوغریب ادعاسنه بر تعریف مجمل بولمق
ایچون بربری آرقه سنه اوچ دورت دفعه یوتغوندقدن
صوکره :

— قیزیکنزی اللہک امری پیغمبرک قولیله آلمق
آرزوسنده یمده بکامیلی وارمی یوقنی ؟ آ کلامق ایسته دم ..
قاری شیرفینتیجه برقهقهه ایله او طه یی چینلاته رق :
— عقلکیزده بر بوزو قلق وار غالباً .. کندیکیزی
پابوچی بویوکه بر او قوتسه کز ...

— الحمد لله عقلم ، شعورم طاس تمام یرنده
طورویور ...

— عقلی باشنه یار اولان بر آدم بویله هوپبالغه
قالقارمی ؟

— نه اولمش ؟

— قیزیمی ایسته یورسکیز ...

— بوبر جنا یتیمدر ؟

— نه همان .. همان ..

— نه دن ؟

— چونکه .. سز آلمشنه یا قلاشش بر آدامسکز.

اودها یکر میدسه باصمادی ...

شعیب افندی عزت نفسنه ایندیریلن بو ضربه دن
بر آاز صار صیله زق :

— یا ! ..

— نه وت افندم ...

زواللی قومیسو نجی نه سویلدیکنی بیلمز بر شعور-
سزاق ایچنده :

— مبالغه ایتمه جانم ... قیزی بر قاج یاش دها بویوت ...

بنم سنمدن بر قاج سنه بی خذف ایت ... ایش اولور بیتر ...

— کتندکجه تحف لاشیورسکز افندی . قیزی بر قاج

یاش دها بویوتجه سز عینی یاشده ده میر آتوب طور ا-

مازسکز . سو قاقدن دوه لر کچر کن بویونلرنده اوتن

چا کلرک نه دید کلربنه هیچ دقت ایتدیکزمی ؟

— هیچ ...

— بوچا کلر هر سالانسه : دنکی دنکنه ، دنکی دنکنه ، دنکی دنکنه ... دیرلر ...

— تحف شی .. چا کلرک لاقیردی سویدلکلرینی عمر مده الیک دفعه ایشیدیورم .

— سزک بو هوپالککز قادار تحف دکل .. اختیار قاریکزی ، یتیشمش اوغلوکزی ، چوجقلی قیزکزی اونودیورسکزی . انسان صاجینی صاقلانی بو یامقله حقیقه کنجاشه بیلهیدی بوتون آق بابالری نوجوان ایتک قولایلاشیردی ...

— بو اعتراضی بکا یوزی ، صاجی بو یاسز بری ایده ایدی بلکه تأثیری اولوردی ...

— بن قادینم عیب دکل ...

— بن ده دنیاده بو یاقوللانان ایلک ارکک دکل ...

صاجینک ، چهره سنک بو یاسی یوزینه اورولماسی سرونازک قادیناق حب نفسی یاره لادی . فقط تأثرینک اصلنی کتم ایچون انفعالنی دیکر بروادیدن اظهار ایله :
— افتدی بو حرکتکزک نه قادار بویوک بر جنایت

اولدیغی دوشونمیدیکزمی ؟

— نه يابدم خانم ؟ قزىبكنزى ياره لامادم ، اولدرمدم ،
يعدم ...

— بر با كرك عرضنه تسلط حياتنه قصده مساويدر .

— قزىبكنز بورايه ناصيل كلديسني ينيه اويله هيچ
زده لته دن كيتدى . مراق ايتمىكنز ...

— يا كندني شدته مدافعه ايتميه يدى ؟

— اوزمان نه اولوردى بيلم ..؟

قواف قارى منديانى چيقاردى . مبذول ياشلر ايله
آغلايه آغلايه :

— سنى كيدى بويالى چومار سنى ... بن اوزمان
آدامه نه ياپاردم بيلورميسك ؟

— هيچ برشى ياپه مازدك ... بندن برقاج يوزليرا
بكاتر ديتى آلردك ايشته اوقادار ...

— وجدانسز ... ايشاهديكك جنايتى برقاج يوزليرا
ايله اوده مك ممكن اوله بيليرميدى ؟

— شرعده ، نظامده ، عرفده بوياله بويورمش ،
ازاله بكردن دولايي كيمسه نك اعدامه محكوميتنى
ايشتمدم ...

— قيزم اوچ ياشينده ايكن پدرى حاجى عبدالله

افندی وفات ایتدی . بن اونی دورلو یوقسز لقلرا یچنده
 باباسز بویو تدم . هر درده ، هر بلایه قاتلاندم . ربمه بیك
 شكر شیمدی یه قادار عرضمه ، ناموسمه لاقیردی
 سویلتمدم . بزه اکر ی نظرایله باقانلرك علیم الله کوزلرینی
 چیقاریرم . (هیچقره هیچقره اغلایه رق) بر قیزك یرتیلان
 ناموسنی پاره ایله اعاده ایتمك ممکن اولورمی ؟ قیزم بولاددن
 برقلعه کیدر . اونك قارشیسنه سنك کبی سکسان دانه سی
 چیقسه پاره ایتمز ... افندی آبی دقت ایت ... بزم
 ناموسمزدن باشقه سرمایهمز ، کووه نه جك شیئمز یوقدر .
 عقلی باشكه طویلا یوقسه ها کندك بیلیرسك ...

• بیکنازك مجهول پدرینه برده حاجیلق علاوه سیله
 قادین کندینی بر ناموس مجسم کبی صائمغه قالفنجه بوسفیل
 آنانك ماضیسنه دائر اولان قیزك اعترافاتنی همان اورتیه
 دوكمك ایچون قومیسو نجی یوتقونمایه باشلادی . لکن
 اوافق بر ملاحظه کندینی طور دوردی . قیز اعترافاتنی
 آناسنه تمامایله سویله مش اولسه ایدی قواف قادین
 و آغیزلری قوللانمیه ، بویله کونسنی کره کره اهل
 پرده لك تاسلامایه البته جسارت ایدمزدی . هر نه لزوم
 اوزرینه ایسه قیز کیفیتی آناسنه آچش . فقط یاریم

آ کلاتمش . بناءً عليه بوجهتی احتیاطله اداره لازمدی .
 برمدت سوزی کسدیلر . ایکسی ده دالغین متأثر
 دوشونیورلردی . قومیسوئنجی ایکی قهوه اصهارلادی .
 برسیغاره یاقدی . برده سرونازه اوزاتدی . شممدی
 ایکسینده ده کوستردکلری ایلک حدت وشدتن بره
 ندامت حالی وار کیدی . صانکه سیغاره قهوه قواف
 قارینک سینیرلرینی برآز یاتیشدردی . یاواش یاواش
 دیدی که :

— افندی ، بابا اولمشسکز اما آنالق حالندن بیلمزسکز .
 کوپکلر آنا اولماسین ... قیزیمک حالی پک عجایبدر .
 آ کلاتمقله بیتمز .. بن آرتق کندم ایچون دکل اونک
 ایچون یاشیورم .

قادینده کی بوتبدل طور و لسان نه ایدی ؟ شعیب
 افندی بویوک برمراق ویوره ک چاریندیسیله دیکله یوردی .
 قادین دوام ایتدی :

— باش امام یوقیزی حلال سوت ائمش بریله باش
 کوز ایتک .. فقط وارماز . نه بکلر ، پاشالر ، کبارلر
 ایسته دی . بودلی قیزه قوجه بکندرمه سی ممکن دکل ...
 هر برینه برقصور بولور ردایدرد ... عجباناصیل قوجه ایسته یور ؟

بك كنج ، بك كوزل ، بك زنكىنى ؟ خاير اقدم
 خاير ... شيمدىكى كنجلردن ، ھوپالاردن ، زويپەلردن
 نفرت ايدىر : « اونلر معاذالله قوجه دكل باش بلاسى ،
 طورمش ، اوطورمش ، ياشلى عقللى اوصلو بر آدام
 اولسون قيمتى بىلسن . بندن اوچ كونده بيقماسن . »
 دير ... قىزىمە بويومى ياپدىكز ؟ نه افسون او قودىكز ؟
 بيلم ناصىلىسە سزدن خوشلانمش . . سزە وارمايە
 مىلى وار ...

اوفىرطنەدن صوكرە ، ھرنفجەسى برسعات حيات
 ويرەن بوكلستان ھواسى قومىسيونچىنىك قلبى اويلە شوق
 ايلە تولدردى كە ھان قارىنىك بوينتە صاريلەرق اونك
 آلاق و دوزكونلرني يالاىە يوتە يوزنى كوزنى شاير
 شوپور اوبىك ايستە يوردى . نە ياپە جغنى بيلمز بر غرابت
 ايچندە سەونجىدن تيتريە تيتريە مخاطبە سنىك اطرافندە
 دولاب بىكبرى كى دونمكە باشلادى . فقط قارى يەنە
 صداسنى انفعال پرده سەنە يوكسلتەرك :

— اويلە عقلكە خفت كتيرمش كى تپەمدە طولاشمە .
 ھوپالغك لزومى يوق . . ياشكك آدمى اول . . سنكلە
 بك جدى كوروشە جكم ...

— سن نېم تلاشلریمه باقمه. دمنځی سوزلر کدن پک
سینیرلندمده یرمده طورامیورم .

— سن قیزک دامارینه کیردیکیکه ائی ایتدک ...

— نیچون ؟ ..

— بن بواز دواجدن برخیر اوئامیورم ...

— قیزک بنی ایسته میورمی ؟

— ایسته یور ...

— او حالده ؟

— افندم او ایسته یور اما جاهلدر. نه خاط ایتدیکفی
بیلمه دن ایسته یور . آره کزده کی یاش نسبتی پک آجیق .
بیکناز سنک عادتا طورونک یرنده . عالمک کم دیللی
اوزریمزه آجیله جق ... عایه مزده بر سویله مدکلری
قالمایه جق .. صوکره او اختیار جادالوز قارک، اویتیشکین
اوغلاک قیزک بزه بر ایتدکلرنی بر اقایه جقلر ؟ ..

— سن مراق ایتمه بن هپسنک آخرنی دیلی
طوتارم ...

— دها صوکره افندم قیزم پک کنجدر ، کوزلدر،
صافدر، سربستدر. قیصقانیرسک . راحتسز اولورسک .
هپ بونلری اینجه دن اینجه یه اوزون بویلی دوشونم ایسک ...

— هېښنی دوشوندم .. طاشیندم .. سنک قیزک
 یاشجه پک کنج اما ماشاء الله عقلاجه فیکرجه قرق
 یاشنده برقادینه بکزییور . بن ده سنک ظن ایتدیگک
 کبی آلتش یاشنده دکلم . پک ایرکن اولندیکم ایچون
 بویوچه اولاد صاحی اولدم .. مراقایمه قیزیکی هر صورتله
 ممنون ومسعود ایده جک بر قوجهیم ..

— والله بیلدم ... ناصل دیلم واروبده بن سکا
 داماد دییه جکم ...

— برقاج دفعه .. داماد .. دامادینجه دیک آلیشیر
 کیدر والسلام ...

— قیزیمه ده بویله بیگ نصیحت ویردم . سوز کار
 ایتدیره مدم .. شعیب افندی بنی آله جق اولورسه نهیه
 وارماییم ؟ دییور .

— چیلدیرتمه بنی سروناز خانم ... من راضی ،
 اوراضی نه خاط ایدر قول اغاسی دیدیکی کبی بویله ایش
 بوزانلغه قالقیشوبده سعادتمزی چیکنه مه ...

— بن عقلمک ایردیکنی سویله یوب آنالقی وظیفه سنی
 یرینه کتیره میمده ینه سز بیلدیگکیزی یاپکز ...
 — ها سویله ایمانه کل باقیم ..

— اوایلہ ایسہ بوکیجہ اقشام یمکنہ بزہ کل .. سن ،
 بن ، قیز باش باشہ بوایشہ جدی برقرار ویرہم ...
 — آم آغز بی اوپہیم قاین والدہ جکم .. مکرسہ
 سن نہ شرین ، نہ جانہ یاقین برقادیغمشک ... باش اوستہ
 بو آقشام سزدهیم ..

۶

قومیسینو نجی یاقیندہ قاین والدہ سی اولہ جق بوقادینک
 اولہ اوایلہ پارلایوبدہ صوکرہ بردنبرہ یلکنلری صویہ
 ایندرمش اولماسنہ برمعنا ویرہ میوردی . قواف قالدین
 کندی خراب معبد حسنایچون قلبندہ بر عشقده برشدیرمکہ
 او عراشدینی شعیب افندیکنک ، بیکنازہ آتشلندیکنی کورونجه
 البتہ متأثر اولہ جقدی . بوتأثرلہ اونک یابدقربنسہ ،
 دیدکلرینہ باقامق لازم کلیردی . قومیسینو نجی اوایلہ
 دوشونیوردی . زواللی آدام اوکونکی طالعندن وقاین
 آناسندن اوقادار نموندی کہ اوایلہ برقاج آغیز آجی
 لاقیردی ایشتمک دکل بش اون صوپا یمش اولسہ بیله
 قادینی عفو ایدہ جکدی . فقط شمدی بویله اوزونجه

دوشونجهلر، محاکمه لر ايله کچيره جك وقتى يوقدى. آقشام اولمادن اونك كوره جي چوق ايشلر واردى.

بيكناز كندندن خوشلانمش، كنجلره ترجيحاً اوکا وارمق ايسته يورمش. آم نه سعادت ... بعضاً قلبدن قلبه يول اولورمش. ايشته مشالى .. كندى كوكيله قيزكى آره سنده برتونل آچيلمش ده افدينك بوندن خبرى اوله مامش .. اويله كنج، وبرايجم صو دينه جك قادار كوزل بر قيزك سوداسنى جلب ايدم جك مزيتلره، سه ويمليلكلره مالكيته بر آزشاشمقله برابر بوكوزللكلرينى تدقيق ايچون قوميس يونجى جيب آينه سنى چيقاردى.

يوزينه دقتله باقدى. باقدى. كندى هنوز كنج، شيرين و بك آلملى بولدى. يكرمى ياشنده بر نادره حسنه دنك بر قوجه اوله بيلمكه مانع هيچ بردوشكونلكنى، اكسيلكنى كورميوردى. يالكز بويا مدتى بر آز كچمش صاج وصاقالينك قيل ديپلرى، كنج اولمق ايچون هر دورلو اعتنا و مجادله لره قارشى قويان براسته ز ايله بياض بياض سورمشدى. بو آقلى همان قاباق لازمدى. در حال سيركه جيده كى بر برينه قوشدى.

— بريكللى .. باشمده، صاقالمده برتك آق قالمايه جق ..

يکرمی بش ياشنده بر جوان اوله جنم .. آ کلا دکنی؟ چونکه
اون طوقوزنده بر قیز سه ويورم . بنی اوکا دنك بر عاشق
يا به جقسك .. بوکون سکا ايکی قات اجرت .. اوچ قات
بخشش .. دیدی ...

برورکار بو قازانچ قارشيسنده صيريتدی . والارینی
بربرینه اوره رق جواب ویردی :

— مراقایتمه (باسام) ... بن چوق آدام (بو یاندم) .
بو (مارافت) آبی بیلورم . سکا اويله برکوزل یا باجايم ..
کیم کوریور دیور عجیبا بوبك افندی واردر ییرمی
(ياسنده .. ؟)

قیصر لیلرک مرکب بو یامالری کبی اختیارلره کنجلك
رنکی ویرمکه مشهر بریکلی ظاهر آ بویه دیور فقط قلباً
شوبله دوشونیوردی :

— واه زواللی شاشقین آدام . صاچکی صاقلکی بویاه جنم
اما الی سکیزلاک کوزلریکک یورغونلغنی، تولکوندکنی،
سنه لرک بربر اوزرینه یوزیکه یازدقلری برات شیخوختی،
اودرین بروشوقلقلری تعمیر قابلیدر؟ نه یاپایم که اختیارلرک
بو آرزوی شبابت جنتی قازانجکک مهم قسمنی تشکیل
ایدیور ...

برینکلی قومیسو نچینک کوزلره کورونن بوتون تویی
توسنی قوروم رنگنه بویادی. بورون دلیکلرندن دیشاری
فیشقرمش آق قیللری کوچک ماقاصله بودادی. پوماته
ایله بر جلا کچدی صاچلرینی، طارادی. بیقلرینی
ماشه لادی. یوزینی بودره لادی. قولونیایی، قوزمه تیکی
بولجه قوللاندی. بویوک آینه نك اوکنده کی افندی به
کوچک آل آینه سیله باشنک یان طرفلرینی، آرقه سی
کوستردی. بوسیم سیاه بویالرك اورتیه سنده پارلتیسی دها
آرتان تویسز چوراق تپه سنک نورانیق تربیع نانی به
کیرمش برآی کی پارلایوردی.

افندی پروکاره بر طوطام قائمه ویره رک وعدینی
فضله جه ایفادن صوکره دکاندن فیرلادی. اختیارلقدن
قورتولوق ایچون یالکیز بویا کافی دکلدی. چویکلك
لازمدی. عالمی کنجلكه ایناندرمق ایچون باستوتی
قالدیرم طاشلری اوزرنده ظیلاته رق بر «داندینی بکم»
یوروشیدر طوتدردی. یولده چیپیل کوزلو بردیلنجی
قوجه قاری آرقه سندن :

— الله کنجلكی باغیشلاسون بکم ... اون پاره
صدقه جق احسان ایت ...

دعاسيله حایقیردی. شباتلک دیلنجی طرفندن تصدیق
 بک خوشنه کیتدی. قوجه قارییه برغروش آتدی.
 کجی ... ماناو دکانه کیردی. موسمک الکازه و ترفنده
 یمش لردن برسیت ترتیب ایتدردی. حاجی بکره قوشدی.
 بذه اطلال شیق بر قوطوی متوع شکر لرله طولدورتدی..
 بر یرده طور امیور طولاشیور، آقشامی ایتمه
 اوغراشیوردی. سیرکه جی طرفلرنده کیروب چیتمادی
 قازینو، بیرا خانه براقادی. آقشام اولق بیلیموردی.
 پارقه کیتدی. هر یولی، هر طرفی طولاشدی. هر آغاج
 آلتنده طوردی. هر بانقوده ایکیشر دقیقه او طوردی.
 بش دقیقه ده بر ساعتی جیقاروب باقیور. یلقوانله عقربک
 او کونکی تبالسکنه شاشیوردی. آشنالرینه تصادف ایتدجکه
 کورمه مز لکدن کلایور، یولنی دیکشدریور، هب
 قاجیوردی. چونکه او کونکی ذهنی، فکرینی بوتون
 بوتون بیکناره وقف ایتشدی. باشقه شی دوشومک،
 ایسته میوردی. قلبنده طوتوشان بویکی عشقک اوزرینه
 نه قادر بنای خیالات ایدم بیلیمک قابلسه ایدیوردی.
 قومیسو نیجیلقدم میلیونر اولیور. قوناقلر، کوشکلر،
 یالیر، آرابه لر، اوطوموبیللر، قایقلر، صاندالار،

موشلر آلبور، کینچ زوجه سنی بیکنازی ایپکلره، الماسلره،
 زینتلره هرق ایدیور، اونک طوغوره جنی چوجقلری
 پرنسلا پرنسلا کی رفاه وسعادت ایچنده بویوتیوردی.
 کوچ بلا آقشام اولدی. بویالردن لهنه کنجلاک
 شهادتی دیله نن بو زواللی آدام اوکونک اوزونتوسیه
 صانکه برقاچ آی دها اختیارلامش کی اولدی. برآرا به
 طوتدی. یمش سیتی، شکر قوطوسنی قویدی. سرونالک
 سمتنه یوله دوزلدی. قومیسینجی نه طاتلی برخاجان
 ایچنده ایدی. اولک اوکنه کلدی. جالمان قاپی آچیلدی.
 هدیه لرینی آله آلدی. آرا به بی صاودی. ایجری کیردی.
 قاین آنا خانم مردیومن باشندن :

— آیاغکزه صیجاق صومی؟ صوغوق صومی؟
 التفات عامیانه سیله کوزوکدی.

— آاقدم نه زحمت ایتدیکز؟

اداسیله آلدن یوکلری آلتان مسافر الک باش او طیه
 کوتورولدی. اورته ده کنیش بر ماصه نک اوزرینه
 ظریف طاباقلر ایچنده، ایجه نفیس مزه لردن مرتب
 بر عشرت صوفره سی قورولمشدی. قومیسینجینک بو
 هیچ عقلنده یوقدی. بو حاضرانی کورونجه شاشیردی.

عشرته نه لزوم واردي . او بي چاره ايجمه دن سرخوش
 كيدي . او آقشام بيكنازك عشقيه كريان اعصابه بر
 قدح راقينك بر اوقه تأثري و يرمه سندن قورقويوردي .
 ياقينده بو اوك خانكيسي اوله جق صاقالي بويالي بوكنج
 مقلدي مسافر اطرافه باقيندي . او طه تميز و طبيعتجه
 دوشه ليدي . هر طرف ايشله مه ، اورمه قادين آل ايشلرينك
 اك خوش واك زينتيجي پارلاق نمونه ليله طولو ايدي .
 بولطيف شيلرك بيكنازك نازك ، كوزل پارماق لرندن
 چيقمش اولدق لرينه شهبه يوقدي . هپ بوايجه آل
 محموللري قيزك هر شيدن اول چاليشقان بر او قادي
 اولديغي اثبات ايدييوردي . ديوارده فس رنكي قطيفه
 قيليف ايچنده بر عود اصيلي دي .

مسافر هر طرفه كوزك زدرم كله مشغول ايكن بيكناز
 اوموزلرنده خفيف بر پله رين و بك ايجه بر باش اورتوسيله
 ايجري كيدي . قيزك حالنده جبري بر بياشت ، كوزلرنده
 كيزلي بر آغلامه نك براقديغي بر يأس قيزارتي سي وار
 كيدي . فقط اختيار عاشق بونا زيني كندينه جاب ايجون
 صاقالنده كي بويانك ضمان شبا نه كووه نهر ك صيريتدي .
 وكنديني او كا دنك بولمقدمه چوق تردد ايتدي .

والده خانمده کلدی. اعزازاً مسافری باش کوشه یه
کچیر دیلر. قومیسو نچیده هنوز کنج و تخر به سز بر سودازده
طویلنی واردی. یانیق باغری بر دوزی یه درین آغلر
ایله شیشیور، متحسر کوزلری اوزون بایغینلقلرله سوکیلیسنه
دیکیلیور، اسمر، قالین، قارت دوداقلری اشتهادن
تیره یوردی.

خوش بشدن صوکره والده خانم کئندنن دها یاشلی
اولان بو داماد نامزدینه (عیاشلر اصطلاحنجه) وقت
کراهق، یعنی عشرت صوفره سنک باشه کیتمک زماننک
کلدیکنی اخطار ایتدی.

ایکی قادین اکر اماً مسافرک بره ریانه کچهرک عشرت
مأده سنک باشه قادار کیتدیله. ایلك قدحی قاین والده
خانم طولدوره رق تقدیم ایتدی. بیکناز کوچک چاتالک
اوجنه ایلیدیدر دیکي بر لا کردا پارچه سنی جان طابانماز
بر قیریمه ایله اوزاتدی. قومیسو نچی راقی یه صوقاتدی.
بیان تشکرایله دیکدی. همان پرسته شنک طوتدینی مزه یه
آتیلدی. آناسنک غاغانندن یم آلان بر یاورو قوش کبی
چاتال قیزک آلمده ایکن مزه یه آغیز اوزاتدی. برنجی
قدحک حرارتیله بر آاز کوزلری دونن افندی قیزک قایمق

لوله سینه بکز تندیکی بیلکله رینه طوغری او یله لایغین بر
نظرله و همان آتیلوب بیه جک کبی باقوردی که بیکناز
احتیاطاً در حال آلفی چکمه که مجبور اولدی .

قاین آنا :

— عافیت اولسون

تمنيسنده بولوندى . قوميدى—يونجهی تشکله برابر
صوردی :

— يالکز بنی ایچه جکم ؟ بویله طادی چیقارمی ؟
ایکی قادین بردن آ آ آ استغرابلریله آلرینی یوزلرینه
کوتورده رک :

— او ناصیل لاقیردی افندی... هیچ قادین قسمی
عشرت ایدرمی ؟

— نچون ایتسون ؟.. ایدنلر چوق ...

— بز او یله قادینلردن دکاز ... حق صاقلاسین ..
انکار ایتیم . قوت ایچون بمکده شراب ایچدیکم .. صانجهی
قارشی قونیاق قولاندیغم اولدی اما بویله او طور ووده
کیف ایچون عشرت ایتمی ریم روزی قیلما سین ...

— یاواش یاواش هپسی اوله جق ...

— نه اوله جق ؟

بیکناز اینجه تېسمیه سوزه قاریشه رق :

— بن آقشاملری بکاریلر برابر قارشى قارشى به

اوطور و بده چاقان خاعلری چوق بیلورم ...

سروناز خشنودسز بر توکل ایله باشى اُکهرک :

— قوجهلری اذن و یرد کدن صوکره آرتق بزه

خاط ایتک دوشر .. قادینلریمزده بویله شیلره انهماک

اوقادار زیاده که اونلرایچون بوکون علی عشرته مساعده

ایقینلر او زمان کورورسکیز ...

قومیسینوهمی مراقله کوزلرینی آچهرق :

— نه اولور ؟

— نه اوله جق .. بوتون میخانه لر .. بیراخانه لر

قادینلرله طولار ...

بیکناز ساخته بر شرمسارلقله یوزینی آووجلرینک

ایجنه آلهرق :

— های ربم اسیر که سین ...

سروناز تحف بر طور استفهام آلهرق :

— افندی سن قاریکه عشرته مساعده ایدرمیسک؟

— ایسترسه بنمله برابر عشرت ایده بیلیر . باشقه

برده ایچمه سینه مساعده ایتیم ... حکومت رخصتده
ویرسه بن زوجه می میخانه یه کونده زدم ...
— هر از ککک معده سی بر اولماز . بویله شیرلی
بعضاری هضم ایدر بعضاری ایده من ...

۷

جدی دن زیاده قومدیا دامادینه بکزمین شعیب افندی
ایچکی یه قویولدی . ایچدجه نشئه له نیور ، اعصابنک
حرارتی آرتدجه بیکنکاز کوزینه دها کوزل کورینور ،
قیزی عادتا بر یودوم صو کبی ایچنه چکه جکی کلپور ،
اونک وجودندن مزه لئمک ایسته ؛ یکنی آکلانیر بر اشتها
دونوک کوزلر ایله باقه باقه یوتقونیور یوتقونیوردی .
فقط امام ، مختار و محله لینگ نکا حلیرنی تقدیس لرندن ،
دعالرایله شربت لر ایچلمزدن اول باکره آل اوزاته بیلمه سی
قابلیدی ؛ جهنمده طوغمش بر ملک کبی ، او ، عمر و مخانه ده
عفتیله بویومک معجزه سینه ایرمشدی .

بویالی داماده مسئله یی بو شکلده بر صاحبی طولیه
لذتیله یوتدیریورلردی اما حقیقت هیچ اویله دکلدی .

اختیار افتاده کنج معشوقه سنی ثروته، سعاده غرق
ایتمک ایچون بوتون واریخی، عمرینی فدادن چکنمیه جکنی
یمینلر، عهدلر ایله سویلیور، زواللی آدام بر فاحشه یه وقف
حیات ایتمکله اونک مسعودیتنی قابل تأمین صانیوردی.
سر خوشلغنی بوسبوتون قابارتوب حریفی اوچورومدن
چارچابوق یووارلامق ایچون بیکنناز حسینی مقامنه
کیددی. بوتون فاحشه لکنک اغفالی و آلارینک مهارتیه
شوشرقی یه باشلادی !

کل نی وصلکله شاد ایت قیل کرم
کون بوکون ساعت بوساعت دم بودم
خوش کچیر وقتک جهاندۀ چکمه غم
نقرات

کون بوکون ساعت بوساعت دم بودم
کل سنکله باده لر نوش ایدلم
محنت دردی فراموش ایدلم
مست اولوب دریا کبی جوش ایدلم .

اختیار قودوردی . او ، عمر نده نه قارشیدنده بویه
کورپه کوزل برقادین کورمش، نده بوقادار خصوصی،
روح برانداز برآب عالمنده بولونمشدی. عشرتک ویردیی

نشئه ، قيزك شعشئه حسنى ولطافت صداسيله قارىشدى .
 قوميس-يونجى كندينك يردىمى ؟ كوكدمى ؟ جامان
 بزمندىمى ؟ جتندىمى اولدېغى فرق ايدىمىوردى . فقط
 بدبخت آدم بر آرز بصيرتكار اولسه كندينك نه جنت
 اعلاده ، نه دهر عالم مستناده دكل على العاده بر عمومخانه ده ،
 ايكي فاحشه آره سنده اولدېغى آكلاردى .

شعيب افندى بودغه نشئه دن كندىغى غائب ايدىم جلك
 بر حاله كلى . اوچ قدحه برون راقى طولدوردى .
 بوتون قابليت تواضعيله يرلره قدار اكيهرنك !

— هيچ برداماد سو كىلى قاين والدهسى او كنده
 بو قدار درين بر پرستشله اكيده مشدر . رجا ايدرم .
 محكمك فوقه چيقالم . اسكى عادتلىرى بيرتالم . قادين
 ارلك برابر چاقالم . نه دن چكنيور ؟ كيمدن اوتانيورز ؟
 بريكز قاين آنام يعنى اك جانندن ، اك ياقين اقربام ..
 اوتىكى جانم جانانم ، همرك وارى قارىم ...

ذاتاً ايكي قارى كيزلى چك چك ايجى قافالرى طوتمشلىردى .
 بودغه ايشى على يه اورمقدمه بر باس كورمديلر . سروناز
 طولو قدحك برينى كندى آلدى . اوتىكى قيزينك
 آلنه طووتوشديره رق :

— هایدی باقم یا وروم . . مادام که قوجه لا اویله
امر اییدیور . الامر فوق الادب ...
اوچ آل اورتهیه اوزاندی . اوچ طولو قدح تیرینق
تیرینق بربرینه طوقاندی . باده لر آغز لره دوکولدی .
کوزلر سوزولدی . چهره لرک حمزت جراتی آرتدی .
یکدیگرینه مزه تقدیمی مسابقه سنه چیقش دیلر . شعیب
افندی بری قاین آنالغه ، اوته کی زوجه لکه نامزد بوایکی
قادینک بلا استکرا . باده نوشلقده کی بوازی استعدادلرینه
برآز شاشدی ..

بیکنازک بتیرمش اولدینی شرقینک :

کون بوکون ساعت بوساعت دم بودم
نقراتی قومیس یونجینک آغزنده نامشاهی تکررلر ایله
دوام اییدیور :

مست اولوب دریا کی جوش ایدهلم
مصراعنه کلدجه قیزی همان دراغوشه آتیه حق کی
جذبه حاللری کچیره رک کندی زور ضبط اییدیوردی .
مسعودیته پایان کورمه یی اختیار عاشق بوایکی قادی
ناصیل ممنون ایده جکفی ، استقباله دائر نه پارلاق امیدلر

ویره جگنی بیله میوردی . مالیه ، جانیه ، بوتون وارلییه
اونلرک آزاد قبول ایتمز قولی ، اسیری اولدینی آکلاتمیه ،
تکمیل تجارت اسرارینی صاحبوب دوکمه یه باشلادی .
ایچی تأثیریه برآز آغیز اگری کوز شاشی اوله رق
دیوردی که :

— تجارت خانمی ونی اوپله اوفاق تفک کوروب ده
قره مو مال سبق صانما یکنز . شمدی یه قادار کیمسه یه
سه زدی رمدم . حیاتم سکز . سزدن جانمی صاقلامام . بن
بوکونه بوکون آشانی یوقاری الی بیک لیرالق برآدام .
بیکناز خانله ازدواج مسعودیتته ایردکدن صوکره طبیعی
نشتم ، غیرتم آرته حق بو ثروتی ایکی مثله ابلاغ ایتمک
ایشدن بیله صاییلما یه جقدر . هپسی بیکنازک اوغربنه
فدا اولسون . طولدوریکز برر دانه یو وارلایلم ...

هان اوچ ربعی سرخوشلق مبالغه سنه بکزه بن بوممه ، حجه
ثروتک عشقنه قدح لر طولدی . بوشالدی . بربرینه مزه
اکرامنده پک تکلیف سزلندیلر . شعیب افندی قیزک
یاناغندن چیملنه جک کبی یکر می بشنده کی بردلیقانی یه
باراشیر طاشقینلق صاغناقلری کچیریوردی .

قورناز سروناز حریفی دهاز یاده آشه له یه رك طاشیروب
دو كدرمك ایچون :

— پاره ایله ایمان کیم ده وار بللی اولمازمش دیر لر ..
صاحی طوغر و سوزمش ... زنکینجه اولدیغ کیزی بیلور دم
اما ثروت کیزی بو قادار تخمین ایتزدم . اداره خانه گزه
دوام مناسبتیه ایشلری گزه بر آرز بنمده و قوقم واردر ...
— بن او یله آچیق دن کلوب کیده نلره ایش چاقدرمام .
شم دی جان جیکر اولدق .. یا خود اولو یور زده اونك
ایچون سویلیورم .

— سویل دیگ کیزی مقدار دن عبارت ... ایشك
اصلی ، کهنی آ کلاتیمور سکنز ...
— هله بره ردها چاقلم ...

قدح لر طولدی . طوقه لر اولدی . هپسی یودولدی ..
شعیب افندی شمدی دهاز یاده شاشیلانان کوزلری
و چاریلان آغز بله سوزه دوام ایدم رك :

— نه لازم اوزون لاقیردی . ایکی سیک ، اوچ بیک
لیرالقی بریغین ایشیم وار . اونلری قاله بیله آلمیورم . سکا
ایکی دانه سسندن بحث ایدم .. کیفیتك اهمیتنی همان
آکلار سك . چونكه سن ده بویه مصالحك ایچنده

یووارلانان بر قادین سڭ . . بزم اوطه یه برنی قیرانته
اختیار، اوتەکی قومرال کنج ایچی روم دوام ایدیور...
— نه وەت ایکیسینی ده اکثری یانکزده کورورم...

— ایشته اونلر غایت مهم مقدارده برتوتون ایشی
ایچون کلوب کیدیورلر . توتونلر قره دکز ساحلنده
ده پوایدلی . قاپوره آندق . شمدی استانبوله نقل
اوله جق . آرەده واسطه اولان ذاتک اسمنی سویله یه م.
بوندن یالکز بنم حصه اوتوز بیک لیرادن زیاده
دوشویور...

عجبا صحیحی استفهامیله آتا قیز بربرینه باقیدشیلر.
قومیسو نهجی سوزینی تعقیباً :

— برده اسمز برارمنی کلوب کیدیور...
— قوجه بورننک اوزرینه قیصقاج کوزلک طاق...
— تا کندیی...

— بونکله ده مهم بردالاویره کز اولمالی...

— بئک مهم حبوبات ایشی...

— کوسه صاقللی بریهودی کلیر . سزه حاجی
افندی دییه خطاب ایدر . دائماً آیاقلریکزی اوپیم ،
رجاسیله یالواریر .

— ها .. ميشون ...

— اونك نه ايشى وارد ر بك مراق ايدرم ...

— اونك ايشى حقیقه مراق ايديله جك شيدر .

بن اوله سه م قوجه ميشـونك ايشى بتيكدر . قورتارمايه
اوغراشيورم ...

— ناصيل ؟

— اقدم اورته كويده بويوك كار كير بريالينك مخزننده
بيكلرجه بيكلرجه اوقه كوسه له وار . برى بونى بلكه
اخبار ايتمش . يهودينك عقلى باشـندن كيتمش .. آمان
رجاسيله آليه ، آياغمه دوشدى . ميشون تيتره يه رك : حاجى
اقدى بوايشده كوسه له لرى دكل بنم جانمى قورتارمش
اوله جقسك .. اونلر كيديمى بن افلاس ايتدم بيتدم ...
— قورتاره بيلورميسكز ؟

— مخبرى بولدم . قونوشدم . يا كلشم ديه رك
اخبارينى كيرى آله جق .. فقط مدهش پاره ايسته يور ...
يهودى يه سويلدم . آغزى بر قارشى آچيلدى : « اوله ده
باتديم بويله ده باتديم . بارى مالى دولته ويردم . خيرينى
يورسون . يوله يوله قوللانسين . . . دييور اما فنا حالده

ایچی چکیور . بوندن ده بکا بش بیك لیرا قادار بر
آوانتا وار ...

قومیسونجی بی راقی صار دجه قلبنده کی بوتون اولان
یتنلرله برابر قاصه سنک هانکی کوزنده نه وار، هپسفی
خمیل بر چوجق صفوتیه آ کلانیوردی . طوتدقلری
آوک مأمولارندن زیاده یاغلی وتویلو اولدیغی حس ایتدجه
نشئه لری آرتان قاریلر اونی الک آمانمز دامارلرندن بوتون
بوتون تسخیر ایچون اغفالکارلقدمه کی اولانجه بهار تلیزنی
اورته دوکیورلردی .

اوجر ، دوردرد قدح دها یووارلادیلر . جوی
مایه یوز توتان عشرت مجلسلرنده آهله اوفلر چوغالیر .
صدالر یوکسه لیر . قهقهه لر آرتار . سسی اولان اولمایان
شرقی میرتیلیرینه باشلار . هر کسده برهوس رقص اویانیر .
باشلر صاللانیر . قوللر قیپردار . کوبکلر اوینار ... ایچی
ایستیمک امنیت صوبایی تهله که کوستره جک فیکرتیلر آلیر .
بوخصوصی مجلسده ده بوعلام غلیان مسک کی
توتمه یه باشلادی . قدحلرک صایدی ، ایچی ایله پک
مألف اولمایان قومیسونجینک درجه تحملانی آشینجه راقی بی
دیگدی . ایکی قادینک آره سنه کیردی . برقورنازلق ایتدی :

— سیفتاح سندن برکت اللّٰه یدن .

افتتاحیله قاین والدہ سنہ صارلدی . سریع بر پوسه
آلدی . همان دوندی . بیکنازه آتیلحق ایسته دی . فقط
قیز اختیارک نیتنی آکلادی . دها چه ویک طورانه رق
چکلدی . زواللی عاشق ، کچکین قادینک ترله مش
کردنندن آلدینی طوزلو پوسه مزه سیله قالدی . یأسدن
کوزلری دوندی . آتش قارشیسندنه صولویان ایری
چینکانه کوروکی کبی کوکسی برقاچ دفعه قاباروب
ایندکدن صوکره :

— بودفعه ده آلمدن قاجدک ... فقط نزهیه قاجسه ک
بنم مالم سک ... یاقه کی قورتاره مایه جقسک . هپ بو آله جقلری می
ایلری ده مع فائض استیفا ایدم جکم .. دیدی ..
اوفکه شاشقینلغندن قاین والدہ سنہ بردها صارلق
ایسته دی . لکن قادین بودفعه رد ایدم رک :

— اوصلو اوطور . بن اوقادار صولو داماددن
خوشلانم . بنی آناک یرینه قویمش کبی طورانیورسک
امابن ده اوج اوتوزنده دکلم یا ... قاین آنایه نکاح دوشمز .
کوکله که قتالق کتیرر ایسه ک چارپیایرسک ...

شعیب افندی کمال مخالفتله درویش واری ایکی آلی
کوکسنه کتیره رک :

— کوکلنده فنالق اولانک ایچی طیشنه دونسون .
مراق ایتمه . پوسه مدن نه سن چارپیلیرسک . نه بن .
بیکناز قارشیکی گوشه دن بر قهقههه صالیویره رک :
— بندن آله جغک پوسه دن ده کوکلکه بر فنالق
کتیرمه جککه یمین ایت . پدرمه اوپدورور کبی یاناغمی
سکا اوزاتهیم ...

بو پدر تعیری افدینک بر آرز جانی صیقدی .
اولایه جقلری انسانلری کاه ممنون ایتک ، کاه اوزمک
او مشربده قاریلرک صنعتلری اقتضاسندندر . بو انفعالی
ینک ودها نه قادار کنج اولدیغنی یا ووقلوسنه اثبات ایتک
ایچون افندی بویالی صاقالی تیرمه رک ، طولومباجی
قهوه خانه لرنده زیللی ماشه داربوفا ایله قیوبران ته نیک
دلیقانلیرک کاه کوبگنی ، کاه قیچینی صاللایه رق اوینامایه
باشلادی .

بو دفعه ائنه عودی قاین آنا خانم آلدی :

قارغده سنی طوتارم آمان

قانادیکی بولارم آمان

ياپازم لر يابارم آمان
آ کلم آمان شکر م آمان
اولده دکلم بکارم آمان
آه ياللی تره لام

شرقيسنی ، آغزی يارماقلرينه رفاقت ايدم رک عودايله
چالمايه کيريشدی . بيکناز، ينه قارشیدن، آبی اويناتيرکي
ايکی آلی بربرينه اورم رق بورقصه تمپو وتيور، افتاده سنک
هوسنی ، عشقنی ياپازمه يوردی . اويون دوام ايتدجکه
قيزيشدی . افندی بورام بورام ترله يور ، قيويرييور ،
قيويرييور ، قيويرييوردي . اوانساده بو آدامک قاريسی،
چوجقلری ، طورونلری قارشيسنه چيقسه لر چيلديرديغنه
حکمهده هيچ ترددايمه جه جکلری دی . عشق جنتی کنجلره
ياراشير اما اختيارلرده آجينه جق مؤلم بر حال آليوردی .
حريفی بوتون بوتون چيلديرتمق ايجون بيکناز
اورته يه قارشيسنه چيقدی . آل تمپوسی فلان ديرکن
قیزک اوموزلری ، کوكسی ، کوبکی ، طوی دامادک
يوتقونمه کتيرمن تعبيرنجه الماسيه طاتيلیسی کي تيرمه مک
باشلادی . هرکسی قورقوته رق حياتک بوکي نشه وذوق
چيلغينلقلرندن تنفير ايجون لاز خوجه نك ديدیکی کي

بیکنازك وجودیله برابر ارض و افلاکده زلزله لر اولویوردی .
سر خوشلق امنیت صوپاپنك باطلا مسنه رمق قالان ، شدت
اشتهادن دامارلری اوق کی آتان قوجه داماد نامزدی :

— بیکنازیمك كل وجودیله برابر صارصیله صارصیله
ییقیلسون دنیا و مافیها . . . بنده ذره طاقت قالمادی .
چاغریکیز امامی ، مختاری ، محله لیدن براق
کشی . . نکاحیزی قیه رق بیتیرسونلر ایشی .. یا بو
کیجه بیکناز ایله برابر یاتمالی یم یاخود حجامتچی پی
چاغریوب وجودمدن قان آلا یرمالی یم . . . زیرا بنی
صاران آتش قائمی زهرله یور ، شمدی قلبی باطلا ته جق ،
دامارلیمی چاتلاته جق .. یوتقونه یوتقونه خناق اولدم .

نعره لرینی آتدقدن صوکره :

آه بکا نه اولدی ده بن بیله مم

اسکی حالی هیج کوره مم

شرقیسنی بوتون سر خوشلغنك نشئه سیله باغیرایکن
نا محترم قاین والده سی آغزینی بوجوشقون دامادك قولاغنه
یاناشدیره رق :

— آهو بیالا بابام . . . قیللی بیک صوص . شمدی

یدی محله بی باشمزه طوپلایه جقسک. نکاح قیمايه چاغیردیغک
جماعت شمدی امامیه ، مختاریله صوبالی بکجیسیله بوراده
سنی باصمايه کله جکلر ...
اخطارنده بولوندی .

۸

چوق سورمدی . او هفته نکاح اولدی . شعیب
افندی کرده کیردی . فقط مرادینه ایره مدی . سوکیلی
قاریسی عجایب بر حسیات فانتازیسی طوتدردی . اوکا
عادتا نامحرم بر ارکک معامله سی اییدیور آلنی آله
طوقاندرمایوردی . اسکی ماصالرده عفاقلرینک شدنه
انسانی حیرته براقان قهرمانلر واردر . چکمدکلری آلام ،
افتراق قالمایان ایکی سودا زده ناصیلسه طالعک بویوک
بر لطفیله بر کیجه عینی دوشکده یاتمق سعادتیه اوغر ارلر .
لکن وجود وجوده تماس کنهاکار لغدن صیانت نفس ایچون
آره لرینه اوزون بر قیلنج اوزاتیرلر . بیکناز خانمده ایشته عیناً
اویله یایمق ایسته یوردی . افندیسیله کندی میانه زوجیتی تفریق
ایچون او قادار ایری ، وکسکین بر آلت قاطعه بوله مادی .

او یالکز هر کیجه دوشکده قوجه سیله کندی آره سنه
ایرلی اوقاقلی یاصدیق بیغینلریله اوقاق بر دیوار اوروپور
و بوباروی سودانی آشیایه اوغراشان آدامجغزی اوزویور،
اوزویوردی . دوشکده کی بویوموشاق دیوارک ایکی
طرفندن دوام ایدن تعرضی و تدافعی حرکتلره اوج
دورت هفته کچدی . افندی بر مراد دکل بوتقونمادن
شدتلی بر بوغاز اولدی . پینلرنده کی دوشک ایچی تعرض
ومدافعه صحنه سی اکثری شویله باشلاردی .

افندی زوجیت حقوق مشروعه سنه قارشى اورولن
یاصدیق دیوارینک آره سندن بویوک بر اشتیاقله آلی
او بر طرفه اوزاتیر . دوداقلرینی یاناشدیره مدینی او
نازنین وجوده پارماقلرینک اوجیله تماسدن بویوک بر لذت
آرایه رق :

— قاریمچم ...

—

— بن آلمی اوزاتدقجه سن نیچون اوزاغه قاچپورسک؟

— قورقویورم ...

— نه دن؟

— سندن ... ارککدن ...

— نیچون ؟

— شیمدی یه قادار وجودیه اركاك الى دكمه دىكى

ایچون ..

— آدام سن ده .. هله لافه باق ... بر کره جسارت

کوستر . آعوشمه کل .. صوکره آیشیرسك ... باق
نه طاتلی شیدر ..

— ایسته مم ...

— نه ديمك ایسته مم ؟ ..

— ایسته مم .. ایسته مم ديمکدر ...

اشتها چاریندیسيله کوزلری قازاران افندی عنادجی

قاریسنی دیدیکله مه یه آتیلیر . بیکناز بوتون شرتلکيله
باغیره رق :

— ایتمه .. دییورم ...

افندی اك تیرهك صداسيله :

— ایدم جکم ...

— شیمدی بابیلیرم ...

— فنع المطلوب ...

— آی نه دن ؟

— باشقه دورلو نائل مرام اولمق قابل دکل ده

— آم بواركك جنسى نه خاڻ اولويور ...

— اركك بو نقطه ده هيچ بر جراتدن چكنمز .

الله تكثير مخلوقاتى بو قاعده يه ربطايتمش ... بيغمبريمز
بويله بويورمش ...

— اللهك ، بيغمبرك هرامرني بويله صدق وسرعتله

اجرايه نيچون اهتام ايتيورسكز ؟

— بعض اوامر اللهيه وشرعيه نك ايفاسنده قصوريمز

اولويور . فقط يواك مهم وطا تليسيدرا هانه كلز . اللهيه

بر آز (قلورفورم) كچيزه بيلسه م بر كيجه سني بايلته جغم ...

— الله اسيركه سين ... او ناصيل سوز ؟

— باص باياغى سوز ...

— او سنك ديديكك رومان صحيفه لرنده .. تياترو

صحنه لرنده اولور . واو فعلى خاڻ ، قانلى ، قاتل حريفان

ارتكاب ايدر .

— ايجابنده بعضاً بويله قارى قوجه آره سنده ده

وقوع بوله بيلير .

— صحيجى سويليورسك ؟

— والله .. ايسته قسمله سويليورم ...

بيكناز بويوك بر توحشه دوشكدن فيرلايه رق :

— بوندن صوکره بن سنکله بز دوشکده دکل ..
براطه ایچنده بیله یاته مام .

— نیچون اقدم نیچون ؟

— ارتق جانمی سکا امنیتم قلمادینی ایچون ...

— دنسزلکی بوراده لره واردرمه ... یا کلیش
آ کلا یورسک . سنک چانکه بر قصدم یوق .

— عرضمه قصد ایتک جانمه قصد ایتمکدر ...

— چوجقلق ایتمه ... قاری قوجه آره سنده عرض
سوزی اولماز . شرعاً سن بکا حلالسک . . بن سکا
حلام ...

— ارکک دکلنی بنم ایچون هپسی بر ...

— صوص شمیدی آغز بیکی یرتارم .. قادینلرک

جهل وخفتلرینی ایشیدردم اما بودرجه لره واره جغفی
بیلمزدم . اوسوزی معناسنی بیلمه یه رک صرف ایتدیکه
شبه یوق . باشقه دورلو قابل عفو اوله مازسک . .

— یاسنخی بایلیت ده ایسته دیککی باب . بوکا انسانیتسکارانه

بر حرکتی دینیر ؟

— الله .. الله .. نه آبوق صابوق سوز بونلر . .

نه شرع شریفه کلیر .. نه عقل و حکمه او یار ... عقد منرک

اجراسيله بر ياصديغه باش قويالى آيى كچدى . هر كچه
آره مزده سورچين كې ياصديقدن برسد . المى الكه
طوقوندرمق دكل يوزيكي بيسله كوره ميورم . بربريمزه
بوقادار ياقين اولديغمز حالده كوبا يريمز مغربده ، يريمز
مشرقده ايتمز كي اشتياقكدن اولويورم . آرتق يتشير .
انصاف ايت . قاري بچم . انصاف ايت يا ورو جغم ... بونلري
عقلك ايرمديكي ايچون ياپيورسك . . بنم نه اوزونتو
چكديكمى بيلسك مطلق مرحمت ايدرسك ...

— نه بيله يم بن بويه شيلري . برقاج دفعه قوجه يه
وارمادم كه .

— معلوم ...

بيكناز ياصديقلرك او بر طرفده حزين حزين اغلار
كې يابه رق :

— بو حالى سكا سويله مدمى ؟

— نه وقت ؟

— اداره خانه ده اوزريمه هجوم ايتديك كوني ...

— نه ديد كدى ؟

— بكا قارشى بك فداكار اولمك ، بنى اركهك

حسی مادیسنک فوقده بر محبت، حرمت و علویته سه و مه کی
رجا ایتمه مشمیدم ؟

— ایتمشدک . . عقلمه کلیور . فقط او رجا دن
بونتیجه چیقہ جغنی تخمین ایدہ مزدوم ... چونکہ سن
ازدواجده کی مقصد شرعینک ضدیتہ حرکت ایتک ایستہ .
یورسک . بوکانه الله راضیدر نه قول ..

— آہ بوایلک رجای بر کرہ قبول ایتسہک دها
باشقہ یالوارہ جغم شیلرده وار ..

— بوایلک رجا کک قبولنہ امکان یوقدر . قطعاً
بونى بیل ...

— یاشلی قوجه اتخابندن مقصدم بوایدی . ارکک
تعرضندن عمرمک صوکنه قادار مصون قالمق ... بونی
آ کلاندم ظنیله سه وینوردم . فقط یوز بیك کرہ تأسف
ایدرم که آ کلانہ مامشم ...

— مقصدک بوایدیسه بندن دها اختیارینی .. طوقسان
بلکده یوز یاشنده بر سالخورده بی اتخاب ایتلیدک ...

— آہ نه ووت ... مثلاً تیرید کی برینی ...

— بلکده پلته کی ...

— آه بنم سوکلی افندیجکم ... بنم خاطریم ایچون
تیرید کی اولویر ..

— سن بویله یوزیمه کوله رک یالواریر ایسه ک بنم
هیچ طایانام .. نه امر ایدرسه ک اونی اولورم ...
بیکناز سه ونجلاه ایکی ألنی بربرینه اوره رق !

— آه ایشته آبی یا اکسیک اوله ساده صویه تیریدم .
— فقط بوامر ایتدیگک شیئی اوله بیلمک بنم
ایچون قابل دکل .. مثلاً برآدامه : « رجا ایدرم . هیچ
آچیمه . برشی یمه .. » ناصیل دینیر؟ .. بواسعافی محال
اولان رجا کی قبول ایدرسه یالواره جق دها باشقه شیلرک
وارمش . مراق ایتدم . اونلرده بوقیلدنمی ؟
— نه وهت ...

— اونلرک اجرایی ده طرفدن فدا کارلق ابرازینه می
توقف ایدم جک ؟

— پک بویوک .. پک بویوک ...
— کوستره جکم بو برنجی فدا کارلقدن دهامی بویوک ؟
— آشه سز ! ..

— نه اوله بیلیر؟ .. شمدی ده سن غی قورقودییورسک ...
— قورقمه بنم طاتیلی یخنم ...

— آھا بنم تازہ قایماغم ...

مھاوړه بویله طاتلیلا شیر . افتدی بوندن جسارت
آلیر . آرمده کی پاموق دیواری بردنبره آشوق ایستر .
ایشته اوزمان قیامت قوپار . بیکناز صاحب مشروعی
یومروقله ، تکمه ایله قوغار . آغزیننه کنن حقارتی
حریفک صوراتنه صاوورمقدن چکنمز . اغلامه لر ،
حایقیرمه لر ، شدتلی برسینیر بحرانی باشلار . طاتلیلی یحیی
اکشیر . قایماق بوزیلور . بوکورولتی اوزرینه قاین آنا
اوطه قاپسینک اوکنه کله رک :

— هو حریف .. حریف قزیمه نه یاییورسک ؟
اللهدن اوتان . اذیت ایتمه کناهدرد . بن اونی سکا ویردمسه
اسیر دییه ویرمدم . آلمقده حق بوشامقده . ییلدیز
باریشقلنی اولمادیسه براق ...

زواللی داماد شمدی قاین آناسنک هجومه جواب
ویرمکه اوغراشهرق :

— قاری قوجه ایشنه قازیشمه . عییدر . هایدی
چکیل اورادن ..

— نیچون چکیله جکمشم ؟ قزیمی جیاق جیاق
نه باغیرتیورسک ؟ قونویه قومشویه رذیل اولدق ...

— رذیل اولدقه قباح بنده می ؟

— یا کیمده محله امامنده می ؟

— ان الله مع الصابرين ... آجانم سن بو ایشه بر
چاره بولمایه چالیشه جتکه یانغینه کوروکله کیدیور ،
غوغابی بوسبوتون قیزیشدیریورسک ...

— بوناغک سویلدیکی لاقیردی یه باق ... بن دیش
اهاتی یم . بویله کپازه لکه ناصیل چاره بولورم ؟

— جانم محله دن یاشلی بر قاچ قادین طویلا . . بو
قیزه نصیحت ویریکز . ازدواجک نه دیمک اولدیغی
آکلاتکیز ...

— الحمد لله بنم دهها آلمک داماری باطلامادی .
بن قیزیمه او یله شی ناصیل سویله یه ببایرم ؟

— لاحول .. او یله ایسه نه یه قوجه یه واردی ؟

— واردیسه ایسته کیله وارمادی . یالواردک . یاقاردک .
آلمزی براقدرک . آیاغمزی اوپدرک ... سنکله باشه چیقه مادیق .
سکا بیک دفعه سویلدم . سن یاشایسک او کنجدر .
صوکره راحتسز اولورسک . دیدم . بو نصیحتلری می
انکار ایت باقمیم .

— چیلدیرتمه بنی . . . قیزم سنی ایسته یور . میلی
وار ، دین سن دگلیسک ؟

— اونک میلنه ، کوکلنه باقیلماز . کنجدر .
صافدر . جاهلدر . شیمدی بویله دیر . شیمدی دوزر .
دیدیکمی ده اونوتدکمی ؟

بو دعوا کیجه یازیلرینه قادار سوردر . قاریسندن
رد و تحقیر ، قاین آناسندن شدت و تکدیر کوره ن زواللی
نامراد داماد محزون مکدر دوشکنه عودت ایدر .
لکن سوکیلی بیکنازی فراش زوجیتده بوله ماز . اونک
کل نفسی یاصدیق دیواری آرقه سندن قوقلامایه راضی
اولور . یالواریر . یاقاریر . حقوق زوجیه سنه سد چکن
بو حد فاصلی بردها آشمايه جغنه ، او طرفه آل آیاق
اوز آتمايه جغنه سوز ویرر . بیکناز بو معاهده تمخنده
بیك ناز ایله ، دوشکده کندینه آیردینی (قومپارتیمان) .
عودت ایدر . ایپی ، اوچ کیجه سسسز کچر . فقط
نهایت ، برمقنضای رجلیت حریفک عشقی صبر و تحملنه
غالب کلیر . دامارلری کریلیر . برکیجه بردنبره بر یانار
طاغ شدتیه قلبی فوران ایدر . کوزلری قاراریر . قاریسنه
صالدریر . معاهده نك ویردیگی امنیتله میشل ، میشل

اویویان بیکناز اویانیر . ینه فریاد ، شکایت ، غوغا
قیامت ...

قومیسسیونجی بو یوزدن اوغرا دینی قهر طالعیه
صانکه اسکی زوجہ سی حسنا خانمک آہنی چکیوردی .
بیکنازینی براقوب کیدہ میور ، کوکلنہ دہ ظفریاب اولہ -
میوردی . بویله ہر کیجہ دامارلری اوست تہ تیکدہ یاتہ
یاتہ وجودندہ تناسلی بعض امراض باش کوستردی .
دوقنورلرہ مراجعت ایتدی . کنج زوجہ سنہ قارشئ
اولان عجایب ، الیم وضعیتی اعترافدن چکنمدی . اطبا :
— یا قلعه بی فتح ایتملی ، یا اغتراف مغلوبیتلہ رجعت
بوروسنی چالمالی ، عکسی تقدیردہ امراض وخیمہ یہ
معروض قالیرسکنز .

دیدیلر . آرہدہ صرہدہ اولرینہ بوروشوق یوزی
بادانالی ، سورمہ لی ، راستیقلی ، اولدن مال ایکن شیمدی
دلال اولمشہ بگزہ یں ، صدبرک خانم اسمندہ شیشمان برقادین
کلیردی . کوکل پیاسہ سندہ سمسارلق ایدہ ایدہ بو نوع
خصوصاندہ آرتق اہل خبرہ دن صاییلان بو خانم اولرندہ
مسافر ایکن برکون شعیب اقدی قاین آناسنک یانہ
کیردی . صدبرکک حضورندن چکنمہ یہ رک زوجہ

اولان موقعنك تزاكتنى ، اطبانك خبر وىردكلرى
امراضك وخامتنى آكلاتدى .

يوصمه اسكيسى بو ايكي قادين خفيف بر استهزا
تبسميله بر برينه باقىشديلر . صد برك خاتم بويالى قارت
سياسنه هيچ ياراشمايان شوخانه بر قيريمه ايله :

— افندى بابا ، حرمكزك قصورينه باقايكز .
جفاسى چكلمه دن صفاسى سورولن قادينلردن بويوك
بر لذت آلتماز .

بو افندى بابا تعبيرينه قوميسيونجى طوتوله رق حيرت
ايتدى . چونكه قارى همان همان كندى ياشده ايدى .
قادينلرك بو ضعفلرندن بحث ايدن فيلسه وفلرك حقلىرى
واردى . اونلر بويودكجه كوچولمك ادعاسندن كنديليرنى
آله ميورلردى .

شعيب افندى اوغرا دىنى خطابه استهزا ايله مقابله دن
چكلمه يه رك :

— حقكز وار خانم قيز جغزم فقط چكيان جفانك بر
حدى اولمق لازم كلير . آقنيق به كوره ك چكر كى بوينه
جفا چككمك ايچون اوله نيلمز يا . .

صد برك خانم — افندی عفو ایدرسکزر سز جنس
قادیندن آ کلامیورسکزر ...

افندی — بو خصوصده کی جهلمی اعتراف ایدرم.
چونکه چوق قادین آلیم صاتمده بولونمادم . ایکی دفعه
اولندم . شیمدی بری کنج اوته کی اختیار ایکی زوجهم
وار . طبیعت بونلرک خویلرینی عینی خلقت دستکافنده
طوقومش . خیرچینلق ، عصیت ، دنسزلک و حسی
فانتازیله رینه تبعیتده بری او برینک جلد ثانیسی ...

صد برك خانم — افندی ایشته ینه تکرار ایدیورم:
سز جنس قادیندن آ کلامیورسکزر ..

سروناز — قیزم جنسدر . چونکه تمامیه بکا
چکمشدرد .

شعیب افندی :

— الله أسیر که سین . قانجق کوپکاره . بکزمه سونده
سکا چکمسون ..

اعتراضیه حایقیرمق اوزره آغزینی آچدی . فقط
اُتلافه اوغراشدینی بو قادینلر ایله بوزوشماق ایچون
غیظنی یکه رک ینه صوصدی . عوامک تلقیسنجه بونا
طوقوز بوغمق ایمش . قومیسینو نجی دیلنک اوچنه کلنی

بوصاییلی بوغمقلردن آشاغی ایندرمک ایچون یوتقوندی،
یوتقوندی . صوکره صوردی :

— جنس قادین تعیرندن مقصدیکزنه در؟ آکلایه مادم؟
صدرک خانم — جنس قادین ایشته زوجهک بیککناز
کی اولور ..

شعیب افندی — ناصیل ؟
صدربرک خانم — قوجه سنه قارشى سنه لرله مقاومته
بولونور ...

شعیب افندی حایقیره رق :
— بکاصورمه کز بوندن بویوک صویسزلق اولماز..
سروناز — سن والدهکک حسابنه اولیه سویلهیه -
بیلیرسک .

شعیب افندی — دیمک سزهپ بوجهتدن پک صوی
قادینلرسکز ؟

ایکی بایات یوصمه بربرینی نظر تقدیر ایله سوزدکن
صوکره اوزون اوزون کولوشدیلر . صدربرک صوردی :
— سن قلعه کی دشمن هجومندن قاج سنه محافظه
ایتدک ؟

سروناز ساخته لکی نسبتنده تحفلفنی آرتان برشرم ایله :

— آ آ دامادك حضورنده اوناصیل سئوال ؟..
 صدبرك آدام سن ده .. اونك بویالی صاقلاندنی
 اوتانیورسك ؟ بن اونی ارکك یرینه بیله قویمايورم ..
 اوتام ارکك اوله ایدی ایشی بو قادار اوزاته رق سندن
 بندن عقل صورمايه ، امداد آرامايه می کلیردی ؟..
 قومیسینو نجی یأسندن او طوردینی یرده تپینه رك :
 — بو سوزده صدبرك خانمك یردن کوکه قادار
 حتی وار .

صدبرك — بنی حقسزمی سویلر صانیرسكیز ؟..
 سروناز سئواله جواب ویرسه که ...
 سروناز — بو خصوصده بزعادتا براو چاق صاییلیرز .
 بویوك آنام تمام اوچ سنه مقاومت ایتمش . آنام ایکی سنه دن
 زیاده ثبات کوسترمش .. بن برسنه قارشى قویا بیلدم .
 چونکه مرحوم بنمکی يك قورنازدی . چابوق پونطومی
 بولدی ...

شعیب افندی — قاین پدرم رحمة الله علیه شمدی
 صاغ اولوب ده بو قورنازلنی بکاده اوکره ته ایدنی ..
 صدبرك خانم — باقکیز زمانه ایلریله دجه اخلاقده
 متانت قالمایور . بویوك والدهك ایکی سنه سن برسنه ...

قېزك بىلكە آلتى آي ... اونك قىزى اوچ ، دها اونكى
برهفته .. دها دها بركون .. بر ساعت .. نهايت بركون
كله جك كه قادينلغك شرفى هيچه اينه جك ... بىلكه
اوكون ياريندر .

سروناز — يارين ديوبده بك اوزاغه كىتمه .
اوكون كلدى ده كچدى بيله ... چارشوده .. بازارده
ارككلره سوز آتان قادينلره تصادف ايدلمه يورمى ؟ فقط
صدبرك سن كندى متانتكدن هيچ بحث ايتمه يورسك ..
سنگى قاچ كون سوردى ؟ .

صدبرك — حقيقى سويله مكه اوتان يورمده ...

سروناز — بك آزى سوردى .

صدبرك — آه بنمى بك قورنازدى .

شعيب افندى — الله عشقنه خانم شو قورنازلى بكا
اوكرهت ...

صدبرك — افندم بن تمام شيطان آقنيسنك يورننده كى
ياليدم كلبن اولدم . پنجره دن تو كورونجه دكزه كيدردى .
يالىنك او كنده صولر روز كاردده صاورولان خرمان كى
بربرينه كيره رك قاينارء كردابلر ياپار . يوقايدن باقانلرى
ايچنه چكردى .

سروناز۔۔ سزك زفافك زه آقینق شیطانیمی قاریشدی؟

صدبرك۔۔ همان اونك کی ...

سروناز۔۔ آ کلات .. آ کلات ... سن ده اُبی

دیگله داماد ...

شعیب افندی۔۔ جان قولانم اونده ... دردیمه

دوایی سزدن بولور سه شاشاریم .. قوجه قاری علاجلی
بعضاً الك حاذق طیبیلرک رچته لرندن زیاده شافی اولور .

سروناز۔۔ خلط ایتمشک ...

صدر برک خانم۔۔ بن قیزلغمده پک کوزل ، چوق

هوپیا بر مخلوقدم .

شعیب افندی۔۔ الله امانت .. کلی تعریفه نه حاجت ؟.

مال کندیخی کوستریور .

صدبرك خانم۔۔ بنی کیم کورسه ایلك باقیشده عاشق

اولوردی ..

شعیب افندی۔۔ اُبی که اوزمان قارشیمه چیقما -

مشک .. الله یاسکا آجیمش ، یابکا ..

صدبرك خانم۔۔ عالم بنی سه وه ردی . بن کیمسه دن

خوشلانمازدم .

افندی — تحف مظهریت .. فقط حالاده بوادعاده
ایسهك اعتراض ایدمن چوق اولور .

صدبرك خانم — حریف بنم هرلاقیردمله اویله اکلنمه .
شیمدی سکا برقولپ طاقارسم دنیاك باقیرجیلری سوکوب
چقارمه ماز .

افندی — ذاتاً برامزیکم وار. اوکا برقولپ علاوه
ایدر ایسهك بنی کنف ایبریکنه چه ویررسك ...

صدبرك خانم — عقلکله یاشا.. ایشته آکلایورسك..
افندم آندن صوکره جغمه .. بندها قوچه یه وارمه چاغنه
کلمه دن کورو جیلر قایمیزی آشیندرمایه باشلا دیلر . هانکیسنه
واره جغمی شاشیردم .

افندی — الله .. الله برقاچه بردن وارمق ممکن
اوله مازکه ...

صدبرك خانم — عشمقندن عاشق کرم کبی طوتوشوب
یانانلرك ، کندیلرینی باغچه ده کی دوت آغاچه آسانلرك ،
آقینقی یه آنانلرك حدوحسابی یوق .. قاچ جانه قیدم
بیلمیورم که .

افندی — معاذالله سن قیز دکل کوکل قوله راسی
ایمیشك ...

صدبرك خانم — حالا يوزيمه باقدجقه سنى ده صانجى
طوتيور غالبا ؟

افندى — انكار ايتم برقورو بوروتى آليور...
صدبرك — آمان ميمىنتى حريف .. اختيار تكه..
سكا موندار سوموكى آتمايه بيله تنزل ايتم ...
افندى — آمان آتمه ... كندكده طورسون ...
صدبرك — آنامك ، بابامك قيمتلىسى ، بردانهسى ،
كوز بىكى ايدم ..

افندى — حق نظردن صاقلاسون ...
صدبرك — نهايت بكا برپاشا اوغلو طوتوشدى ...
افندى — طولومبايه خبر ...
صدبرك — ياندى .. ياندى ... ياندى ...
افندى — كول اولدى ..
صدبرك — آناسى .. باباسى قارون كى زنكىن .
اونلر اوستمزه دوشدكجه بز كندىمىزى نازه چكدك ...
افندى — واى عشق احتسكارچىلرى واى ! ..
صدبرك — مغلوبه يوكله تيان حرب تضميناتى قادار
آغير ، آغيراق ايسته ديلر ...
افندى — واى انسافسز لر ...

صدبرك — اوچيك ليرا ويرديلر. آنام داياندى...
افندى — اعلا ...

صدبرك — بشيك ليرا ويرديلر. بابام داياندى ..
افندى — اوخ ...

صدبرك — نهايت حساسيز آلتونه بازارلق اولدى...
افندى — يورهك دايانير شى دكل ...

سروناز — قردهش صدبرك سن ده بر كرم كلينل ككدن
آچدكمى سوزى بتيره مزسك كه چابوق نتيجه يه كل ...
او قودينك فتحنامه نك سحرينى بر آن اول آكلامق ايچون
داماد مراقدن ثوله جك ...

افندى — صورمه حالى قاشن والده جكم ...

صدبرك — نهايه النهايه افندم بنى ترازينك بر كوزينه
اوطورتديلر . اوبرينه آلتون طولدورديلر . چكديلر .
بنى آغير لغمه ليرا مقابلنده پاشا زاده يه ويرديلر ...

افندى — آلان ويرمن خيرينى كورسون ... لكن
بو بسلى وجود پاشا زاده يه چوق آغير اوطور مش اوله جق ...
— صدبرك — آويزملر ياندى . بن تپه مدن

طيرناغمه قادار پيريل پيريل الماسلر ايچنده كرد كه كيردك.
زفاف نمازنده بن اوصولجه :

« — ایسته سنی اون پاره‌یه صاتون آلم ...
 میریلتیسله کوکک باشندن آشاغی برمتاک آتم ...
 افندی — کنیدی آغیرلغکجه آلتونه زواللی
 دلیقانیله صاتقدن صوکره اونی اون پاره‌یه صاتون
 آلمق ... قادین منطقک پک پارلاق بر مشالی تشکیل
 ایدیور ...

صدبرک — اوکیجه قوجهم بکا یوز کوروملی
 (ألنک بوتون بویوکلکیله اشارت ایدرک) قوصقوجه
 برچلنک طاقدی . فقط بن ممنون اولش کوروندم ...
 افندی — اوزواللی عجیاسنی نه‌ایله ممنون ایده‌بیلردی؟
 صدبرک — هیچ برشی ایله ...

افندی — نه‌دن ؟

صدبرک — چونکه کوکلم اونی سه‌ومدی ...

افندی — نه‌یه واردک ؟ ..

صدبرک — پاره‌سی چوق دییه آنام بابام ویردیلر.
 بزده عادت هپ بویله دکلکی ؟.

افندی — قوجهک چیرکینمیدی ؟

صدبرک — دکلدی اما بن اونی سه‌وه‌مزدم که ...

افندی — نیچون ؟

صدبرك — چونكه كوكل باشقەسندە ایدی ...

افندی — اوباشقەسنە نەپە وارمادك ؟

صدبرك — اونده اون پاره لر یوقدی ...

بو محاورده افندی ایچون حصه آله جق حکمتلر واردی . فقط اوبوجهتی بك : رین دوشونمه یه رك صدبركك كوكلی هانسی افسونله تسخیر ایدلیدیکی آ کلامغه حصر دقتله حکایه نك صوکنی بکلیردی .

صدبرك برایکی قیریتدقن صوکره :

— دوشكه کیردك ...

— وای ی ...

— حالا بو کونکی کبی عقلنده ...

— حافظه ك نه قدار قوتلی مش .. قرق ییلاق شیتی اونوتما مشك .

— همان یا صدیق لری ، یورغانلری طو پلادم . چار

چابوق آره مزه بر دیوار یاپدم ...

— دیمك بیکناز بودرسی سندن آلمش ؟ ..

— جنس قادین بویله اولور افندم ...

— شمدی جنسکزه ها ! ..

— فقط قورناز قوجه م ... ایرتسی آقشام شیطان

آقینتیسنه ناظر پنجره نك اوکنده اوطورورکن جیندن
برمحفظه چیقاردی . آچدی . غایت تمیز برالماس بروشک
بارلتیسی کوزلریمی قاماشدیردی . ایشته بودیدی . بوکیجه
آره مزده کی دیواری ییقمق ایچون ...

— کبارجه قورنازلق .

— بن قیریتدم . قیریتدم . — خایر اولماز دیدم . —

قوجهم قیزدی . بروشی آقینقی یه فیرلاتدی ..

— سن عنادجی .. او زیانکار . باقهلم نه اوله جق؟ .

— بر قاق کون کچدی . هپ آره مزده یانغین

دیواری کی بر بولمه ایله یاتیوردق ... ینه برکیجه
جیندن برمحفظه دها چیقاردی . قاپاغنی قالدیرنجه سیاه

قطیفه نك قارانلی ایچنده ییلدیزشعله سی صاچان برجیفت

کوپه کوزلریمی آلدی . — بو ناچیز هدیه یی عینی شرطله

قبوله تنزل بویورورمیسکمز اقدم؟ — دیدی .

— آمان یوره کم اوینایور سن نه دیدک؟

— خایر اقدم .. جوابی ویردم ...

— های الله مستحقکی ویرسون .. بو نه عناد...

— بو جانم کوپه لرده بروشک یاننه کیتدی ...

بر مدت دها کچدی . بر کیجه بك جیبندن بر محفظه
دها چیقاردی .

— آمان یوره کم اوینایور ...

— بوده بر بیله زیك ... اوزرنده قندیق بویو -
کلیکنده کی پیرلانطه لر شمشیره ك طاشی کی قیویله جملر
صالیوردی . قوجه م کوزلرینی کوزلریمه دیکدی -- بو
بیله زیك او سنك یوموق یوموق بیاض بیلکلیریکه نه
خوش یاراشیر . آرتق انصافه کل .. بکا آجیاز ایسه ك
بو قیمتدار شیئه آخی .. دیدی ...

— آی یوره کم اوینایور .. سن نه دیدك ؟

— خایر ... اصلا ...

— توه ... سوکره نه اولدی ؟

— بیله زیك آقینتینك قطرانی قایناشمالری ایچنده

غائب اولدی ...

— زواللی دلیقانیلیه قویووجی چارشى سنك
جامکانلرینی تزیین ایدن بوتون مجوهراتی دکزه
دوكدورته جکسك ..

— بیلیم آره دن قاچ هفته کچدی . بیله زیكك

محفظه ایچنده کی پارتیسی هیچ کوزیمک اوکندن کیمه .
 یوردی . بعضاً کندی کندیمه پنجره دن دکزه باقار ،
 او کردابلرک آلتند بروشله، بیله زیبک کیم بیلیر ناصیل
 بر قایا ویاخود یوصونک آره سنه صیقیشوب قالمش اولدیغنی
 دوشونه رک آجیردم . ینه بر کیجه بک هلال شکنده
 ایری بر محفظه ایله کلدی . بوده شبهه سز آقینتمک
 دویماز آغزیننه آتیه جق بر مجوهردی . آغیر آغیر
 بو سیاه هالاک قاپاغنی آجدی . ایری نخود دانه سی کبی
 بر صریه پیرلانطه دن یاییلمش بر آقار صو قادیلغنی
 بر سحر قوتیه جذب ایتدی . تعریف اولونماز برارزو
 ایله ایچم تیرمده دی . بو کردنلکه دایامامدم . کوزلرم
 سوزولدی . یوره کم باییلدی . مفتونیم غموریمه
 غلبه ایتدی . ایچلرندن اوفاق شمشکدر چاقان الماس
 دانه لرینه حیرتله باققدن باشقه برشی سویله یه مدم . زوجم
 مغلوبیمچی آکلادی . آقار صوبی محفظه سندن چیقاردی .
 کندی آلیله پیریل پیریل کردیمه طاقدی ...

— اوخ .. اوخ اوغورلو قدملی اولسون... ایش
 اولدی پتدی .

سروناز سوره کلی برقهقهه ایله :

— داریسی باشکه داماد ...

داماد بوقهقههیه برآز صورتاله مقابله ایدم رک :

— تشکر ایدرم فقط !! ..

بوآقینتی به آتیلان الماسلرک حکایه سی ماصالده اولسه
داماد ایچون آچیق برابهای محتوی دی. ایرتسی آقشامدن
اعتباراً شعیب اقدی جینده یوزوک ، کوبه محفظه لری
طاشیایه باشلادی. بیکنازخانم بکنمه یه رک بونلره دوداق
بوکویور ، لکن هیچ برینی دکزه آتمايور .. هپسنی
چکمه جه سنه کلیده یوردی ...

بدبخت داماد ، بوهدیه لری تقدیمدن آلدیغی جرأتله
بیک مشکلات ایچنده قلعه یی فاصله لی ویک قیصه هجوم
آدیملریله عادتا قاریش قاریش ، آزار آزار آلتی آیده
فتح ایتدی. اوصورتده که آیلرجه دوام ایدن بوجانسپاران
منساعی تعرضیه سی ائناسنده صالدرینی بارونک اوکونه
قادار اعدا هجومنه اوغرامامش حقیقه برموقع مستحکم
اولوب اولمادیغی آکلایه مادی .

قاعه فتح اولدی . طلسم بوزولدی . کلین کوکی بال
آینه کیردیلر . بو، قومیسو نجه نیک حیات عامیانه سی ایچنده
اوقادار طانی برآی ایدی که لذتی آغدالاندی، آغدالاندی
نهایت یوره کنی یاقایه باشلادی .

او، ازدواج قنطارینک صابنی طوغرولتدی .
یووارلاغی چکدی . موازنه یی بولدم صاندی . لکن خاطر
وخیااله کلزراحتمز لقلر بربری آرقه سنه باش کوستریوردی .
شعیب افندینک یکی اوندی بال آبی اولورکن اسـی
خانه سنده زاقوم چیچکلری آچیوردی . ازدواج مدتی
اختیار زوجه سندن چالمق ایچون اوندن ازمیره کیدیورم
یالانیله آیرلمشدی . دیدی قودی خصوصنده عالم اوقادار
قورنازلاشدی که کیزلیجه اولتمک دکل خو واردالغه کیتمک
بیله قابل اولمایور . معذبلک وظیفه انسانیه صره سنه
کچدی . نره دن وناصیل طویویورلر ؟ سزک ایچون کیزله
مکده بویوک ضرورت اولان برشی کونی کوننه، ساعتی
ساعتنه اک چکیندیک کلز یرلره یتیشدیر بیورلر .

مؤذینك قاریسی نوریه دیلینك بوتون چركابی آقته،
آقته قوجه سنك اولمش اولدیغی حسنايه باغیردیغی کونی
او زواللی قادین بایلمش، آیلمش، چکدیگی حسابسز
یا صبور لرک، ایچنده کی آجی بی تخفیفه هیچ مداری اولماشدی.
بو کوکل آتشی تسکین ایچون کتدیگی شیخلر اوکا انیا
واولای عظام حضراتنك بیله زوجه لرینك اوزرینه
چیفتر چیفتر اولمش اولدقلرینی سوبلدیلر. فطط بو حقیقت
حسنانك دردینی اکیلمتمدی آرتدیردی .

قومیسونجی افندینك از میر سیاحتی الی نهایه دوام
ایده مزدی . اورادن مطلق برکون عودت مجبورتی
اوله جقدی . بو اویدورمه عزیمت عودتدن صوکره برنجی
یالانی قاپاتقی ایچون اوندن دهها بویوک برایکنجیسنی ودها
صوکره اوچنجیسنی ، دوردونجیسنی ایجاد لازمدی .
بودوبارالر تمدد ایتدکجه وضعیت فنا لاشه جقدی . بوایکنجی
تأهل ، برنجی زوجه دن نه زمانه قادار صاقلانه بیلیردی؟
صاقلامق دائما وخامق بویون بر درد ، صاقلاماق
بر بلا ایدی . بونك هانکیسی اهوندی ؟ افندی بوایت
ولعلده ایکن حسنانك اونده بورا قوپدی . او یا ربم
عقللی قادین بوتون بوتون چیلدردی . قودوردی . ایپه صاپه

گلز شیلر سویلیور، دورلو مدهش قرارلر ویریوردی.
 کاه شېخ الاسلام قایسینه طایایه جفی عرض حال ایله صداقتسز
 قوجه سنک اعدامنه اعلام شرعی چیقارتیور. کاه کیدوب
 کنج اورتاغی قما، ره وولوه ایله اولدوریور، وکاه
 اوخانه ازدواجی طوتوشدیره رق سکنه سیله برابر کول
 ایدوب هوایه صاوریریوردی .

قادرین، هر کون دیکشن، فعله چیه مایه جق خیالی
 انتقاملر ایله قوجه سندن ارج آلمقده ایکن شعیب افندی
 ازمیردن عودتی اعلانله اسکی خانه سنه کیتمه مجبور اولدی.
 بایلمه لر، فریادلر، قیامت لر قویدی .

بختسز حسنا او قادار بوزولمش، آبوق صابوقلاشمش،
 آجینه جق برحاله کلشدی که شعیب افندی حقیقی اعترافه
 جسارت ایدمه مدی . تأهلنی قطعاً انکار ایله علمهنده
 چیقاریلان سوزلرک دیدی قودودن عبارت اولدیغنی
 ادعادن آیرلمادی .

یأسدن ثولوم حاللری کچیره ن حسنانک بویالانه اینا.
 نمایه شدتله احتیاجی واردی . ذاتاً حیات عمومیه ناک
 اساسی بود کلیدی ؟ بویوک یالانلره اینانما دقچه انسانیت
 ایچون یاشاق قابل اوله بیلورمیدی ؟

کوزلرنده صداقت لعله لری کشف ایتک ایچون نظری
 اونک یوزینه دیکدی . قوجه سی نه قادار کنجلشمش ،
 کوزلشمشدی . . زیفیری سیاه صاقلالینک چبری اورتیه سنده
 چهره سی تمیزلکدن بارلایوردی . اونی دنیانک اک
 یاقیشقلی ، اک جاذب دلیقانلیلریله دیکشیله میه جک بر
 مفتونیت صرف وعشق کوزیله کورییوردی . آق صاچلی
 باشنی بوبویالی حریفک کوکسینه قویدی . آغلادی .
 آغلادی . صوکره صارلدی . اونی سینه سی اوزرنده
 صیقدی . صیقدی . ایکله دی . ایکله دی . . بشریتک بویله
 اختیارلقلره قادار سورهن نه الیم درد لری واردی . کنجلک
 ایچون بر لطافت ، بر منبع الهام ، برفیض طبیعت اولان
 عشق اختیارلقلده نه مستکرمه بر مرض شکلنه کیرییوردی .
 شعیب افندی ، کوکسی اوزرنده کندینه آتشیلی
 کله لر ایکله یین بوسالیالی بوروشوق آغزک تأمینات سودا
 و صدق و فاسندن و او بور صومش قوللارک شهوانی تضییقاتندن
 او کوره جک قادار صیقیلییوردی اما بوکا مرحله تحمیلدن
 باشقه چاره یوقدی . بیکنازک لذت باغینلقلری ویره
 او کورپه وجودندن آیرلقدن صوکره بو قاغشامش

باياتلامش ، اكشيمش ، بيتمش قارينك آغوشنه كيرمك
نه طاقت فرسا بر اشكنجه ایدی .

خصوصی او طه لرنده قومیسونجی ساعتلرجه بو عذابه
كوز بومارق ، دیش صیقه رق تحمل كوستردكن صوكره
نهایت بروسیله ايجادیله صوفایه زور زار قاپاغی آتیه یلیدی .
قارشینسه بری میده ، دیکری آلدن ایکی چوجغیله
طول کریمه سی صابره چیقدی . سرزفشكار و حزین
نظرلرنده :

— بن بویاشده طول طورور ایکن سنك اولنمك
نه بویوك حقمنزلقدر .

مال اتمی واردی . بر آزاوته ده اوغلو عزیز
یگرمی ایکی یاشنك ویردیکی غرور شایسته بویلو بونجه
طورویور ، جیلان باقیشلی كوزلرندن صاچیلان درین
بر تنقید ایله باباسنی سوزویوردی . عزیز كوزلدی .
پدرنده کی قاپا واختیارلامش خطوط وجهیه نك مصحح
وكنچ بر صورت نفیسنه مالكدی . حیاتده کی اك بیوك
ابتلاسی عشق اولمق مظهریتده آنادن بابادن وارندی .
شعیب افندی زاده لوند اندامی ، عضلی شیشکین بازولری ،

سودا اعترافاتی ایچون قیزارمش ، قیزارمش تمام کالانی بولمش آتشی دوداقلریله صانکه باباسنه :

— انصاف ایت به آدام ، بن طورور ایکن سکا اولنمک دوشرمی؟ آلدیغک کوردبه، کوزل قادین هانکیمزک قوللری آرمسنه یازاشیر؟ حقمی نه یه غصب ایتدک؟

دیرکی دعوالی ، دیک وییلماز برنظرله باقیوردی . بوتون بوتیمبیکار کوزلرک ایصیریجی تقییحلری آلتنده و طورونترینک معصومیتلری حضورنده صیقیلیور، مایوس اولویور ، بویوک برقباحت ایشلیدیکی آکلایور ، لکن بو اولمش بیتمش خطادان دونمکده آرتق احتمال کوره میوردی .

اسکی اوینک بوغوجی ، دردلی هوا سندن قورتولمق ایچون قومیسبونجی کندینی همان سوقاغه آتدی . فقط عزیز ، باباسنک پشی براقایه رق آرقه سندن یتیشدی . دلیقانلنک کوزلرندن شمشکلر چاقیوردی . اونک باباسنه آکلانه جنی مهم بلدکده وخیم سوزلری واردی . یدی سکز آیدن بریدر پدیریه آرمسی آجیله شدی اداره خانه یه اوغرا میوردی . خو واردالغنه پاره دایانمایور ، باباسندن برشی قوپاره مادینی زمان بورج آیدیور ، صوکره اوکا

اوده تیوردی . بابا اوغل صوك دفعه شدتلیجه آتشدق
صوکره بر برینه فنا کوسه رك لا قیردی بی کسمشلردی . پدر
افندی بودارغینلقدن ممنون قالدی . چونکه عزیزاداره خانه
کلوب کیتدکجه باباسنک بوتون ایشلرینی قونترول ایدیور،
اونی نمکن اوله بیلدیکی قادار صیتردرمایه اوغراشیوردی .
آداجغز بودارغینلق مدتجه اوغلنک بواز عاجلرندن
مصون قالدی .

عزیز کینسدارلنی آرتمش پک چایق بر چهره ایله
پدرینه یاقلاشهرق :

— افندی بابا عفو ایدرسکز . آنه مه بر آلا ی
مارطاوال او قودیکز . کیدیورسکز . تأهلکز نجبه
محق قدر . بنی قاندره مازسکز ..

بوتویخنکار سوزلر قارشینده قومیسینجینک مبدول
قانی همان بیننه هجوم ایتدی :

— تریه سز .. مارطاوال سوزینی پدریکه قارشی
ناصل قوللانیورسک؟ اولندم و پک اعلا ایتدم . نه یابه جقسک؟
— پک کنج و کوزل بر قادین آلمشکزدیورلر ...
— طوغرو ... بویکنجی تأهلمده والده کیدسنی
آله جق دکلم یا ؟ ..

— بویاشدن صوکره یاراشیرمی ؟

— بوجهت آلدیغ قادینله بنم ، ایکیمزک جسمزه
عاند بر مسئله ، اوکا کیمسه قاریشه ماز ... بوتلاشلیکزک
بنی زیاده سودیکزدن ایلری کله دیکنی بیلورم . بابام
کنج برقادین آلدی . کیم بیلیر قاج چوق طوغوره جق ...
بونلر هپ میرانه اشتراک ایده جکلر . بزه چوق برشی
قالمایه جق ... دردلریکز ، کدرلریکز هپ بوخسیس
حساب ودوشونجه لریکزدن طوغویور ...

— بویله سفیلانه فکرلر .. امللر قلبمه اوغراماز .
امین اولکز ... بن سزک سعادت حقیقه کز نقطه
نظرندن سویلیورم .

— باق اوغلم عزیز . بابا اوغله نصیحت ویرر .
فقط اولاد بابایه ویرمز . بنم سعادت حقیقه می ایسته یور
ایسه ک بوقادینله یک بختیار اولدیمه اینان .. حیاتک
لذتی بواز دواجدن صوکره آکلادم . شمدی یاشایورم ...
— فقط آنام یک اضطراب چکیور ...

— تأهلمی ایشته اوکا اضطراب چکدرمه مک ایچون
کیزله یورم .. سنک ده آنا که محبتک ، مرحمتک واریسه

بو نقطه ده بنمله اتفاق ایدر، اوکا بر شی سه زدرمه مک
اوغرا شیرسک ...

هنر بز آنا سنه آجیمق و باباسنی محتاج نصیحت، شایان
مرحت کورمکله برابر اوده بو حادثه دن کندی نفعنه
بر حصه چیقارمه بی دوشونو یوردی . اونک نیقی ایشی
بر قوالاسنه کتیروب باباسنی ینسه قرق اللی لیرا
اورمقدی . پدرنده کی اک حساس دامارک ییکی زوجه سنک
محبثله اهتزاز ایتدیکنی آ کلامایه جق قادار احق دکلدی .
بناء علیه اختیاری صیزدیر مق ایچون تبدیل مقامه لزوم
کوره رک :

— سزی بر پارچه شاشیرمش کوریورم . بوده
فضله بختیارلغکزک اثری اولسه کرک ..

— بن هیچ شاشیرمش دکل .. سنک کوروشک
یا کلش اوغلم .

— نه یاپه جغکز ییلمز بر حالده کبی سکز ..

— خایر .. خایر .. ذهابک یا کلش . بنم یاپه جغم

بر قاچ دورلو دکل که بونک امر انتخابنده شاشیره یم ..
یکی زوجه مله اوطور مق .. بو ازدواجی ممکن اولدینی
قادار والد کدن صاقلامق .

— بوبر ساخته وضعیتدر که جوق وقت دوام
ایده مز ..

دلیقانی حقی سوبیلوردی . اختیارک وجدانی بو
حقیقی وهاله رد ایده مدی . پدري بر آرقداش طوريله
لااباايجه اوغلنك قوله كیره رك :

— عزیز طوغرو سوبیلورسك . لکن نه یاپه یم ؟
باشقه چاره وارمی ؟

— کستا خلغی عفواید رسکنز . بو خصوصده عقلمک
ایره بیلدیکی قادارسزی ارشادیمه مساعده یو یوریلورمی ؟
— سوبله .. مشکل بر موقعده قالدیغی کوریورسك .
بابا که یاردم ایت .. سوزلریکی صواب کورورسه م قبولده
تردد ایتیم ..

— سزك منفعتكيز عائله مزك منفعتی .. عائله مزك
منفعتی هپمزك منفعتیدر ..

— شبهه یوق ..

— بودعوا کزك رؤیتته بی توکیل ایدیکنز ..

— هایدی ایتدم . نه یاپه جقسك ؟

— ایلك زوجه سـنك اوزرینه اوله نن یالکـز سز
دکلسکنز ..

— بوکاده شبهه یوق ..

— وضعیتکزی ساخته لکدن قورتاره جغم ..

— ناصیل ؟

— والدومه یاواش یاواش حقیقنی آکلانه جغم .

بونک دنیاده وقوع بولماق بر کیفیت اولمادیغه اونی
اقتاعه اوغراشه جغم . شیمدی ایکی یه آریلان عائله مزک
آرم سنده کی برودتی قالدرمغه جابالابه جغم .. ایش طبیعی
برحاله کله جک . هپمز راحت ایده جکز ..

— سن بو دعوانک کورولتوسز ، ئوزونتوسزجه

حلنی درعهده ایدیورایسهک .. تکلیفکی قبول ایدیورم ...

— فقط شرطلم وار ..

— پک اوزون بویلو شیلر درمیانه قالدیشمه ..

— مراق ایتیکز . شرطلم اوزون و طولامباج

شیلر دکدر .

— تهر ؟ دیکله یورم ..

— برنجی شرطلم اوکی والدومه تقدیم اولونمقدر ...

آرمده کی برودتک ، مجهولیتک ، دیدی قودولرک ازاله سی

ایچون یکانه چاره بودر . مراق بویورمایکز . بن مرجهی

حسن اداره ایدرم . کنسیدی بویکی کنج آنسه مهده

سهو دیریرم . راحت ایدرسکز . سزك ایچون بوندن
اسلم طریق یوقدر ..

باباسی اوغلنك بوسوزلرینی معقول بولدی . لکن
آداجغزکنج قاریسنك شدت سوداسیله انسانیتته، وجدانه،
معقولانه توفیق حرکت استقامتی غائب ایتمشدی . اوقادار
(قلیبق) بر حریف اولمشدی که هرخطوه افعالنده
نه یاباجقی قاریسنه صورار، اونه امرایدرسه او یله یاپاردی .
بومشئوم سودا زنجیرلریله اونك الی آیانغی کوستکلیدی .
قارینك مستبد آئنده انسان شکلنده بر قوقلا اولوب
قالمشدی . بناء علیه قاریسنه صورمادن بوتقدیم کیفیتته
برقرار ویره مزدی . بواسارت فعلیه سی سببیه دیدی که :
— یکی .. سوزلرک معقول .. فقط بنمده بوخصوصده
دوشونه جکم شیلر وار . قراریمی یارین سکا بیلدیریرم .
شمدی اونه کی شرطلریکه کچه لم ...

ذکی عزیز ، باباسنك کنج قاریدن استیدان کیفیت
ایتمکسزین هیچ بر شیئه قرار ویره مدیکی حقیقتنی درحال
آکلایه رق :

— دیگر شرطلرمک درمیانی برنجیسنك قبولنه
وابسته در .

— سن سویله . ضرری یوق .. نه دوشوندیگی
بن بیلیم . اوکا کوره تدیر آلیرز .

— حسن توجه و شفقت پدرانه کزدن دور قاله لی
حالم خراب اولدی . اوستمه باشمه باقسه کزه اوشاق
قیافته کیردم . بو حال ایله کوچک والدمک حضور قبوله
ناصیل چیقہ بیلیرم؟ بنده کزه لطفاً قرق اللی لیرا احسان
بویورمالیسکز که بر آرز آدم شکلنه کیریم ...

بو تکلیف قارشیدننده زواللی بابا بر طور ترددله
بویالی صاقالی قاریشدرمایه باشلادی . چونکه کنج
زوجه سی اونی اومرتبه صوصیزدرماز برقونترول آلتنه
آلمشدی که اوکا معلومات ویرمکسزین ایکی لیرا فضله
صرف ایتسه قاری در حال حس ایدرک زواللی بی تکدیره
قالقاردی . قارینک اصل مقصدی بوتون منبع وارداتی
آلنه آلهرق اوتنه کی آوی یاره سزلقدن قاصوب قاوورمق،
اختیار اورتاغنی آچ براققدی .

قومیسو نجی اوغانی باشند صاومق ایستر کی بر
دالغیناتله :

— پیکی پیکی .. یارین اداره خانه یه کل . کوروشورز ..

دیدى. و شرائط سائر نه اولديغى صورمه دن يورودى.
بابا اوغل آيرلديلر .

باباسنك ذهنته طاعون دهشتيله چوكن بوكنىچ قادين
سوداسنك عائله لر ينك باشنه نه بويوك فلاكتلر آچه جغى
آكلابان عزيزك ياسدن ، نفرتدن كوزلرى صولاندى .
پدرينك آرقه سندن يومروقلرينى صيقه رق :

— بر فاحشه نك عشقيه انسانلقدن چيقممشسك .
لكن وظيفه كى بيلديرمك بويمه بورج اولسون بابا
دیدى ..

۱۰

او كيجه يى بك فنا رؤيالر، قرارلر ايله كچيرمن عزيز
صباحى زور ايتدى . قالقنجه والده سنى شدتلى بر هذيان
تظامى حالده بولدى . چونكه دون ازميردن عودت ايدن
افندى او كيجه اوينه كلمه مشدى . نروده قاله بيليردى ؟
خانه سندن اوزونجه مدت اوزاقده ياشامش بر عائله باباسنك
بوييه ايلك كيجه يى باشقه يرده كچيرمسنه نه معنا و يريليردى ؟
ديمك عالمك سوزى طوغرودى . افندى اولنمشدى .
بو حقيقتى قجه جه انكار ايديوردى .

حسنا خانم فیتلی آلدی. آناسنی یاتیشدرمق ایچون عزیز اوغراشدی. اوغراشدی. اوکا هیچ برسوز، هیچ بر تسلی کار ایتیه یور، دلی به لاقیردی آ کلاتمسی ممکن اولمایوردی. نهایت زواللی قادینی صابرمک اهتمامنه ترک ایله سوقاغه فیرلادی. اداره خانه به کیدوب باباسنی کوره جکدی. دالغین دالغین خانک قایسی اوکنه قادار ایندی. اوراده مکمل برکیرا قوپه سی طور دیغنی کوردی. باباسنک کلوب کلدیکی اوطه باشندن سوردی. شو جوابی آلدی.

— بدریکزه نوز کلدی. فقط خانم افندی بوقاریده...

— هانکی خانم افندی؟

اوطه باشی اوزرندن اثواب فیرچه سی کبی قیرچیل صاقالی سورمش اختیار آوتلرینی یاییق براس تهزا ایله بوتون بوتون بوروشدوره رق :

— بابا کزک یکی آلدیغنی کنج قاریسی ...

عزیز تو حافلاشدی. باباسی یازینخانه ده یوق ایکن قاری اوراده نه آرایوردی؟ بومراقنی حل ایدم بیلیمک ایچون اوطه باشی بی استجوابه کیریشه رک :

— بابامك بولونمادینی زمانلرده ده قارینك كلوب
بوراده اولورمق عادتمیدر ؟

— بوقاری یاقینده بابا کوزه افلاس ایستدرته جک ،
بعض کون افتدیله برابر بورایه کلیرلر . قاری به لازم
اولان مقدارده قاصده پاره بولونماز . افندی اچمه تدارکی
ایچون کیده ر بولور . کلیر . ایشته بو کونده اولیه اولدی ...
بابا کز کیتدی . ده ها کلدی ...

باباسی کندینه قرق اللی لیرالق برسماحتده بولونمق
ایچون قطعی بر سوز ویرم مامشدی . بوتون واریخی
زوجه سنك اوغرینه هبادن لذت آلیوردی . والده سنك
بوس . بوتون تجننه ، عائله لرینك فلا کتنه سبب اوله جق
اولان او قاری شیمدی کندنندن بر قاق مردیوم یوقاریده ،
اللی ، آلتش آدیملق بر مسافه ده بولونیوردی .

بو قریقی ، بو حقیقی دوشوندکجه دلیقانلینك یوره کفی
چارپنتی آلدی . باباسنك عودتندن اول بو عائله آفتیله
یوز یوزه کلمك استعجالیه همان مردیومه صالیدی .
چونکه پدري کلیرسه او غانی یکی زوجه سنه تقدیم ایدم بیلیمك
ایچون بوشیاریق قاریدن مساعده طلبنده بولونه جق ،

خانم افندی موافقت ایتمزه اوکون کوروشمک قابل
اوله مایه جقدی .

بناء علیه بدرینک بوغیوبتی فرصتدن همان استفاده یه
شتاب لازمدی . ایکی قانک طاش مردیوه تی چیقدی .
قوریدوردن صوله دوندی . یکر می اوتوز آدیم بورودی .
باباسنک یازیحانه سی اوکنده طوردی . شیمدی اوکی
آناسیله قارشی قارشی به کلنجه تأزینه حاکم اوله بیله جکمیدی ؟
نه طور طاقینه جقدی ؟ بوخصوص اوندن کوره جکی صورت
قبول و معامله یه کوره تخین ایده جکدی . حقارت کورورسه
نه یاپه جقدی ؟ الیم ترددلر ایله قایی بی آجدی . ایچری
کیردی . دائره نك مدخلنده کی قایلردن برینک اوکنده
اوافق تفک برکنج اوطورییوردی . اوکا خطاباً :

— سن کیمسک ؟

— خانم افندینک اوشاغی یم ...

اوشاق عزیز یوقاریدن آشانغی دقتله سوزدکن
صوکره :

— یاسن کیمسک ؟

— افندینک اوغلو ...

گنج خدمتکار قیام ابتدی . بو حرمق کورونجه
عزیز جساتله نه رک :

— ایچریده کیم وار ؟

— خاتم افندی ..

— بوکون نه دن بویله ایرکن سوقاغه چیقمش ؟ .

— اقدام بك اوغلنده مودیستراده البسه سی وار .

اونی پرووایه کیده جك . آرابه آشاغیده بکله یور .

— بابام نروده ؟

— دیشاری چیقدی لر . شمدی کله جکلر . بزده

اونی بکلیورز .

سریع بر ملاحظه دن صوکره عزیز ، قارینک

بولوندی فی اوطه قایدینه پارماق لرینک اوجیله سرتجه برقاج

دفعه اوردی .

ایچریدن نازک برسس :

— کیمدر او ؟

— مخدوم کوله کز ..

— آ بویوریکز ..

دخول مساعده سی ویره ن بو لطیف سس عزیزک

اعصابی اوزرندمه خوش بر تأثیر کوسه تردی . دلیقانی

قاپنك رزمه سنی چه ویردی . ایچری به ایلک آدیمنی آتجه
مشاهدی اولدیغی منظره نك دهشتندن اوركه رك كیری
کیری دیشاری به قاجق ایسته دی . لکن وجودینك
تماسیله قاپی قاپاندی . بردنبره قاجمه مادی . حیرتدن آغیز
آچیق ، کوزلر بویومش برحالدہ اورادہ طوندی . قالدی .
قادین ده عینی دهشت و حیرتله کیری کیری چکیله
چکیله دیواره پایدشدی . هر تازیہ آغیرلغی ، فلاکتی
آرتان بر شاشقیناقله بربرینی سوزه دلر ایکن نهایت عزیز
خلجاندن قیصیلان سسیله :

— آم بیکناز ! ...

— وای عزیز ...

— بابامك قاریسی ! ..

— قوجه مك اوغلی ! ..

— بونه مدهش تصادف ! ..

— بونه ملعون طالع ! ..

ایکی سنه اول بربرینه (اگر تعبیره جواز وارسه)
خصوصی بر عمومخانه ده تصادف ایتمشلردی . او کیجه
بیکناز مجلس او طه سنه کیرمه مش ، هیچ بر ارککله
یاتمامشدی . عزیزه صوفه ده راست کلش ، بربرندن چوق

خوشلانمشلردی آما قیز آناسی سروناز بویله سولون
 یایی ، جیلان کوزلو ، کوزل ، جاذب فقط پاره سز
 دلیقانلیلرک عشقی قیزینک اوزرنده نه مشئوم بر تأثیر
 حاصل ایده جکئی بیلدیکسندن بر اشمه لرینه قطعاً مساعده
 ائمه مش ، قیزک ایزی اوغانلندن ، اوغلانککئی قیزدن
 کیزله مک اوغراشش و مقصدینه ده موفق اولمشدی .
 دارغینانی مناسبیله عزیزک خیلی مدت اداره خانه یه
 کله مسی و سرونازک شعیب افندی یازیخانه سنه انتسابی او ،
 ایکی سنه دن چوق صوکره وقوع بولمسی اونلرجه دلیقانلی بی
 مجهول بر اقمشدی .

بوایلک تصادف و تجاذبدن صوکره بر برینک جهره لرینی
 غائب ایتدیلر . بواقتراقدن قلیلرنده بویوک بر عشق طوغدی .
 بو محبت کمنجلاک خولیا لريله سوسله نه سوسله نه لطیف
 بر مفکوره اولوب قالدی . ایریشیلمز شیلرده کی علویت
 کبی بر برینی انسانلق فوقنده برسمای ملاحظه چیقارمشلردی .
 عزیز ، عشق ، غضب ، سهوینج ، کدر ، انتقام ،
 مرحمت کبی ضد ، حسلرک هجومی آره سننده بوکالان
 یینی آوو جلری ایچنده صیقه رق :
 — بیکناز .. اولابی صوکره ده بابامی یاقدک ؟ ..

- بنجده طالعم یاقدی ...
- بابامه وارمقدن مقصدك نه ایدی ؟
- بر اختیاره زوجه اولمق ...
- بونه غریب مراق ...
- مراق دكل ... كو كلك نذری بویله ایدی ..
- نیچون ؟

— سنی کوردیکم کیجه دنبری خیالکله یاشایوردم .
روح خاطره کله ازدواج ایتدی . بر فاحشه قیزی اولدیغمی
بیلیورسك . بر ارککه مال اولمقله بو ذلیل حیاندن
قورتوله جغمی حسابلادم . کنجه وارماق ایچون اختیاری
انتخاب ایتدم . چونکه بو صورتله عشقه صادق قالمش
اولویوردم ...

— بابامی نیچون آلداتدك ؟

— آلداتم . هر حقیقی سویلدم . کیمك قیزی
اولدیغمی بوتون تفصیلاتیله آکلاندم ... بنی شهوانیتك
فوقیده صاف بر عشقه سهومسی شرطیله کندینه واردم .
فقط او بو وعدنده طورمادی . ازدواجزك ایلک کیجه لر
نم ایچون فجیع ، ایشیده نلر ایچون مضحك صحنه لر ايله

کچدی . سوز آکلاته مادم . نهایت بوتون معناسیله بابا کک
قاریسی اولدم . او غلام ...

— آی بو آرابه لر ، اوشاقلر ، تواتلر ، اسرافلر
عفاخته نذر حیات ایتمش بر اختیار قاریسنه یاراشیرمی ؟
— انصافسز !.. کوکلی اریتن عشقکک عذابنی
نه ایله آووته جغم ؟ بابا کک اختیار قوللرینه تسایم ایتدیکم
بو گنج وجودمک کراسی یو هی ؟ بو قارارجق اسرافنی
بکا چوقی کوریورسک ؟

صوکره پینلرینی آلارلایان ، سینیرلرینی یاقان اوزون
بر اشتیاق ومفتونیت سکوتیه کوزلرینی بر برینک کوز
ییکلرینه دیکدیلر . باقیشدیلر . باقیشدیلر . قلبلری ، نهایتسز
بر عشقک جوش خروشنی ضبط ایده مه یه جک بر تهلسکه
انگسار ایچنده قباروب قباروب اینیوردی . بر برینه
زوج زوجه اولمق خلقتیه یارادیلان بو ایکی وجودی
طالعیری آجیلغنه دایانیلماز بر استهزا ایله آنا اوغل
وضعیت اجتماعیه سنه قویمشدی .

کوز قپمادن باقه باقه آره لرنده حاصل اولان شدید بر
ماتیاتیزما قوتیه بر برینک روحنی چکمه که باشلادیلر .
نرمده اولدقلرینی اونوتدیلر . کندیلرینی غائب ایتدیلر .

نظرلری او کندن کائنات، هر شی سیلندی . قورقو،
 احتراز، هیچ بر دوشونجه، اندیشه قالمادی . یالکمز
 او آندم بوتون شدتیه پارلایان بر عشق غلیان نایه لری
 یاشایورلردی . ارکک باش دوندوریحی جاذبه سندن قاجق
 قابل اوله مایان براوچورومه دوشرکی قادینه آتیدی .
 بیکناز خفیفجه الیه ایتدک :

— نه یاییورسک ؟

— بیلمیورم ...

— باباک حقنه، عرضنه، ناموسنه تجاوز
 ایدیورسک .

دلیقانی بوغوق بر صدا ایله :

— صحیح ...

دیدي چکلدی . هونکور هونکور بر آغلامه ایله
 یازی ماصه سنک اوزرینه قاپاندی . آره لرنده عینی اوچوروم
 انجذاب دوام ایدیوردی . بودفعه قالدین، مقاومتسوز
 بر قوتک مقناطیسندن قورتولامایه رق ارککه یاقلاشدی .
 اونک های سودا ایله یانان آلرینی آووجلری ایچنه آلدی .
 بوتماسدن قوپان شراره نک آله وی ایکسینی ده صاددی .
 کوثر عشقی ایچمک ایچون آمانسز بر حرارتله تیتزمین

ایکی دوداق بربرینی بولدی . شیمدی سودا دینیلن شاه
اثر خلقتك اذواق اسپازموزلرینی کیچریورلردی ...
.....

بربرینك قوللری آره سنده آن سودا وحدت وجود
اویقوسنی نه قدار مدت اویودیله؟ بیلمیورلردی . طاتلی
بر کسل وقیر یقلق ایچنده اویاندیلر . ایکی وجود آره سنده کی
مقاطیسیت حالا زائل اولامشیدی . لذتلی بر رخاوت
ایچنده کرینوب کرینوب تکرار بربرینه صارلقلری
انسانده دیشاریده بر طیقیرتی اولدی . او زمان موقعك
وخاتتی، تهلكهكك بو یوكلهكنی آکلایه رق آیاغه فیرلادیلر .
بوزولان توالترینی همان تعمیره شتاب ایتدیلر . اوزرلرنده
شبهه یی داعی بر اماره قالمایچه یه قدار چهره وقیافتلرینی
تنظیمدن صوکره بربرینه باقیشدیلر . بو آنا اوغلی
بی مقاومت براقان بر حس چار چابوق عاشق و متره س
یامشیدی . بوضف لرینك ذلتی ، بو حرکتلرینك دهشتنی
دوشونمکه وقت اولسادن ینه کوزدن کوزه شراره لر
باشلادی . بر ایکنجی در آغوش آرزوسی بوتون شدتیه
بارلامقدمه ایکن کورولتیجی بر آلك هجو میله رزه اوینادی .
قابی آچیلدی .

کنج زوجه سنک ایسته دیکندن فضله پاره بولمش
اولق ممنونیتله تبسملر صاحبان شعیب افندینک بویالی
چهره سی کوروندی .

بیکناز برکوشه یه، عزیز اوبرینه سوت دوکش کدی
کبی بره ر سکونتله اوطور مشلردی . اوغلنی قاریسنک
یاننده بولونجه قبل تقدیم اوکی آناسنک حضورینه چیقمق
کستاخلغه جرأت ایتمش اولماسندن دولایی تکدیر آغیز
آچارایکن بیکناز در حال آیاغه قالدی . لیه زفافندبری
کوسترمش اولدینی اک التفاتکار ، اک طاتلی چهره سیاه
اختیار قوجه سنه کوله رک :

— عزیز بک اوغلو من کلدی . بکا کندی کندینی
تقدیم ایتدی . بوصیممی تکلیفسز حرکتندن چوق ممنون
اولدم . تبریک ایدرم . الله باغیشلاسون طوغروسی بک
طورامان [*] بر اوغلك وار . . . حظ ایتدم ...

کنج زوجه سنک اوکی اوغلنه قارشى فوق المأمول
کوستردیکی بو حسن قبول اختیارک بک خوشنه کیتدی .
بردنبه نشئه سندن آغزی قولاقلرینه واردی . اوغلك

[*] بیکناز بوتعبیری اوکی اوغلنی کوچک برچوجق تلقی
ایتدیکنی ائماء سولشدی .

بویله ایلک ملاقاتده او خیرچین قادینک دامارینه کیره -
 بیلیمک خصوصنده کی ذکاوتی ناصیل تقدیر ایدم جگنی
 بیله مدی . فلاکتندن بی خبر زواللی پدر کنج اوکی
 آناسیله اوغلمک حسن امتزاجلری مسعودیتنه شاهد اولمق
 ایچون ایچندن قباران ، طاشان برنشله ایله چیرینه رق :
 — هایدی اوغلم اوپ والدهک الی کورهم ...
 دیدی . عزیز صافدل باباسنک بوغافلانه تکلیفی
 اوکنده صارصیلدی . برآز اول مقاومت کوسترمه مدیی
 برسوق طبعی ایله درجه و خامتی ادراک ایدم میهرک
 ایشله مش اولدینی بویوک جنایتک مدعش بر قوم دیا
 شکنده بو قدار چابوق سوء عواقبی باشلايه جغنی بیله مه مشدی .
 پدرینک امرینه اطاعت ایتمهک ایچون اورته ده کورینور .
 بر سبب یوقدی . شاشقین ، ذلیل یرندن قالدی . رولنی
 ایفادن عاجز عجمی بر آقنور قرار سز لگیله آیاقلری
 طولاشه رق ، سنده له یهرک کنج قادینک حضور محترمنه
 قدار کیتدی . اوزاتیلان الی یدتقدیسنه آلدی . دمندن
 کندینه عشقک ال لذیذ کوثرینی یودوم یودوم طاتدیران
 اومقناطیسی لطیف بشریه دوداقلرینی بودفعه ساخته بر
 اوغل حسن ریا کار یله یاپشدردی . آن تماسده هرایکیسنک ده

یوزلرینه خفیف برقیزارتی کادی . بربرینک لرزش
جنایتلرینی طویدیلر . قادین رولنی بویوک برمه‌مارت
واغفال تامله اوینایوردی . یوزنده کوریلن صاف، صمیجی
عفیف تدممه عزیر شاشدی . بروالده آغیرلغیله اؤپدردیکی
آلنی صوکره، دمنسکی عاشقی و شیمدیکی اوغلنک اوموزینه
طوقاندیره رق اوننی اوقشایه اوقشایه :

— برخوردار اول اولادم ...

جمله‌سنی اوقادار آغزینیه یاراشدیره رق سویلدی که
بونک پک ماهرانه برریا اولدیغندن عزیر بیله شهبه‌یا
دوشه‌رک :

— خایر والدم اولمه ایسته‌مم . بنی دایما دمنسکی
جنت عشقکده یاشات ...

اعتراض واسترحامیله باغیرمق ایسته‌دی .

بومنظره‌نک فجاعت حقیقیه‌سندن بی‌خبر بابانک کیفندن
شیشمان قارنی تیتیره‌یوردی .

۱۱

اختیار باباسنه واروب کنج ارغلیله زفاف اولدقد
صوکره . بیکنازک اسکی خیرچینلغی یاتیشدی . شعیب افندی

برشی آکلایه مادینی بوتبدله شاشیوردی. کندینی اختیاره
سه و دیروب اویدرمکده اوبدبخت زوجك دلخواهی
قادر مطیع برقادین اوله مامشدی. قوجه سنه قاریلیق
ویرکولرینی تأدییه ینه آره صره شاخلا نیوردی. فقط
بوعصیانلری ناقابل تحمل اولان اسکی شدتی غائب
ایتمشدی. دنسرلیک قیاباردینی زمان افندی آرتق اونی
یاتشدرمه نك اصولی بولمشدی. همان اوغلنه مراجعتله:
— آنالك ينه عصيلاشدى هايدى كيت سينيرلريني
ياتيشدر ..

امیرنی ویریور، مخدوم بك بعضاً پدر افندینك
کوزی اوکنده والده لکنك اوطه سنه کیریور. قاپی بی
قاپیور. اونك اعصابی کوزلج، آهنگ ایدیور، آتشی
آلیوردی. حقیقت حالدن بك غافل اولان زاواللی بابا
اوغلنك بوموفقیتمدن چوق ممنوندی. بومزاجکیرلکك
سیرنی کشفه اوغراشیور لکن آکلایه میوردی.

تاهلندنبری افندینك مراقفی جاب ایتدی قیاب
جانی صیقان برحال بوقوع بولویوردی. سو قاقده
طانیادینی بعض کیمسه لر قومیسو نچی بی بربرینه کوستره رك
معنالی معنالی کولوشیورلردی. بواسرالی باقیشمه لرک،

مستھزی کولو شملرک اوکنده افندی برقاچ دفعه سینیرلندی .
ایضاحات طلب ایتمک ایستهدی . مشنوم بر مجھولیتک
آغیرلنی قارشیسندہ باشی دوندی . صورمایہ جسارت
ایده مدی .

برکون لوقطہده ، یانی باشنده کی ماصده ینہ بویله
کولوش-مہلر و صوکرہ فیصلیدیلر اولدی . افندی بوتون
دقتیلہ قولاق قابارتہ رق شوسوزلری سچہ بیلدی :

— کیم او ؟

— سرونازک مشروع دامادی ...

— صاف برآدامہ بکزییور ...

— بیلہ رکمی آلمش ؟

— بوتون استانبولک معلومی اولان برشی بواقندینک

مجھولی قالہ بیلیرمی ؟

— عیلامہ برادر . بویاشده کنج قادین فیرطنہ سنہ

طوتولان برادرکک ہربلایہ قاتلانیر .

بوسوزلری ایشیتن افندینک یدیکی یمک بوغازینہ

تدبیح دانہسی کی دیزیاییور، آشاغی اینیوردی . فلاکت

بوقادار ایلہده قلمادی . سوققدمہ ، اورادہ بورادہ ہیج

اشنانلى بولونما دىنى كىمىسىلەرك ايهاملى سىلاملىرىنى
اوغرايوردى .

بركون داندىنى بىكلىرىدىن بىراقىدىنك يولنى كىسەرك
جراتتى :

— نەوقت بر آقشام برلەشوب دە برا كلنجە ياپە جىز؟
دىمىكە قادار واردىرمىشى . افسىدى باستوتتى
قالدىروب بو كىستاكك قافاسىندە ايگىيە بولمىك فورانى
طوتولدى . لىكن كىفەيتك اولاضابطەيە ، صوكرە غىزە
ستونلىرىنى عكس ايتەسەندىن قورقىدى . ايشلىرىنى براقەرق
باشقەلىرىنىك بويولدى ماجرالەيلە مشغوليتىدن ذوق آلان
كىمەسەلەرك آغزلىرىنى دوشمەكەن چىكىندى .

بويانمىق وچوق بارە صرف ايتىمىكە كىنج بر قلى تىسخىر
قابل اولمايوردى . اختيارلەقە تاب تازە ، ترفندە برقادىنە
صاحب اولمايە چاليشمەنك كورىنور كورونمز ، بىلىنير
بىلىنمز چوق دردىلى ، بلالرى واردى . قادىن كىندىنى
اويلە برار كىكە تىلىكە راضى اولسە بىلە بوموازە سىزلىكى
اغىار چىكە مىور . اورتەيە دورلودىدى قودىلر چىقىوردى .
شەيب افسىدىنك كىنج قادىنە مالكىتى سعادەت شىكىندە
مدەش بر فلاكتەدى . بدبختلىك فلاكتىلەردىن اكلنجە

زمینی چیقارمق، ایشته عالمک سرمایه ذوق ونشته سی...
زووالی قومیسوونجی بردرده کیرمشدی. قورتولوق
ایچون چابالاندقجه بوغازینه قادار کومولیوردی. بیکنازی
ترك ایتک... بوقابل دکل... اونکله وجود وجوده،
بشره بشره یه تماسدن آلدینی لذت دنیانک هیچ بر
ذوقیله مقیس اوله مازدی. قرقندن چوق صوکره اوغرا دینی
بو مرض تنشیره سورمه جک، کندیله مزاره کیده جکدی.
شعیب اقدی ذاتاً کنج قاریسنه هیچ بر قباحث
بولیوردی که. سینیرلیک معذرتیله اونک هریر قباحثی
قاپادیور، هر قصورینی عفوایدیوردی. بوتون کناهکارلق
آناسی اوله جق اوسرونازده ایدی. معصوم بیکناز
ازدواجندن اول هر حقیقتی سویلیدی. آناسنک بوتون
رذالتلرینی اعتراف ایتیدی. حقیقتی بیلمه ینلره قارشى
ناموسنک بویله شبهه آلتنده قالمه سی هپ قاین آناسنک،
ماضیسی سیم سیاه اولان اوقارینک یوززنددی. فقط
بوکون اواسکی یوصمه نك دامادی بولونیوردی. قاری بی
آصا مازدی. کسه مزدی. بیکنازی نکاحی آلتنده
طوتدقجه آناسندن نه قادار قاچسه لفظاً ومادهً اونک
فاین آنالغندن قورتولماسنه امکان یوقدی.

اولی بودردلری یالکز باشنه چکر ایکن شیمدی
بلطف خدا، من غیر مأمول، اوغلی، اوکی والدہ سیله
اوز آناسی درجه سنده ائی کینه رک باباسنک بوفلا کتئی
تخفیفه یاردیم ایدیوردی .

*
**

بیکناز اوغلنک آتشی دراغوشلرندن آلدینی بویوک
لذتک نشئه سیله اختیارک آغیر نفسلی پوسه لرینه دها آز
خیرچینقله قاتلانمایه باشلا یالیدنبری غریب برسوق طیبعی
ایله زواللی آدامده بعض شهه لر پیدا اولدی . اوزرینه
تیترمه رک قوقلادینی بوتازم چیچکدن اوشیمدی آره صره
برخیانت قوقوسی آلیوردی . صانکه کیزلی برسس
بعضی بعضی قولاغنه :

— سنککندن باشقه بر آغیز سوکیلی چیچککک
بوتون رایحه شبانی ایچیور . سکا پوصه براقیور . سن
دائما آرتق یالایورسک ..

سوزلرینی ایچنه اوق کبی ایشله به جک برفصاحتله
فیصلدایه رق قلبی صیزلاتیوردی . بوشبه کندینه نره دن
کلیوردی ؟ بویک مرعج مراقک اضطرار بندن قورتولمق
ایچون بونک یاصحت ویا قوفلانی انبات ایتمک لازمدی .

کندیسندن اول زوجه سنی صیقان قوللارک، اوین دوداقلرک
ایزلربی اونک کوزل وجودنده آرامه یه باشلادی. بر کره
یوره کنسه بویله بر شبهه قوردی کیردی. آرتق اونی
هر کون بر پارچه اویویوردی. لکن اویله قورناز بر قادینک
وجودینی بومهم سری افشایه اجبار پک مشکل مسئله ایدی.
قادین باشدن صاومه بر تسلیمیتله اونک در آغوشلرینه
قاتلان یور، صانکه کیزلی عاشقنک حقوقنه رعایه ناهجرمدن
قاجینیر کی وجودینی صاحب مشروعندن کیزله یور،
ساخته بر شرمسار لقله بو تحف چکینک کلکنی ستره
اوغراشیوردی.

صیجاق یر یاز صباحی بیکناز دوشکندنه یورغانسز
سره سریه اویور ایکن قوجه سی سه ومکه، ثوپمکه، تماشایه
بردورلو دو یامدینی از وجوده ایچنی چکه رک باقیوردی.
اونده اک بپوک صنعت کارلرک، تقلیدینی مرمرلرده کو سترمکه
اوغراشوب اوغراشوب ده موفق اوله مادقلری ونه قازار
چالیشسه لرک اوله مایه جقلری، بر لطافت، بر جنسیت
جاذبه سی، خاقتک فسونکار بر صیجاقانی، حیاتک بوتون
نشئه لرینه منبع اولان بیوک بر سحر تأثیری واردی.
ایشته معبد عشق بوایدی. انسانلرک طایمق حسنی مطلق

برقادين وجودى قارشىسىندە طوئىش اولدقلىرىنە شېھە
 بوقدى. ايشته بو كوزل وجود كىندىك مال مشر وعىدى.
 نىدى صاغ ايكن او كاهىچ كىمسە قانونا صاحب اوله مازدى.
 بوقادار بداهتله كىندىك اولان بونازك ، بلور بدنى
 كورمكدن نەپه راحتسىز اولويور ، اوندىن تلئذە بدل
 شېھەرلە دوشەرك جەنم عذابلى كچىرىيوردى ؟

قادىن ، اويقوسى ايچىندە ، قوجه سنك بو پرستشكار
 واندىشەلى نظرلر يله مانىاتىز مالاتىش كى بىلمە يەرك قىلدادى ،
 وضعىتى دكىشىردى . كىجەلك كوماكىنك كنىش ياقەسى
 آشاغى چكادى . ايكي مە اورتە سنە طوغرى - قومىسيو -
 نجىنك بدىعى توصيفتجە - قايماق وادىسى آچىلدى .
 حريف جغز ممكەن اولسە بونور وجودك او كىندە ،
 تپە سندن شعلەلنەرك طايىنقى ايچون مريم آنا شمعەسى كى
 يانە جقدى . بوتون تعبد روحىسىلە بو بياض ، صاف ،
 براق سىنەنى الله . . الله تەلىللەرى ايچىندە سىرايدىر ايكن
 بر دنبرە اورادە بر عقرب كورمىش قادار دھشتە ندى .
 كوزلرى بو بودى . تىترەدى ، كوردىكى شى زواللى قوجه
 ايچون زهرلى عقربلردن ، يىلانلردن قورقونجىدى . بو ،
 اورايە سولوك كى ياپىشمىش سودالى و كىناھكار بر آغزك

بر اقدینی سیاه بر لکایدی. بر علامت خیانت کبی او چورو کی
 او صداقت سینه یه ایشله یین دوداقلر مر حالدہ کنسینک کیلر
 دکلدی. چونکہ بیکناز بلکہ گندینی کوپکله ابصیرتیر
 فقط زوجه او یله دویہ دویہ قوقلا تمازدی. او نواحی
 ممنوعه یه دیش کچیرہ بیللمہ سی اقدینک نہ حدینہ دوشمشدی!
 لکن نہ مؤلم حقیقت! بدبخت قوجه نک حق مشروعی
 اولان بو جنسانی تارلادہ اوتلایان حرامی کیمدی؟ بو
 مدھش مجهول ناصیل حل ایدیلہ جکدی؟ بویله اضطراب
 آور بر بداهت اوکنده بوپک مشکل وضعیتہ قالان زوج
 نہ یابہ بیلیردی؟ نہ یاپمالیدی؟ همان رہ وولورہی چکوب
 او، نهمیک یرندن بو خائن صدی دلمہ لی، صداقت سزی
 تولدور ویرملیمیدی؟ دھا بوکا مقیس نہ قدر شدتلی
 ومنتقمانہ حرکتلر تصور اولونہ بیلیر سہ پیسی قومیسونجینک
 ذهندن آتش تعایمی کبی برہر سرعتہ کلدی. کچدی.
 شعیب اقدی یاشلی باشلی بر آدمدی. بوکبی بر سودا
 فلاکتندہ یکر می یاشندہ بر عاشق تھوریلہ فوران ایدہ، ک
 یاقق، کسمک، تولدور مک اوکا یازا تمازدی. صوغوق
 قانلیاغہ غودتله عقللی، اوصلودوشونمک و صوکرہ حرکت
 ایتک لازم دی. قاریسندہ کوردیکی خیانت مار قہ سی آچیق

بر بداهت اولمقله برابر بوايشده ينه يا كيلمق احتمالی واردی .
 خیانتك قطعياً ثبوتندن صوكره بایله جق شیئه قرار
 ویرمك موافقدی . لکن بوائبات ده مشكلدی . ایکی
 کشتی آره سنده محرمانه کچن افغان عمومك ناصیل انظار
 ثبوتنه قونه بیلیر؟ قاریسك کو کسندنه کی چوروك، بروشیقه
 خیانت اوله زق حکامك حضورینه جیقه اریله ماز و هیچ
 بریرده احتجاجه صالح بر سند کی ابراز ایدیله مزدی .
 هم بونابت بر نشانه اتهام ده دکلدی . بش اون کون صوكره
 کچه جك ، براری قالمایه جقدی .

شیمدی تهورینه مغلوبیتله ایضاحات طابی ایچون
 زوجهنی تار طائلا یه رق او یقودن او یاندرسه قادین
 شرتلك ایده جك ، زیتون یاغی کی اوسته جیقه جقدی ؟
 اوکا خیانتنی اعتراف ایتدیره بیلیمك نه تمکیندی ...
 دوشوندکجه زواللی آدامك ذهننده مسئله جاتاللاشور ،
 ناقابل حل ، مغلق بیک شکل آلیوردی .

نهایت ویردیکی صوكره قرار شو اولدی : قاری به
 هیچ برشی سه زدیرمکسزین حرکتی تدقیق و تجسس
 ایتمك ، کندیسنی جرم مشهود حالنده یا قه لادقن صوكره
 یاپه جغنی تعیین ایلک ...

قویمسیونجی بوقراری وجهله حرکته باشلادی .
 لکن نتیجه بی اله آلتجهیه قادارسینیرلرینی بیتمز، توکنمز
 صبر و متانتله تسلیح ایتک ازومنی آکلادی . چونکه
 هر کون شبهه لرینی قوتاندیره جک حالله تصادفله متالم
 اولویوردی . بر آره لقی بویدا هتله اورتیه سنده ، نه یایه جغنی
 تعینده اودرجه شاشیردی که رأیندن، معاونتندن استفاده
 ایچون اوغلی عزیزه مراجعت ایتک اضطرارینه قدار
 دوشدی . وینه صوکره آجی آجی دوشوندی . بر بابا ،
 اولادینه :

— کنج قاریمک کوکسندمه بر چوروک کوردم .
 زوجه مله آرمده بر زنیاره خیالاتی وار . بونی یاقالامق
 ایسته یورم . قوزوم اوغلم بکا یاردم ایت ...
 دییه بیلیرمیدی ؟ هر نه دنسه عزیز کنج اوکی اناسنه
 کندینی سه ودرمش ، اونک اوزرینه اوافق بر نفوذ بیله
 پیدا ایتمشدی . بیکناز اونی هپ . طورامان ، نامیله
 چاغیریور ، بره کوکه قویموردی . طورامان آشاغی
 طورامان یوقاری .. سوکیلی قاریسنی ممنون ایتک ایچون
 باباسی ده اوغانی بویله تسمیه ایتمکی خوش بولویوردی .
 بواسم استانبولک بر چوق محله لرینی آنلادی . اوتنه کی

اوه قادار کيتدی. بوتخف تسمیه یی ایلک دویدینی کونی
حسنا خانم قیزدی :

— او غلمه بونامی کیم طاقدی؟ مطلقا بو، طورامانک
نه اولدینغی آیدن آبی یه بیان قیزغین قارینک بری اولمالی ...
اعتراضیه باغیردی. چاغیردی. فقط اوده بوغریب
لفظک جاذبه سنندن قورتوله مایه رق طورامانم کادی .
طورامانم کیتدی دیمکدن کندینی آله مامایه باشلادی .
او یاز بیکنسازى ممنون ایتک ایچون قومیسو نیجی
آرمن کوینه طاشندی . بویوک بر باغ اورته سنده کوزل
برکوشک طوتدی. ابنه نک اطرافى همان بر اورمانجق
حائده آغاچلر ایله محاطدی .

زوالمی شعیب افندی، کورونشده ییوب ایچور ،
یاتوب قالقیور، کولوب سویله یور فقط حقیقته یوره کندن
قانلر صیزیوردی. قاریسنگ هر حرکتی تجسس ایتدجه
شبه لری هر کون دها زیاده بویویور . بداهت درجه سته
وارییوردی . عزم صاحبی اوله مامق بر آدام ایچون
نه بویوک برفلا کتدز .

بونک اک اسلم یولی قاری یی براقوب قورنولمقدی .
لکن بو متانت نروده؟ قاریدن افتراق کندینه اتخاردن

دها اضطرابی، دها، دهش، دها ناقابل اجرا کورونیوردی.
 زوجه سیله کندی آره سنده بر دبلکه بر قاچ عاشق کولکسی
 حس ایدیور فقط او غلندن شه لثمك قطعياً عقلنه کلمیوردی.
 چونکه طینت بشریه بی بودر کده ذلیل کورمکه صفوتی
 مانندی. لکن اوغلی طور امان، قابنده باش قالدیران
 شه بیلانك آزعین دیشلریله باباسنك قانی هر کون
 دها زیاده زهر لثمکده اولدیغنی حس اتمیه باشلامشدی.
 پدری، کنیدیسی و قادین اوچی بر یرده بولوندقلری
 زمان زواللی اختیارک قاریسنه دیکیلن پک دالغین و پرستشکار
 کوزلرنده کی درین المی اوقویه رق اوکا آجیور و صوکره
 بیکنسازک سودا سنده پدرینك کندینه رقیب اولدیغنی
 دوشونه رک قیزیور. بر برینه ضدحسیات ایچنده قیورانیور،
 بوکایور، لکن بی چاره آدامک تقلیل فلا کتی ایچون
 بو مشئوم سهوکیدن فراغتیه بودرلو قرار ویره میوردی.
 عشق بعضاً سائقه اعتلا و بعضاً دله بویه الکدرین حفره لره
 دوشورن بر واسطه سقوط اولویور... بو خودین
 بیکنناز، اختیارک خدرنده هیچ بر عملیه ایله ازاله سی قابل
 اولمایه جق بر سرطان کی کوکلشمش عشقنك قوتی
 بیلیدیکندن اونك اضطرابلرینه پک اهمیت ویرمه یور،

اونی قهری آلتده یاشاته رق کندی محظوظ ومسهود
اولق ایسته یوردی .

طورامان عزیز ایشله دیکی کناھک بویوکلکنی بیلور،
بدرینک اضطراباتندن وجداناً متأذی اولویور ، لکن
دیگر دورلو حرکت ایده میوردی . قادینک بو جنایتی
بک بیقیدانه ارتکابی ده عزیزه باشقه جه طوقونویور ،
بر قنالی وجدان عذابلری ایچنده ایشله می- بو صورت
ارتکاب فعل واقعک وخامتی تنقیص ایده مامکله برابر
هر نه دنسه - اهون شر بولویور ، بو قنالی باباسنه
آجی یه رق پایمه پی کندی لهنده اسباب مخففه دن صای یوردی .
بر کون باباسنی اداره حانه سنده یالکز بولدی . بدبخت
آدام چکسنی آله دایا یه رق پنجره نک اوکنده بک مزعج
تفکرلره دالمش ، صیقینتیدن موص مور مورارمشدی .
کیم بیلیر کنج قاریسی ینه نا قابل حصول هانسی برکیفیتک
اجراسی حقنده کندینه ناصیل شدتلی بر اولتیا نوم
ویرمشدی ؟ اقدی بو پایله ماز شیئک امکان اجراسنی
بولق ایچون ذهنی آلت اوست ایده رک دوشونویور .
لکن ایشی ممکن دکل بر صاغلام قابه قورتاره میوردی .
اوغلی طورامان عزیز ی کورونجه اونکله بر پارچه

در تلش مک احتیاجندن کندینی آله مادی . چونکه در تله ،
ألمله ، اضطرابله طولمش بوره کی آرتق چاتلایور ، طاشیور .
تحملمک فوقه چیقیوردی .

باباسی اوغلنه ، اوغلی باباسنه بر مدت سکوتله ،
دقتله ، درین درین ، باقیشدیلر ، نهایت بابا تظلمکار
بر صدا ایله :

— عزیز بندن سکا بابا نصیحتی .. صاقین اولمه ..
بر اولنمک جهنمه کیرمک .. ایکی اولنمک اسفل سافاینه
اینمک ... اوچنجیسی ، دوردونجیسی ایچون آرتق تعبیر
بوله میورم ...

یدرینک بوکنج قادینله تاهلی کیفیتی هم کندینی
بد بخت ایتمش وهمده عزیزک باشنی تصور اولونه ماز بویوک
بر درده صوقشدی . اوغلی باباسنه یک آجیمقله برابر
کندی موقعی ده یک وخیم بولویور ، اونو یوزینه قارشی
شدتله تنقید ایچون وسیله آرایوب طور ویوردی . بناء علیه
دیدي که :

— کندیکز حکمیله عامل اولاما: یغکز بر نصیحتی
بکا ویریورسکز .

— ايلك تاهلەمدە پك كىنجىدىم ... عقلم بر شىئە
ايرىزدى ...
— يا ايكىنجىسىندە ..؟

بو اعتراضە قارشى پدر افندى برشى دىيەمدى .
ينەدالغىن كوزلرغى پىنجىردن دىشارى يە دىكىدى . طورامان
غىزىر سوزىندە دواملە :

— برىنجى تىجرىبە كىزدن جىدا مەتبە اولمش بولونە ايدىكىز
ايكىنجى تاهلە جىسارت ايدە مىزدىكىز . اختىاق رحم
خستە لغىدن دولايى والدەملە اولان فلاكت ازىدواجىز
معلوم . بو ، حىياتىكزك مىزمن بىر دورە سنى تىشكىل ايتدى .
آلىشلىدى . چكىلىوردى . فقط سىزك اك بويوك خطا كىز
ايكىنجى تاهلىكىز دە اولدى . كىنج ، كوزل بر قادىنىك
بىھار حىاتىلە كىندى خىزان عمرىكىزى قادىشىدىر مىق اىستە دىكىز .
وبوندىن مىسعودىت بىكلە دىكىز . حسابىز طوغىرۇ چىقمادى .
دوئە قادار آغىزىكز ھې او قادىنىك ئىناسىلە آچىلىيور ،
مەئادىيا مىسعودىت كىزدن بىھت ايدىيور دىكىز . شىمدى بوتىھول
سرىع نەدىن ؟ والدەمدىن شىكەت كىزە قارشى ھى كىس سىزە
حق وىرىيوردى . فقط كىندى استىك كىز اىلە كىردىكىكىز

بو ییکی بلا ایچون کیمسه سزه آجیاز صانیرم... بیلیم که
یا کلیشمی دوشونیورم؟..

شعیب افندی، اوغلنک صورتا پک حقلی کورون
بو هجومندن بوسبوتون صیقیلدی. چهره سنک مورار تیزی
آرته رق :

— سندن تسلیتکار برایکی سوزدویمق ایچون آغزیمی
آچدم. بنی بوتون بوتون زهرله دک. اوکی والده کله حسن
امتزاجده بولوندیغک بر کوستربشدن عبارتشم. اوندن
شکایته وسیله آرایورم مشک.

— نیچونینه چارچابوق اوقادینی مدافعه یه باشلادیکز؟..

— بن سکا تاهلدن شکایت ایتدم. اوقادبندن دکل...

— تاهل ایله قادینک باشقه باشقه شیلر ارلدقلرینی

بیامیوردم.

ایکیسی ده ینه صوصدیلر. بابانک چهره سنی پک قازا
علامت یأس قاپلادی. زواللی آدام کوز پیسکارلرنده
دولاشان برایکی دامله نی اوغلنک تنقیدی مواجهه سنده
یره دوشورمامک ایچون صوک و سعیله ضبطه اوغراشیوردی.
باباسنک فلاکتی اونک خبری اولمقسزین حد اعظمی به
واردیران بو اوغل او بدبخت سیانک آلدینی مال اضطرابدن

اورکدی . کندیسک شرعی والده سی اولش بر قادی
عاشقانه دراغوش ایتسی سودا دینلن جاناوارک پنجه لری
آلنده زبون قالمش اولماسدن ایلری کله بر کیفیت جنایه
دکلیدی ؟ پدرینک بوتاهلنده بر جنایت یوقدی . یالکز
موازنه سزلاک واردی . بومدهش سر میدانه چیقیدی
کونی ساده باباسنک دکل بوتون دنیا نك لعنته اوغرایه جقدی .
طورامان عزیز پدرینه قارشى اولان بوبك ملعونانه
وضعیتی بر آرز نظر انصافه آله رق :

— احترامده قصورم اولدیه عفو ایدیکز . جدی
بر اوغل حسیات صمیمیه سیاه سویلدی کم ایچون سوزیمی
غیر ارادی طاشیردم .

اوغلنک جدی کورینن بوتائیری پدره بوتون طوقوندی .
کوز پیکارلرنده دولاشان یاشلری ارتق ضبط ایده مدی .
اوصقاللی قوص قوجه آدام آغلایه رق :

— او غلام حس ایتدی کم کبی حاملدن شکایت بکا
میدان ویرمدک که سویلیهیم ...

— بو یوریکز .. دیکله یورم ...

آدامجغز اوزون بر آه چکدی :

— فلا کتم بک درین . دیدی ...

بوسوزی اوزرینه علاوه آقیتدینی برایکی دامله ایله
 یأسنک بوتون قاره عمقنی کوسترمش اولدی. صوصدی.
 باباسنک کنج قاریسنک صداقتندمه شبههیه دوشدیکنی
 طورامان آکلادی. کونلرجه سورهن هزیمتله، بیک
 استغنا، دورلو استرحاملر نتیجه سنده نادرآ قاریسنی
 قوللری آره سنه آلمایه موفق اوله بیان بوزواللی آدام،
 اونک آتشیلی، کنج برآغوشده پیراندقدن صوکره
 کندی سینه سی اوزرینه دوشدیکنی فرق اییدیوردی.
 فقط هیچ شبهه یوق که بوکیزلی عاشقک کندی اوغلی
 اولدیغنی هنوز بیلمه یوردی. بیلسه یدی طورامانی اوقادار
 سکونتله قارشیسنه قبول ایده مزدی.

عزیزبو حقیقتی درک ایتدی. لکن ملعت بشریه نک ده
 بر حدی واردی. باباسنک بوزمینده کی غافلانه شکایتی
 دیکله مکه تحمل کتیره مهیه جکنی آکلادی. سوزی دیگر
 وادی به چه ویرمک ایچون :

— دمندن تأهل علیهنده بولونیوردیکن :

— نه وعت بولوندم. بوندن صوکره ده دایما بولونه جغم...

— بوادعا کزی حقیقی کورمیورم...

— نیچون ؟

— چونکه تأهل بر ضرورت طبیعیه در . قانونده ،
شریعتده . بونی امر اییدیور . عائله تشکیلاتی انجق
بوسایهده قابل اوله بیلیور . ازدواج اولمایهیدی عالم
بوانتظامی بولور میدی ؟

شعیب افندی درین راستهزایله :
— هانکی انتظام ؟ خروسارله طاووقلر آره سنده
انتظام ازدواج واردر . انسانلر بیتنده یوقدر .
— آکلایه مادم ...

— بونده آکلایامایه جق برشی بوق ، خروس یا قالدینی
طاووقله ازدواج ایدر . بعضاً ایکی خروس دو کوشور .
مسئله بوندن عبارت قالیر . انسانلر آره سنده کی ازدواج
کیفیتی بوقادار ساده می ؟ ادیانک بعضلری وحیدالزوج
اولمای ، دیکرلری تعدد زوجاتی آمر . فقط ازدواجک
بویکی شکلمندهده راحت وسعادهت ایرمش ملتیر وارسه
بکا کوستر . هر کون غوغا ، دائماً دیرلی ، بعضاً جنایت ..
هپ بونلر عشق و ازدواج یوزندن دکللی ؟ دنیاده هر شینه
حاکم یالکیز بر قوت وار ؟ عشق ... قانون ، مانون هپمی
دیرلی ، عشق نه امر ایدر سه عاشق اونی یاییور . یاقانونی
تپله یه رک نائل امل اولویور . یا خود قانونی مقصودینه ،

مقصودنی قانونه ایدرمق یولنی بولویور . هر حق کنندی
 دلخواهی اوزره تقسیره چاره آرایور . یوقسه هر مملکتنده
 یاییلان قانونلرک کمال صحت واستقامتله موقع اجرایه
 وضعلری قابل اوله ایدی شمدییه قادار بودنیا سوت
 لیمانلق اولوردی . هر یرده حکم سورهن نکاحلی نکاحسز
 تعدد زوجاتدر . وحیدالزوج تعبیری همان همان معناسز
 قورولافدن عبارتدر . انسانیت متمدنه اکثریا عالمی
 آوونمق ایچون کله ایله اوینار . و ذهنلری کله اوزرنده
 اویوتمایه ، اغفاله چابالار . سوزیمه اینان اوغلم دنیاده
 اپکی مدهش شی واردر . عشق وقادین ، بوتون اوته کی
 فناقلر ، جنایتلر بونلردن متفرعدر . هر دین ارکاک
 ایچون مشروعنک غیری صورتله بر قادینه تقربی حرام
 ایتشددر . فقط بومنعوعیتی دیکله یین وارمی ؟ ممکن اولمایان
 برشیئی کیم امر ایدرسه ایتسین بهوده در . چونکه
 طبیعت هرشیئه غالبدر . انسانلر یاقاقدقلری قانونلرک
 بر جوق بندلرینی طبیعته درجه موافقتنی دوشونمکسزین
 تنظیم ایتدکلری ایچون ضالادن قورتولامیور . انسان
 دینلن مخلوقک ألنه بر آاز قدرت ونفوذ کچرسه کنندی
 طبیعتدن قوتلی ظن ایدر . یمدیکی هرزه بر اقاماز . بوحد

ناشناهـلغندن دولايي چابوق خرده خاش اولور اما بشريت
 بوضعف و حماقتله چوق او يالاندى . او يالانيور... مع الاسف
 دهـا خيلي مدت او يالانهـجق ... بن قانوني كندى لهما
 مساعد بولدم . آننهـكك اوزرينه اولندم . وجدانا بوني
 بر خيانت تلقى ايدرم . فقط والده كده بويله بر مساعده
 قاتونيهـيه نائل اولسه ايدى بلكه اوده بنم اوزريمه
 باشقه بر قوجهـيه واريردى . مساعد ايله نامساعد ،
 قوى ايله ضعيف دائما مجادله و تعارضده . .
 و بو نزاع بيـتمهـيه جكدرد . چونكه بو كوني قوى
 يارين ضعيف دوشهـ جكدرد . چونكه طبيعتهـ استقرار
 يوقدرد . ديمك ايستهـ يورم كه (شعيـب افندى صاقلاني
 قاريـشديـره قاريـشديـره دوشونهـرك) : اوت ديمك ايستهـ يورم كه
 بن والده كه ايتديكمي بلكه بويكي زوجهـ مدن چكهـ جكم...
 اختيـارك كوزلري بولاندى . تاثيرانتك بوتون
 مدهش حقيـقهـتلريني اوغلنهـ كوسترمهـك ايچون پنجرهـ دن
 ديشاري باقدي . دالدى ...

طورامان عزيز بحكـك كندنجهـ ناقابل تحمل اولان
 بو صحيـفهـ سني قاباـتمق ايچون بر كـريـزگاه آرايهـ رق :
 — اقدام . تا هلك له وعـاينـده ادله آرايوردق .

اولئلمی ؟ اولئمه ملیمی ؟ ... سز مسئلهیه علمدار ایدیگز.

— اومت یئنه اولیلم ...

— فقط ارکک قادینسز، قادین ارککسز اوله میور.

ازدواج اولمازسه هرکس احتیاجات جنسیه سنی مشروءک

غیری صورتده می تطمین ایدم جک ؟

شعیب افندی براختلال دماغیله صارصیلدیغنی کوستر

برتلاشله :

— مسئله نك بونقطه سی چوق نازك ... بیله مم

عزیز ... بیله مم ... تأهلدن بر مدت صوکره یا قالدین

ارککدن یا ارکک قادیندن و یا خودکه هرایکیسی بربرندن

بیقیورلر . تأهل آراده مشوم بر باغ کبی قالیور . مسئله

مدهش بر شکل آلیور . هانکی طرف قوتلی کلیرسه

اوبرینی قهرآ ازدواج زنجیری آلتنده طوتوب کندی

اوتده بیلدیکی کبی ذوقنی اجرادن کیری طورمایور ..

آرتق سنکله بابا اوغل دکل ایکی آرقداش صمیمیتیه

قونوشیورز . بیکناز بکا الی نهایه صادق قالسه بن والده کی

اوبر طرفده براقیر، یکی زوجه مله مادام العمر وحیدالزوج

اوله رق یا شامق ایسته رم .. صاقلامیورم ، خودبینی هرشیته

غلبه ایدیور اوغام ...

— بنده کنز ازدواج حقنده کی عمومی فکر یکزی
بیلیمک ایسته یورم .

— بکاصورار ایسه ک بو خصوصده هر کسک مصورت
مطلقده اتخاق ایده بیله جی عمومی بر فکر اوله ماز .
طبیعته موافق نا موافق قبولنده هر کس ایچون ضرورت
اولان بر فکر اوله بیلیر .

طورامانی ده درین بردوشونمه آلدی بر مدت صو -
صدقدن صو کره دیدی که :

— باباجیم سز اولدن هیچ بو فکر لرده بر آدم
دکلدیکنز .. بو قادر چابوق نصل ده کیشدیکنز ..
سوزلریکنزی ایشیدمن سزی آمریقان مکتبتندن یکی
چیقهش جوشغون فیکرلی برکنج ظن ایدر .

بایاسی بیلیمیه رک اوغلنه بیکنازه قارشی اولان وضعیتی
اجمال ایدیور و طورامانله اوکی آناسنک معاشقه لرینی
معذور کوریوردی . عشق نه امر ایدرسه عاشق اوئی
یاپار . سوزندن باشقه ، معنا چیقار ؟ .. پدر افندینک بو
غافلانه سوزلرینی مخدوم بک ذهن دفتینه برر برر قید
ایتدی . چونکه مدهش حقیقت میداننه چیقدینی کونی
باباسنه بو غریب سوزلرینی تکرار ایله اوئی ینه کندی

فلسفه سبيله الزام ايده جگدی . بناءً عليه دیدی که :

— بابا جغم بك جوشقون دوشونيور سگيز . . جسارتمی
عفو ايديگيز . مادامکه ايکی آرقداش کبی کوروشیورز .
آچیق سويله مکدن چکينميه جگم . بر کون اولوب ده بو
فلسفه کز کندی عليه کوزه دوزر ايسه شو ساعتمه کی
ادعا کزک اهنده ثبات کوستره جگميسگيز ؟
اختيار براز شاشيره رق :

— نه کبی ؟

— دمندن : . بيکناز بکا صادق قالسه بن والده کی
اوبر طرفده براقير يکی زوجه مله ماسام العمر وحيد الزوج
اوله رق باشامق ايستهرم . صاقلاميورم خودبيني هرشيئه
غلبه ايدييور او غام ، بويورمشديگيز . کندی خودينکزه
حق و یرنجه باشقه لرینک کفی ده معذور کورمک لازم کلزمی ؟
قوجه اختيار هيچ دوشونمهدن بوسؤاله :
— های .. های ...

جوانی ويردی . طورامان باباسنک کوزلری ايچنه
بر آرز ديکجه باقه رق :

— بويله بر خودبيني معذرتيله بيکنساز خانمک ده
صداقتدن انحرافنه احتمال ويرييورميسگيز ؟

شعیب افندی تأژدن صاراره رق :

— ای اوغلم ... قادیندر بو... پک کووه نیلمز ...

— بوا حتماً ، الله کوستر مه سین ، حقیقت شکانه

کیردییی کونی نه یابه جقسکمز ؟

اختیارک کوزلری بویویه رک :

• — صوص .. صوص ... بنی شیهدی چیلدیر تیرسک ...

— او یله مشنوم بر کونده ، عشق نه امر ایدرسه

عاشق اونی یاباز ، دستوری سزی متسلی ایده بیله جگمی ؟

شعیب افندینک صارازان چهره سی شمدی موراردی .

بر جواب آرایوردی . اوغلی بویوک بر جرأتله تکرار ایتدی :

— بوسؤالنه وجدانکزدن غایت طوغری بر جواب

ایستهرم .

— بودستور بنی متسلی ایتک دکل بلکه ثولدورور ..

— سزی ثولدوره جک بر سوزک حکمنی آننه مک

علیه تطبیقه نیچون بر قانون طبیعت کبی تاقی ایدیورسکمز ؟

بویله دستورلرک کندی ایه کزده استعمالی خوش کلیورده

بونلر علیه کزده دوندکاری زمانه دن متأثر اولویورسکمز ؟

حق اولان برشی له وعایه دونمکله تبدیل ماهیت ایتمز ..

— حقک وار اوغلم اما انسا نلغک حالی بویله ..

بن بوخصوصده بین البشر بر مستتنا تشکیل ایتیمورم ..
 بز انسانلر هر منفعتی کندی لهمزه، ضرری آخری نایه نه
 چه ویرمه که اوغراشمقله مشغولز. بز قوزوی کسریه رز.
 بوندن متلذذ اولورز. کسیلمکدن زواللی قوزوجغک
 نه قادر اضطراب طویه جغنی هیچ دوشونمه یز... فرصت
 دوشدکجه بر بریمزک علمهنده تعقیب ایتدیکمز دستور
 ایشته هپ بوقوزو نظریه سیدر ...

— مادام که سوز بورالرہ انتقال ایتدی . دوشو -
 ندکاریمک بر قسمی آچیقجه سویله مک ایستدرم . بر قاج
 زماندر سزی قاراللق ، اسرارلی دوشونجه لر ایچنده پک
 مایوس کورییورم . باباجغم کندیکزدن باشقه کیمسه یه
 قباحه بولمایکمز . ایتدیککز بویوک خطانک جزاسنی
 چکیورسکمز.. وظن ایدرم دهاده چوق چکه جکسکمز .
 — طورامان ، بوکون بابا که قارشی نیچون بوقادار
 انصافسز طاورانیورسک؟

— بوجزایی یالکمز کندیکمز چکه یه جک دها بر
 طاقم بیکنه اهرمه چکدیره جکسکمز . . . بلکه
 چکدیریورسکمز ...

— بوشدك معناسنى آ كلا ميورم عزبز... باشقه لرينه نه چكدير ميورم ؟ ويا چكديره جكم ؟

— باباجم بوفلسفه نك كنديكزه خوش كان جهتلرنده يك درينله شيورسكز . ناحوش طرفلرنده صفوتكز طوتويور . سوزم يك ساده ... آ كلا شيلمايه جق بريري يوق كه ... بيكناز خانم كندى دنكى بر كنجه واره ايدى صداقت زوجه دن انحرافنه برسبب ، بر معذرت بوله مازدى . بوبر ... زوجه كز بويله بر كناهى ايشلر ايسه بومعصيته اشتراك ايدمك ار ككك باشنى ده بلایه صوقش اوله جقدر . بوده ايكي ... ديمك بو ايكي معصوم سزك خطا كز يوزندن مجرم اولويورلر ...

زواللى بابا شدت تائرندن اوشويور ، طونويور كي تيترهك چيقان صدا سيله :

— عزبزيك قوتلى ... يك دو برا ، دو برا سوري ليورسك .. زوجه مك صداقت سزلكي حقنده بر ايشتديككمي وار ؟ عزبز بر آرز بوزوله رق قيزاردى . اوغلنك بو عصبي ترددينى كورهن بابا تكرر ايتدى :

— او غلم طور امان عزبز ... ا كروجدانكى تماميله آچهرق بيلديككمي طوس طوغرو سوله مزايسه كسنى اشنع

مخلوقاتدن صایارم: بابالق حققی حلال ایتم ... بنم ناموسم
سنک ناموسک دیمکدر . ا کر بونی آییریور ایسه ک اک
مدهش معناسیله آجاقسک ... باباسنک ناموسسزلغنی
بیلن و صاقلایان بر اولاد ناموسلی اولاماز .. ناممک
کیرلنم سندن سن ده بنم قادار علاقه دارسک . اولاد ،
باباسندن بالکیز پاره میرائی بکله مز . اک مهم انتقال ناموسدر .
بر عائله نک جبهه سنه سورولن بویله بر لکه بوتون اجداد
واخفادیغی کیرله تیر . پک مشکل بر موقعده قالدیغمی
کورویورسک . بوجهنمدن قورتارمق ایچون بابا که بوتون
روحکله ، وجدانکله ، مفکره کله ناموسکله انسانلغکله ،
فدا کارلغکله یاردم ایت .

باباسنک هر آن دکیشن رنکی ، تیره یین دوداقلری ،
کوزلرندن آقان مال اضطراب اوغلنی قورقوتدی . بچک
شدنی بر آز تعدیل ایچون دیگر وادی به سوق کلامه
اوغراشهرق :

— دمندن تأهل علیهنده بولونیور ، بنده کزه بکاراق
توصیه ایدیور دیکیز ... بوزمینده خیلی باشی آچیق فکرلر
صاووردیکیز .

— نه دیدیکمی ییل یورم اوغلم ...

— بعض عادت‌لر واردو . نه درجه علمینده بولونسه کز منی قابل اولماز . ازدواجده اولردن بریدر . تأهل قادینه ارککک برلشمه‌سی ایچون شرعی وقانونی بر شکلدر . بواصولی دکیشدیریر ایسه کز یرینه نه احداث ایده جکسکز ؟

— ایکی دفعه تأهل ایتدم . هرایکینسندمه باشقه دورلو یاندم . اولمک بعض مزاجلره موافق کله بیلیر . فقط چوقلرینه اویمايور . قادینه ارکک آره‌سندمه توافقی ایجاب ایدن اوقادار اینجه نقطه‌لر وارکه بونلرک زیوانه‌سی زیوانه‌سنه ، ییوی ییوینه اویماسی اون بیک‌ده بر بيله تصادف ایتمز . — آم باباجم اولدن بوقادار اینجه دوشونه ایدیکز بویکی بلایه شیمدی کیرمه مش بولونوردیکز . بوقادینه آره‌کزده هیچ بر نقطه‌ده توافقی یوق ...

— نیتیم تأهل دکل اکلنجه ایدی ...

— مساعده بویوریلورسه برشی صوره جغم ...

— سویله ...

— شیمدی به قادار هپ سزدن بحث ایتدک ...

بنده تمام تأهل چاغنده بردلیقانییم ...

پدر اقدینک کوزلری بویویه رک :

- آی سنك ده می بویله بر دردك وار ؟ .
- بونده شاشیله جق نه وار ؟ اوله مازمی ؟
- اوله بیلیر. فقط بو آره لق بنم دردم باشمدن آشقین
- برده سنك ککنی دیکله یه مم . رجا ایدرم باشقه وقته
- طورسون ...
- بویله درد لرک صاقلاندیقه وخامت لری آرتار بابا..
- آ کلات باقه لم نه در ؟
- بن ده بر قادی ن سه وییورم .
- بو همان هر کنجك ایتدیکی خلطدر ...
- بعضاً اختیار لرک ده ...
- نهوت .. قبول ایتدك .. صوکره ؟ ..
- همان سزك درجه کزده یأسلر ، اندیشه لر ،
- اضطرابلر ایچنده میم ...
- الله سنی بکا بکزمه سون ، . بنم وضعیتم چوق فنا...
- بنمکی سزک ککندن بدتر ...
- آمان .. نیچون ؟
- قادی نه قارش ی اولان ضعفم صو ک درجه ده
- اولدینی ایچون .
- متانت کوستر او غلم ...

- قابل دکل ...
- نه دن جانم ؟
- چونکه سزه چکه شیم ... ئوله جکم آریله مایه جغم ..
- ازدواج قابل دکلکی ؟
- خایر ...
- نه مانع وار ؟ ..
- قادین قوجه لی ...
- بدبخت بابا ته دیدکار بر نظرله کوزلرینی اوغلنه دیکه رک :
- نه خلط ایتدک ؟
- نه ایتدیکهی ، نه ایده جکه می بیلمیورم . اخلاق
- بحرانلری ، وجدان عذابلری ایچنده یانیورم .
- بی چاره بابا رنکدن رنکه کیره رک :
- زوجک خبری وارمی ؟
- شم دیک یوق کبی ..
- کیسی نه اولویور ؟
- زواللی آدم فلاکتی قطعیته بیلمیور . فقط
- مدهش شهه لر ایچنده قیورانیور .
- زوج یاشلیمی ؟
- همان سز یاشده ...

شعیب اقدی دووه جک کبی اوغلنک اوزرینه
 صالدره رق آنی بر فوران و بوغوق سسله :
 — عزیز هر خباتی ایشله .. فقط قوجه لی قادینه
 اعلان عشق ایتمه .. بو ، جنایتلرک الک بویوکیدر . مرد
 بر انسان اوغانه یاراشماز .

قومیسو نجی رعشه لر ایچنده دیشلرینی غیجیرداته
 غیجیردانه یومروقلرینی اوغلنک بدنه طوغری صیقه رق
 کیری کیری یورودی . صدالیسه نه ییقلدی . اوطه نک
 هواسی تنفسنه کافی کلپورمش کبی آغزینی آچوب ایری
 ایری صولویارق :

— بر پارچه هوا ... بر آرز تسلی .. ایکی یودوم
 صو ... بایلیورم ...

۱۲

آدامجفزک بو ، بویوک هیجانی نه ایدی ؟ عجبا
 اوغلندن شبه اندیمی ؟ عزیز بونی پک آ کلایه مادی .
 فقط او کوندن صوکره باباسنک یاننه کیتمه که چکیذور ،
 هله معشوقه سی اوکی آناسنی زیارتدن بوسبوتون قورقو-
 یوردی . بو معاشقه ده بویله کیزلیجه دوام قابلیدی ؟

بو مدهش ، بو مشوم سر ميدانه چيقديني كوني حال
نه اوله جقدي ؟ پدري كنج قاري سني بوشايه جق ، اوغانی
اولادقن طرد ايدە جك .. اك اهون احتمالر بونلردی .
قاري سني اولدورمكه قالمه سي ، ياخود بي چاره آدمه
نزول اسابت ايمه سي فلا كتلري ده غير محتمل صاييله -
مازدی ... بو وقعه مؤله اخلاق عموميه آچيلمش
ايكرنج ، قورقونج برياره دهشتنده ایدی . بونك شيوعيله
عائله لر ينك تپه سندن آشاغی ياغاچق طعن و دشنامه ده
نهايت اولمايه جقدي . بو اويله تميزلنمز بر لكه ایدی كه
طورامان بو سودادن فراغه قرار ويره جك قادار
كوكله ، عشقه حاكم اوله بيلسه ده اونك نحو سه تندن
الی نهايه قورتوله مايه جقدي .

بر ايكي هفته كچدی . كونلرك اشتياقه مروری
عزبرك اوکی آناسنه اولان عشقی بك صبر شكن بر
راده يه كتيريور ، هان هان تحمله امكان براقايوردی .
قلبنده باباسنك فلاكت محبت و ناموسی اندیشه سيله كندی
سودای منحوسی ايكي درين فيتيل كې ايشله يه ايشله يه
دليقانی بو چفته الملك اوجاغنه بر مدت ها ديش صيقدي .
پدري آرتق اسكي خاه سسنه هيچ آياق باصمايور ،

طورامانك آناسى حسناخانم کوپوریور، کوپوریوردی.
زواللی والده سنك حالی ده ایچلر آجیسی اولمشدی .

بر کون طورامانه باباسندن شو خبر کلدی :

« اوغلام اوله جق اوچاقین حریف نیچون بی کورمه
کلیور ؟ بو کون مطلقا کنديسنی بکلیورم . »

طورامان عزیز سینی پک آ کلایه مادینی بو خبره
قارشی بر قاچ :

— خیردر انشاءالله ...

تمیسنی صاووردقن صوکره یوله جیقدی. اداره.
خانه ده باباسنك یانه کیردی بی وقت اونى صوکه ایرلیدی
کونده کی هیجانه نسبتاً سکونتلی بولدی . شعیب اقدی
اوغانی کورنجه باش پارماغنی طابانجه خروسی کی دیکمک
صورتیله یومدینی آلی اوکا طوغری اوزاتهرق .

— براووو طورامان ... طوغریسی چوق خیرلی
اولادمشك ... هفته لر کچور کورونمورسك . باباك
اولدی می قالدیمی ؟ بر کره عقلمکه کتیرمک یوقی ؟

عزیز بر آز متحیر قالدینی بو طغیان تحسره قارشی
بر سوز بوله مدی اونك سکوتی اوزرینه پدری ینه
دوام ایدمرك :

— اویله یا ... قوجه لی معشوقه کله فضله مشغولیتک
بابا کی تخطره مانع اولویور دکل ی ؟
قومیسو نجی اوغلنی تا قارشیدسنه او طور تدقن
صوکره کوزلرینی اوکا دیکدرک :

— قلبده یر ایتمش بر محبتی اورادن چارچابوق سوکوب
آتمه نك پك زور وهان امكانسز اولدیغنی بیلیرم . ایشه
بونك ایچون بر ایکی هفته مساعده ویردم . سنی آرایوب
صورمه دم . بومدت ظرفنده بوقوجه لی قادینك جانیانه
عشقنی قلبکدن چیقارمایه ، وجدانیکی بو پك آغیرلوئدن
قورنارمایه اوغراشدك وموفق ده اولدك دکل ی ؟..
بیکنسزك کنج عاشقی قیزاروب بوزاره رق :

— باشدن صاومه تأمیناتله سزنی اغفال ایتمک ایسته مم
بابا جفم ...

— بونه دیمک ؟

— بویله بر عشقک بویوک بر جنایت اولدیغنی سز
سویله مزدن اول وجدانم بوتون تلغیناتیلله بو حقیقتی
بکا اخطار ایتمشدی ... فقط بعض ایشلرده شئامت اولویور ،
اوله جغه چاره بولونمایور ...

— ضررک ، قسازا

نرسندن دونولسه کاردر اوغلم ... برقانلی ارتکابدن
 سوکره اونى سور کیتسین حالنه قویمق بر نوع اخلاق
 اتخایدیر . کندی عشقهکک آله ولرندن زیاده معصوم
 بر قوجهک ناموسنی ، فلاکت حیاتی دوشونملیسک ...
 — مسئلهک بو نازک جهتی بندن اول او قادین
 دوشونملى دکلیدی ؟

قیزغین بر اسقره اوزرنده ایمش کبی شعیب افندی
 یرنده طورامامیه باشلایه رق :

— قادین آلهک الضعیف بر مخلوقیدر . ارککلکک
 اک بویوک شانی اونلره اویماق وفرصت دوشدکجه
 اخلاقلرینک تقویهنه اوغراشمقدیر ...

— اونلری ضعیف کندی میزی متین ، قوی کورمه یه لم ،
 قادین آلهک الضعیف مخلوقی ایسه ارککلرک اک بویوک
 ضعفلری ده جنس لطیفه قارشى اولدیغی اونوتما یه لم .
 شعیب افندی ک یوره کنده پارلایان آتش یوزینه
 اورده رق قپ قیرمزی بر صوراته :

— اوغام بن فلسفه بیلمم ، مقصدم سنکله بر مناقشه
 حکیمانه یه قالقی شمعده دکلدر . بابالق حقوقی بوتون قوت

و شدتیه استعمال ایدەرك سنی قوجه لی برقادینه مناسبت
عاشقانه ده بولونمق دنا نئیدن منع ایدیورم .

— بو کونکی نقطه دن رجعتم، وقوع بولمش برقالنی
آن لم یکن حکمنده براقه بیلیرمی ؟

— بن اونی بونی بیلیم .. امریمی تکمیل شدتیه
تکرار ایدیورم ... او قادینی کورمه یه جکسک ..
سه و مه یه جکسک .. بندن صوک دفعه آیرلدقدن صوکره کی
غیوبتک ائناسنده اونکله برلشدکی ؟

— خایر ... فقط چکدیکم اضطرابی بر بن بیلیرم
بر الله ...

— سنی جلب ایچون خبر کوندردیمی ؟

— خایر ... چونکه وخاتی اوده آکلایمیش اولمالی ...

— هانکی وخاتی ؟ .. قوجه سی شهیه می دوشمش ؟

— نه وهت ...

بابا اوغل آره سنده آغیر واک شدتلی سوزلر ن
دها هیجان آور برسکوت باشلادی . بر برینک ره حلرینک
اک درین قه نی اسقاندیه اوغراشیرکی بلاتکلم برمدت
باقیشدیلر . او وضعییدن قور تولمق ایچون کویا سمان
سنوحت بکله یورلردی . نهایت پدر :

— بك آتشی كلهلر و كوز باشلريله سنی دعوت ده
ایتهسه او قادینی بر دعا کیدوب کورمه جککه یمین
ایت باقیم ...

طورامان ایده جکی یمینک حکمنه نه درجه یه قادار
رعایتکار اوله بیله جکفی بیلمه یوردی . فقط بو قسمده
بولونماقجه پدرینک ألدن قورتولامیه جفی آکلادی .
زواللی یی اقتاع ایچون اک مؤثره صدری صداسی و کسر ها
ایله اوزون بر یمین ایتدی .

بو تحلیفدن سوکره یوره کنه بر آرزو سر پیلهش
کبی مأیوس پدر فرا حلالدی . شفقتله اوغلنک آرقه سنی
اوقشایه رق :

— بومینک حکمفی اجراده چکه جکک بویوک
اضطرابی بیلیرم . فقط او غلم بو آجی یی ده اونو تورسک .
دنیا ده جفاده صفا کبی کلیر کچر . کچمه یین شیلر یالکیز
وجدان عذابلریدر . ایشته اونلرک بعضیلری مزاره
قدر سوردهر . هر نباتک بویوک بر مکافاتی واردر . سن
سوزمی دیکله ، بر خوردار اولورسک یا وروم ..

طورامانک حزنله استهزا قاریشمش معنیدار ، درین

باقیشی او کئنده اونك باباسی حقننده قلمبندن کچن شدتلی
تنقیدی آکلایان اختیار دیدی که :

— سندن ایسته دیکم بوفدا کارلق و بومتاتی بالئس
کندم نچون کوستره میورم . بوندن دولایی بنی قعیس
ایدیورسک دکلې ؟ لسان تنقیدکله بونی آچیقندن آچیفه
سویله میورسک . فقط بن بومال تمییبی مؤاخذکار
کوزلریک درینلکندمه او قویورم ...

قومیسونجهی کوزلرندن صیزان برقاق تائر دامله سی
کیزله به به یرک :

— بن کندی ضمیمه هر کسندن زیاده لغت ایدرم .
خلقتیمک اک بویوک متغیری بن ایم . . نه یابیم که المده
دکل ... اختیارلقده کی عشققر ، حرصلر قالین کوله سه
اوزرینه چیزلشی کی درین و ناقابل ازاله اولویور . کنجلیک
کوردیه و بوموشاق قلبنه آچیلان حسیات یاره لری چابوق
التیام بولور . بکالغت ایت او غلم . سندن بکلدیکم متاتی
ایشته بن کندم کوستره میورم . سن بویوک فداکارلغکله
باباک کناهلرینه ده کفارت ایتش اوله جقسک . هایدی
آرسلانم ، هایدی او غلام بو آقشام اره ن کوینه بزه . کوشکه
کیدم . کوچوک آننک قاق زماندر دوام ایدن غیبوتشی

مراق ایدوب طورییور : ه طورامانی بول . یاقه سینه
پایدش . بورایه کتیر . خبرسز اولاد آرتق بزی اونوتدی .
کندی بی چوق کوه . جگم کلدیکنی سویله ه دییه بکا
تکرار تکرار تنیه ایتدی .

بوتکلیفک دهشتی قارشینده طورامانک کوزلری
باییلدی . رنجه آتدی . فیریل فیریل باشی دوندی . دوشماک
ایچون اولادیواره دایاندی . صوکره یوزنی ایچی آووجی
آراسنه آله زق هونکوره . هونکوره بر آغلامه طوتدوردی .
بواویله غریب بر تائردی که زواللی دلیقسانلی باباسنک
صفوته می ؟ کندی فلاکت عشقنه می ؟ بیکنازدن کلن
خبره می ؟ نه یه آغلادیغنی بیلمه یوردی . او ، سوکیلی
بیکنازنی آرتق که رمه مکه شیمدی باباسنه ایتدیکی یمنله
سوزویرمشدی . باباسه بسللی مدهش حقیقتی بیلمه یه رک
اونی نقض یمنه اجبار ایدیوردی . شعیب افندی بر آز
آمرانه بابا طور ی آله زق :

— هاه هله دنسزه باق . عزیز بیک اولمه . بیقلی
قوصقوجه حریفه آغلامه یاراشه یور .

— باباجغم تائرمک درجه سنی ، اضطرارمک بویوکلگی
بیلمه یورسکز .

— جانم .. بوقوجه لی قادینی براق. بوقوجه سزینگی
سهو ..

— بویله اکلہ نیر کبی سنویله میکز . براقکنز بنی
کیده یم . تأزیمی ینمک ایچون ایصمیز یرلرده مجنون کبی
کنزینہ یم ...

— ایصمیز یرلرده طولاشیق عشق ایچون بردوا
اولہ ماز. انسان دوشونہ دوشونہ مراق کتیریر. به سبوتون
چیلدیرر ...

— نیمده چیلدیرمایہ جغم نه معلوم ...

— عشقک بودرجه شدتلیسی؟

— صوکره آکلارسکیز ..

— نه یاپه جتسک؟

— چوقی سورمز کورورسکیز ...

— بنی اتخارله تهیدیمی ایدیورسک؟

....

— بوسکوتک مدھش برتصدیقدر ...

— بلکہ ! ..

— دنیاده عشق یوزندن اتخاره قرار ویرمه مش

کنج یوق کبیدر . اکر بو قرارلر هپ فعله کلش اوله

ایدی روی ارض تنهالاشیردی. کندینی ئولدرمك قولای
بر ایتس دکلدر ... فقط انسالک یوره کی بویله بویله
قاییلاشیر . آدام آدام اولور ...

— بومدهش قرارلرینی فعله چیقاران کنجارك
وجودلرینی ده بوسبوتون انکار ایدم منسکریا ؟
— بویله بابا یکتیلرده وار اما ... او سکا بکا کوره
دکل او غلام ..

— بابا کو کلمه کی شدتی بیلمه دیککز بوجهنم آتشیله
بو قدار اوینا میکز رجا ایدرم ...

— قوجهلی بر قادین سه وه چکسهك که بر ... بو بنم
ایچون دها تسلی آوردر ...

عزیزه بر کسیکلک کلدی. آیاقده طورامادی . دوشمر
کی بر صندالیه نك اوزرینه او طوردی . نروده بولوندیغی
کشف ایتمه اوغراشیر ظن اولونه جق بردالغینلقله اطرافنه
باقینو ، قلبنده کی اضطرابك کشافتی کوزلرندن آقوردی .
باباسی او غلنك بو حالنه باقدی . باقدی . تأنك جدیدته
ایناندی . نه و مت اوغلی کوردیکی اجبار اوزرینه عشقندن
فراغته سوزویردیکی قادینی سدتله ، دهشتله سه وییوردی ..
شعیب افندیك یوره کندنی صیجاق بر اولاد محبتی ده پره شیر

کبی اولدی . هر حرفی بر آهنگ شفقتله تلفظ ایدرک :

— طورامان ...

— اقدام ...

— حالکده حقیقهٔ بر فالح کوریورم . بو آقسام

سفی بالکز بر اقام .. بزه کیده لم ...

— آه باباجنم کیده م ...

— مطلقا کوتوره جکم ...

— قابل دکل ...

— اما کوچک آنهک جوق بالواردی . اونک

خاطرینی ناصیل قیره جقمسک؟ یی نوطه لر آلمش . اوقادار

کوزل یانیق هوالر جاوب سویله بورکه کچن آقسام هم

کندی . آغلادی . هم بی آغلاندی ...

دیمک بو افتراقدن بیکنازده یک متأردی . اوده

اختیار قوجه سنک قارشیسنده یانیق هوالرک معذرت

تأزیه کندی عشقنه آغلا یوردی .

قاریسنک تالم افتراقنی شعیک غافلانه افشاسی طورامانده

تحمیل طاق بر اقامدی . ر آغلامه صاغناغیله یرندن

فیرلادی . باباسنک دیزلری آره سنه آتیلدی . بو طغیانی

یک حسن تعبیر ایدمه ین بابا اوغله صارلدی . ایکسی

بر برينك آغوئنده ، صميمى ، صيچاق كوز ياشلرينى
درين بر تائزله آقيدىيورلردى .

ارغان عشقنك نوميديسنه . باباده بيله بهرك
فلاكتنك بويوكلكنه آغلايوردى .

۱۳

او آقشام عزيز بش بوجوق ترهنى برنجى موقع
قوپارتمانلرندن بىنك قطيفه آرقه لعه دايانش ، قطارلك
خفيف صا ، صينتيلىرى ايچنده اطرافى سىر ايدىرك ملاله
بوغولاش غريب بر تعديل تحسرسه ونجيله كيدييوردى .
تموز نهايتى ، نام كاله ايرمش براق ، صيچاق برياز
كونى . كونس نازلارلك اوتلرينى صارارتمش . چامليجه
اتكلرندن اسن بر روزكار تيمور يولنه عموداً ايكي طرفه
اوزانان شوسىلك اوزرندن كشي ف بر طوز قالديره رق
جوار كوشكلرك بايجورلرينى ، آغاج ياپراقلرينى پودره لايور .
همان هر طرف بو صارى پودره ايله مطلقا كورنيور .
تره موقوفلرده طور دجه مرور و عبور قوجا صريقله
سد ايديان جانبى يوللاره ، ايچنه دورت كشي طولمش

وآرابه نك ارتفاعى او كنده كچى قادار كوچولش بر حيوان
قوشولو طليقه لر كلوب بريكورلر ..

هر موقفده يولچيلرينك بر قسمنى رامپه لره دو كرك
دودوك و (تمام) صدالرينه حركت ايدن ترمن نه ساي
أرهن كوينده طوردى . بابا اوغل اينديلر . استاسيون
ميداننده اطرافه باقينير ايكن طور و حيوانلرينك قوشوملرى
پارلايان كنج برآرابه جى تميزجه فيطوتتى اوكلرينه
سوره رك :

— بو يوريكز بك بابا ..

— بوراده ميسك احمد ؟ .

— بوتره نله كله جكككزى مامول ايدرك سزى
بكليوردم .

— يوقايدن ، طوزسز يولدن كيت ...

— أرهن كوينده طوزسز يول وارمى ؟ قوراقلقده
طوز ، صولاقلقده چامور . بوكويك دردينى آرابه جيلردن
صورمالى . تكلركلرك صومونلرينى هر صباح ياغلاسهك
برقاج ساعت صوكره چيتير چيتير قهوه دكرمنه دوزر .
نه آرابه طايانير . نه دوشه مه .. نه اوست باش ... بومايكيتك
صفاسى نره سنده والله آ كلايه ماذق ؟ ..

بابا اوغل فیطونه قورولدیلر . یمش سپتلیری ده
اوکلرینه یرلشدیردیلر . احمد خفیفجه قامچیسنک اوجنی
حیوانلره کوستردی . آرابه استاسیون شوسه سی اوزرنده
چتیردیلی اینجه برسس چیقاره رق حرکت ایتدی . موقفدن
آچیلدیلر . هوادن اینن روزکار یولک سطحخنده کی اینجه
طوزی سانکه آووجلادقن صوکره یولجیلرک صوراتلرینه
صیوا یوردی .

کوشکه یاقلاشدیجه طورامانک قلب چارپنتیسی ده
بو یویوردی . شمدی قادینی کورونجه نه حاللره کیره جکدی ...
او ، کندینک هم اوکی آناسی ، هم معشوقه سیدی . قلبی
اونک عشقیله چارپار ایکن باباسنک حضورنده اوکافارشی
درین بروالده احترامی کوسترمکه مجبوردی . یوساخته
رولی اوینامق زواللی به یک کوچ کلیوردی .

آرابه باغک تخته پارماققلی قاپیسی اوکنده طوردی .
بابا اوغل ایجیری کیردیلر . ایکی طرفه لوانته چیچکلری
دیکبلی اوزون یولدن یورودیلر . خواردا [۱] اقدیلرینک
کلدکلرینی ایجیریدن چار جابوق دویدی . حاولایه رق او

[۱] فرانز لک (لولو) دیدکلری جنسندن بیکنازک یک
سوکبلیسی کوچک کویکک اسمیدر .

خلفه خبر ویریوردی. قادین ارکک خدمتچیلر قوشدیلر.
کلنلرک آلارندن سپتلی آدیله ... حو واردا ، صالحم
دالی کبی توپلو قویروغی هواده تین ، تین اک اوکده
استقباله چیقدی . کوشکده هیچ سس یوقدی . شعیب
افندی صوردی : — خانلر نروده ؟

کنج بر خدمتچی قادین :

— مسافر کلدی . برلکده سوقاغه چیقدیله اقدم ..
— کیم کلدی ؟

— خانم افندیکنک والده سیله صدبرک خام ...

قومیسونجینک چهره سی اکشیدی . واسطه قاریله
بکزمین بویکی مخلوقک اوینه کلوب کیتدکلرینی زواللی
آدم هیچ ایسته مزیدی . فقط چاره وارمی ؟ بری زوجه سنک
آناسی ، اونه کی قدیم دوستلری ی .

بیکناز بعضاً بویله مسافر ایله ، کاه یالکیز باشنه
قوش دینده ، حیدر پاشا چارینه ، چیفته حوضلره ،
بوستانچی یه ، ایچ ارمن کوینه قادار آرابه سیرانی یاباردی .
شعیب افندی ، کستانه آغاچلرینک سرین کولکلری
آلته اوزادلش بانقوبه ایچ صیقینه سیله اوطوردی .
عزیز سوکیلیسیله یوز یوزه کلک تصورینک ویریدی

خاجانه لاقيردى سويابه ميه جك بر حاله كلشدى .
ديكنمه يه پك احتياجي واردى . بابا اوغل بر بريني
آووتقى ايچون آرادقلى سوزلى پك كوچلكه بولويورلر ،
بش اون لاقيرديدن صوكره بحث سونويوردى .

بردنبره خوواردانك سسى باغچه نك اورتە سنده .
چينغراق كبي ثوتدى . چوق كچمىدى باغك پارماقلى
قايسى آچىلدى . يولك اينجه چاقىللى اوزرنده آرابه
تكركلكرينك خشيلتيلرى دويولدى . بيكناز كليوردى .
كوپكى هر كسدن اول اونك قوقوسنى آله رق ورودى
او خلقنه مژده ليوردى . بيكناز بويوك بر قورومله
كوشك قايسىنه قدر آرابه ايله كلدى . آنا قيز يان يانه
قورولش مسافرلىرى قارشىلرينه آيلشاردى .

كنج قادين قلمله وصفى مشكل بر قيافته ايدى .
بر تياترو صحنه سندن اينمش ، اوستد كيشدير مەدن آرابه
يئمىش بر آرتيسته بگزييوردى . اكسه نى ، كوكنى ،
قوللرينى ، آژورلو چوراب آلنده بالديرلرينى ؛ قابل
ارائه هر بر عضوينى آچه بيلديكى قدر آچش وجودينك
بلوريتنى ايلكلرك ، الماسلرك شعله لرينه قارشىدرمش ،
پك آچيق ، بايغين ليون كوفى اينجه البسه سنك ايچنده

بهار سسلرینه بورونمش بر چچك دمتی آندیریوردی
ایک قماشك كوز آلان رقیق دالغهلری آره سندن
بوتون بدنك خطوط اساسیه سی كوره نلره یوتغونمه
کتیره جك بر لطافتله صانكه کوپوریوردی .

صنعتکارانه پك جاذب بر ادا ایله آراهه دن آتلادی .
یوکسك و نارین اوچهلری اوزرنده صالینه صالینه بر
ایکی آدیم آندی . (خووارده) بوتون صویتاریاغیله
خامنك اوکنده صیجرا یوب كوچك كوچك سه ونج
حایقیرمدلریله اونك نوازشنی دیله نیر ایکن بیکسنار آیاغیله
کوپیی ایتهرک :

— شیمدی چکیل جانم .. سندن دها قیمتلیمی
کلدی ...

التفاتیله طورامانه طوغری یورودی . آلی اوزاتدی .
بش آلی یاشنده بر چوجق سه وهر کی یاناغنی نازك
پارماقلرینك قیصقاجی آره سنده قیزار تجمیه قادار صیقه رق
و قوش اوتمه سی بر تافظله :

— خاٹن چوجق . . اوخ . . بویله هفته لرجه
آنه کی اونوتمه یی اوکرن ایشه . یاناغکی بوتون بوتون
قوپارایمی ؟ دیدی .

قازین او قادار سربست ، بی فتور ، شن و شوخ
ایدی که طور امان باباسنک حضور حرمتده بیک اوقشار
کهی بو یک طاشقین سه ولهدن صیقلدی . قوبارلایان
یاناغی ده قوباریلان قادار موراردی .

بیکناز یک شوخ بر قیریمه ایله اینجه بلی اوزرنده
طور امانه طوغری میللنهرک عینی قوش جیویلتیسیله
دوام ایتدی :

— بابا که می قیزدک ؟ بکامی دارلدک ؟ نه ایدی
انفعالك ؟

بو اوقشاعه آلتنده محظوظیتله ، صیقلمه نك قاریشمه .
سندن ترله بن بی چاره طور امان صورولان اوج سؤاله
قارشى ویره جك تك بر جواب آرار ایکن کنج اوکی آنانک
بیقلی اوغلنه ، آغوجوق یاوروم طرزنده کی کوستر دیکی
بو یک هوپیاچه معامله بی هضم ایتمکمی ایتمه مکمی لازم
کله جکمی بر دورلوتعین ایدمه بن زواللی بابا یک قاریشیق ،
شیطانی بر رؤیا کورمش کی « خیردر انشاء الله ، نقرانیله
حیرتدن حیرته دالیوردی .

شعیب افندی خیلی درین برابج بولا قیسيله دوشوندی
دینده ، شریعتده ، اخلاقده اوکی آنا دیمه نك اوز

والده دن همان هیج فرقی یوقدی . قاریسی بو قدر
یوزسز اخلاقسز ، اوغلی بو درجه صویسز اوله بیلیر -
میدی که بویله برفضیحه بی ارتکابلرینه احتمال ویرلسین ..
قادرینک کوکلنده حقیقه بر کوتولک اولسه بو مدهش
آرزوسنی قوجه سنک حضورنده آچیقندن آچیغه میدانه
قویا بیلیرمیدی ؟ اونک بو صمیمی و معصومانه فوراتی
دیگر صورتله سوء تفسیره قالدیشمش اولدینی ایچون
صاف قومیسونجی کندی کندندن اوتاندی . ودرحال
زوجه سنک نشسته اشتراکله اوده اوغلنه هجومه باشلادی :
— طورامان قیزاره بوزاره آریه جی قومروسی کبی
نه دوشونیورسک ؟ آنه که جواب ویرسه که ...

عنیز قادرینک جرأتندن صیقیلدینی قادر باباسنک
صفوتندن ده متأثر اولمایه باشلادی . نهایت :

— بورایه کله بشم کیسه به دارغینلغمدن دکلدی .
کوکلمک بویوک بر ماتمی واردی . اونی کچیریوردم .
بیکناز ایلله بر طوقات اشارتی یاپه رق :

— باق بوبش قرده شی کوریورمیسک ؟ ایندیریرم
والله صوراته که . بوکونه بوکون آنا کم .. نه ماتمی ایمش
او ؟ .. سودامی ؟ .. طورامان راحت اوطور اوطوردینگ

یرده .. سنی بن المله اولندیره جکم . بر طبله اوزرینه
 قرق شمعہ یاقه رق سکا قیز آرامایه چیقہ جنم .. استانبولک
 اک آشفته قیزی بولوب آله جنم ...

شعیب اقدی دیک دیک اوغلنک یوزینه باقره رق :

— اونک قباحی بویوک ...

بیکناز قریتہ رق :

— نه ایش ؟

— یک بویوک ... سویله یئم ...

— الله عشقنه سویله اقدی ..

— چایغنجہ بر عشقلہ قوجہ لی برقادین سه ویورمش ...

قارشیده کی بانقویہ او طوروب بو محاورہ نری دیکلہ یں
 سروناز ایله صدبرک اقدینک اوغلی عاہندہ کی بو افشاسی
 اوزرینه :

— آ آ !

حیرتیه حایقیرہ حایقیرہ آللرینی یوزلرینه قاپادیلر . آرہ
 یرده طولاشان خوواردہ بو چیغاغہ اشتراکله بر قاچ دفعہ
 حاولادی ...

بوایک اسکی او طودراق ، عرضی بوزوق قازی طورامانلہ

بیکناز آره سنده کی (پانیمچی پاقا) پی چوقدن آ کلا -
مشلردی . اوغلونه صولانمهدن اختیار باباسیله بیکنازک
کچینه مه یه جگنی بیلیورلردی .

صدبرك خانم يك ساخته بر عفاف اداسیله :

— آه شیمدی قاریلر قوجه لر . . مطلقا بری
اوته کنی آلداته جق .. اوصلو اوطورانلرینه هیچ راست
کلدم ... بویه اوصانج طبیعتلی ، مایمون اشتعالی اولانلر
حاللرینی بیلوبده اولنمسه لر اولمازمی ! دیدی .

رفیقه سنك بوفلسفه اخلاقیه سنه قارشى سرونازده
بر نمونه فضیلت کوسترمك ایسته یه رك :

— يك مراقایدرم . عجبابودنیاده قاریسنی آلدانان
ارککمی ، یوقسه قوجه سی اوزرینه خیانت ایدن قادیمنی
چوقدر ؟

بیکناز برقهقهه قوبازه رق :

— آمان آنه بوده آما توحاف مراق ها . . ایستاستیق
مدیرینه خبر کوندره لمده بونک ایچون یی بر جدول
آچسین . خیانتی فضلله چیقان طرفه نه مجازات ایده جکسک ؟
صدبرك خانم کنج برقیز کی فقیردایه رق :

— قوجه‌لره بر چفت بوینوز .. قادینلره قافس
آرقه‌سنده اون سنه حبس ...

سروناز مستهزی داسیله دوداقلرینی یایه‌رق :

— اون سنه دکل ، قافس آرقه‌سنده مؤبد حبس ،
او ، مرض اهلی قادینلره مخصوص جزادر ، کافر
اوروصبولره باشقه مجازات لازم ...

بیکنناز استهزالی تبسمی صدبرک خاتمه چهویره‌رک :
— نه‌که لازم به‌قادین ! .. سنی قاحش‌دلر علیهنه
مدعی* عمومی می‌تعیین ایتدیلر؟ اونلره یاپیله‌جق برجزا
واردر . اونیده بن بیلیم ...

هپسی بردن :

— نه‌در ؟

سؤالیله‌باغرایشدیلر . بیکنناز استهزاسنی آرتدیره‌رق :
— پک‌آغیر برجزا دکل ... فقط ؟ ..
ینه جمله :

— سویله .. سویله ..

دیدیلر : بیکنناز :

— بکازلف یاره‌طوقاندیرته‌جقسکیز . بویله‌قادینلری

قوجه لرندن بوشانديروب (کوزلرني زوجنه دیکه رک)
اورتاق اوزرينه اختيار بر حریفه ويرملي !

صديرك خاتم ايماني آكلامامش كي كورونهرك ..
— صانكه بوده برجزامي ؟

بيكناز كوزلرني قوجه سندن آيرمايه رق :

— اوراسني ده بن بيليرم .

صوكره يوزني كوپكه دونهرك :

— بونارلاقيردي آكلاميورلر . بوايشه سن نه ديرسك

خواردا بك ؟ ..

بويله حيثيتسر قاريلرك يانسده حيثيتيله اوينانماسندن
شعيب افندي صيقيلدي . لكن اوياشدن صوكره ، تربيه
دوشكوني بوزوق طاقدن بيكناز كي كنچقاري آلمه نك
تحمل ايجاب ايتدين بويله بك اليم جهتلري اولديغني
دوشوندي . لاقيردي بي شاقيه بوزه رق ديكر وادي به
چو بردي . چونكه قاري اوني بويله حقارتلره قوزو كي
آلشدرمشدي .

*
* *

قادينلر قيافت وتوات دكيشدرمك ايجون ايجري
كبرديلر . چونكه ايكي قوجه قاري ده بايات حسـنـلـرينـه

رواج ویرمک ایچون بویانمش ، طارائمش ، اک پارلاق
رنکلی ایپکلرله کیننمش ، قوشانمشدیلر .

صولر قازاریوردی . او آقشام یئکی طوراماندا کراماً
خوض باشنده قریه نك آلتنده ییه جکلردی . خدمتجیلر
صوفره قورمقله مشغول ایکن شعب افندی بر هفته لق
آیک ، یوصونلی ، طورغون صویک ایچنده یوزهن عکسنه
باقه رق دالمش دوشونیوردی . طورامانک عقلی و کوزلری
هپ اوکی آنا سنده ایدی . باغچه ده کندی کندینه طولاشیر
کبی یاهه رق نظارینی اونک او طه سنک یجره لرندن آییرما-
یوردی . اونی کیزلی بر یرده ، بش دقیقه حق کوره بیلمک
آرزوسیه یانیوردی . چونکه س-ویله یه جکی بک مهم
سوزلری واردی .

صوفره حاضرلاندی . بیکناز بک شندی . آنا سیه
مسافری اختیار دامادله آلا ی ایتک ایچون هبچ فرصت
قاجیرمایورلردی . بک قابا شاقلری بهضاً حد معروفي
کچیوردی . عشق بالخاصه آقشاملری نوبتنی آرتدیران
برخسته لقدر . یالکز بابا اوغل بک درین دوشونیورلر ،
کندیلرینه خطاب ایدیلن سوزلره جبری تبسملر ايله
آغیر دالغینقلر ایچنده جوابلر بولمه اوغراشیورلردی .

يك ختامه ايردى . صوفردن قالقلىدى . شعيب افندى .
 پختىسى كوكسىندە برباغچى قوالتوقلوسى اوزرىنە يىغىلە قالدى .
 مبارك آدامنە قادار مكدراولسە يىكەن التفاتى كسە مزدى .
 بالعكس بويە متأثر زمانلرنە اوفكەسنى معدەسىندىن
 آلىردى . چونكە كىنج قارىسى واردى . دامارلىرىنە
 قوت ادخارىنە مجبوردى .

صوفردى ترك ايدىلرك ھىرى برطرفە چكەمكەدە
 ايكن طورامان، بىكنازمە برايكى كلەك فېسىلدايە بىلمك
 ايچىن ذهنتىن وسىلەلر ايجادىنە اوغراشەرق اللرىنى
 بىقامق بھانەسىلە اوالتندە، آردەلقەدەكى موصولغە طوغرى
 يوردى . زاناً اوكى آناسىدە كوزلىرىلە ھپ اوغلى
 تعقب ایدیوردى . اوكا صابون كوتورمك وسىلەسىلە
 آقەسندىن يورودى . آردەلغك قارانلىنى ايجندە صابونى
 وىرر ايكن طورامان قادىنك اولابىلەكەندىن ، صوكرە
 ايكى قولى وتەكمىل قوتىلە بلىندىن ياقەلادى . خىلى
 مدەنبرى كىزلى توتن تحمر آتشی بردن آلەو آلدی .
 ايكى وجودى صاردى . بربرىنە قلب ایتدى . يارىم دىقە
 ايجندە بربرىنك روحنى صوك يودومنە قاداز موب
 ايجدىلر . مەن ایتدىلر . اومرتبە ايکىسىدە سوزولدى .

بیتدی . بابیلدی . ئولدی . آن پك تهلکه لیدی . وصل ،
برمصادمه فلکبه کبی شدتی نسبتده قیسه اولدی . همان
آرلایلر . یعنی ئولایلر ، دیرلایلر ... عشقك بمث
بمدالموتنه ایردایلر ...

بیکناز ، ویردیکی پوسلرك آتشی یاناقلرنده کوتوره رك
قاچار ایکن :

— باباك چوق يمك یدی . معده طوانغونلغیه او
شمیدی سرخوش کبی صبار .. یاتمغه اوپه که ایرکن
چقمه ... کیجه کوروشورز .

سوزلرخی فیصلدادی . غائب اولدی .
طورامانه بریاغیناق کلدی . دوشماك ایچون باشی
موصانك آینه طاشنه دایادی . دمندن قوللری آره سنده
صیقه رق روحنی روحنه قلب ایتدیکی وجود آغوشندن
قاجشدی . فقط غریب برخرافه حسیه ایله حالا اوآن
لذیدی یاشایه رق قلبی اونك قابی اوزرنده چاریور ،
دوداقلری اونك پنبه یاناقلرینك جان افرا پوسه سیاه
یانیور ظن اییدیوردی .

بونه بویوك ، لکن حظنه دویولماز نه لذتلی ، نه طاتلی
رکناهی . باباسنك حقوق زوجیه سنه ، عرضنه ، ناموسنه ،

عشقنه ، سعادتنه تجاوز ایدیوردی . ثبوت باباسنک...
 اوراده ، باغچه-ه برقاچ آدیم اودهده یمکک بخاریله آغیر-
 لاشه رق قولتوقلی اوزرنده اویوقلایان زواللی باباسنک...
 بدبخت آدام کندیله زوجسی آراسنده برعاشق ، کنج
 بر رقیب خیالی سه زمکده هیچ آلدانموردی . بو بر
 خیالت دکل حقیقتدی . خیالت سه زمکدن اودرجه
 مضطرب اولان بی چاره ، حقیقتک ثبوتی ساعتده ،
 بالخصوص بو عرض دشمنک کندی اوغلی اولدینی تین
 ایتدیکی دقیقه . نه یاباجقدی ؟

طورامان ، جنایتک سیم سیاه ، زیفیری ، جهنمی
 عمقنی کوزلرینک اوکنه کتیردی . تیترده دی . بوملکار
 قادار کوزل ، فقط عفريت طبعی قادینک جنایت
 عشقندن ، بوسودا دوزخندن قاچق ایستدی . کیده جکدی .
 اسیا یوانی طوتدیروب ایصسز ، قاینار چوللرک یانار
 وحشتلرینه کناهکار وجودنی کومک ایچون کوزلرینک
 آله بیلدیکی آفاقه طوغری فرار ایده جکدی .

طورامان عزیز وجدانیله بومدهش جدالده ایکن
 باباسنک قالین وبر آز قیصیق سسی دویولدی :
 — عزیز ... طورامان اوغلم نره ده سک ؟

ندای شفقتیله اوئی آرایوردی .

عزیز آتشی آلمق ایچون یوزینه برایی آووج صو
اوردقدن صوکره سسک کلدیکی طرفه یوردودی . باباسی ،
کوکسنک و پانضالوننک برقاچ دوکمه سی چوزوک ، قوجه
قارنیاه باغچه قاپیسنک اوکنده طورویوردی .
اوغانی کورونجه :

— دمندنبری زرده سک الله عشقنه ؟

— باشمده بر آغری وار . یوزیمه صواورویوردم .

— آنهك زرده ؟

عزیز خنیف برده شه کچیره رك :

— کورمدم ...

اوغلنك بومنی جوابی اوزرینه باشی گوشكك
یجره لرینه طوغری قالدیره رق :

— خانم ... الماسم ... ملکم زرده سک ؟

ایکی کناکار سودالی قارالقدنه بربرینی اوقادار .
شموب دیشله مشلردی که بیکنازتوالت تازمه مک ایچون
آینه نك اوکنه کیتمشدی . اوده یوزینه آووج آووج
صو اورویور ، لکن کوزلرینک آق لرینه قادار یوزینی
یارمش اولان قیزا تی پی کچیره میوردی :

قادرین ممکن مرتبه چهره سنی تنظیمدن صوکره
 آشاغی به ایندی . شعبیب اقدی زوجه سیله اوغلنک
 قوللرینه کیردی . کندی اورته ده ، اونلر ایکی یانلرنده
 باغچه بی طولاشمه به باشلادیلر .

ایکی کنج سودالی آیاقلرخی ، معدمه سی زیاده طولغون
 اختیارک آغیر آدیملرینه اویدوریورلردی .

زواللی بابا لاقیردی بولوب سویله مک اوغراشیر
 جبری برباشته :

— آم بو آقشام نه قادر بختیارم . برقولده سه وکیلی
 قاریم ، اوته کنده قیمتی طورامانم . اونلر بربرندن
 نمون ، بن اونلردن ، اونلر بندن .. بوتوافق مسعودانه
 بویالانجی دنیاده بیکده بربولونماز . بوسمادتی فلسکک
 حسود کوزلری چکمه به جکندن قورقویورم .

آدامجنز بوسوزلری صمیمی سویله یوردی ؟ یوقسه
 آره لرده دونن فاجه نك آجیلغنی آرتدیره رق سه وکیلی
 قاریسیله اوغلندن أوج آلمق ایچونمی ؟ ایکی کنه اعمار
 حقیقی آکلایه مادیلر .

بغیرنه طوغری اینن کوچک آی غمخور برکوزکی

سوزوله رك اوزرلرینه حزن برضیا سربور ، یرلرده ،
آغاچ یاقارلرنده رطوبتلر پارلدا یوردی .

افندی حالندن تشکر زمیننده برقاچ سوزدها صرف
ایتدی . او کیجه کی سعادتلی اطراده آرتق سرمایه سی
توکندی . صوصدی . شیمدی ساده اطرافدن توتن
یاز بوجکلرینی دیکله یه رك اوچی بربرینه دایانه
سسز یورو یورلردی .

باغک تنها بوجاقلرینه طوغری دالدیلر . آره لرنده کی
سکوت کیتدکجه درینه شیوردی . اوچی ده حسیاتی بربرندن
صاقلایه رق کندی حسابلرینه دوشونیور کیدیلر . آرده
برشعب افدینک طولغون صدرندن چقان برتفتیح ویا
هیچقیر یقله صارصیله برمدت دها کزیندیلر .
نهایت اختیار تصادف ایتدیکی برباغچه صاندالیه سنه کندی
براقه رق یورغوناغنه مغلوبیتنی اعترافه :

— چوجقلر .. آرتق بن صفری توکتم . یورویه -
میه حکم . بوراده سزی بکلیورم . هایدی سزطه لاشیکز ...
دیدی . طیقانیورکی صوصدی . زواللی آدام جدیمی
یوقسه اونلری دنه مک ایچونمی بویه سویلیوردی ؟ هر نه
اولوراپسه اولسون بوم ساعده ایکی سودالی ایچون بوبوک

بر فرصدی . اونلر ایشک صدقه کذبہ احتمالی هیچ
دوشونمکسزین همان یوردیلر . بر آز اوزاقلاشدقدن
صوکره وداع افقنه یاقلاشمش آیک خفیف ، واپسین
نورندن قوتولق ایچون آغاچلرک قویو کولکلری ایچنه
قاریشدیلر .

آرقلرندن کندیلرینی تعقیب ایتمهسی محتمل بر چفت
شبهه لی و مضطرب کوزک اوکنندن قاجدقلرینه امنیت
کتیردکن صوکره برر قوللری بر برینک بللرینه ، بوش
قالان آللری پازماقی پازماغه کندلهیلر . دوداق دوداغه
ویردیلر ... هرری بوتون وجودندن صیردیره بیلدیکی
کوثر عشقی اوتہ کینک طوتوشمش صدرینه بوشالدریوردی .
بردنبه بر خشیرتی اولدی . همان چوزولدیلر . دونوب
باقدیلر . برشی فرق ایدمه مدیلر .

بیکنناز صاحبزادی تنظیمه اوضاشه رق :

— چوق احتیاطسزلق ایدیوروز . بزی اوحالده
کورونجه یوزه کنه اینه رک بابا کک تولدوکنه یانمام . .
صوکره عالم بزه لغت اوقور . .

طور امان صارلق ایچون سه وکیلینک بلنی آرایه رق :
— آه نه یاپدیغمی بیلورمی یم ؟ عشقکله سرخوش

آتشکله مجنون کی یم.. بیکناز حقیقتی سویلایکم ایچون
دارله . سن عائله مزك اوزرنده فلا کشتدن قاجیلماز
بویوک بر یانغین ، مدعش بر آفت سماویه کیسک ...
اوچ جانه بردن قییورسک ...

بیکناز سیلکنبوب طورامانک قولارندن قورتوله رقی :

— اوچ جان کیم ؟

— بابامی ، بنی ، آنه می تولدوریورسک ..

— اوچنیزه بردن الله رحمت ایله -ین ..

— بز تولدکدن صوکره سن یاشایاجق یسک ؟

— آ البته .. همده صفای خاطر ایله ... توانک

ایچون کوبکم سزکله باغلبی ؟

— شاقه ایدیورسک ...

— آصلا ...

— متالم اولمازمیسک ؟

— بالعکس نمون اولور ، راحت یشارم ...

— نیچون ؟

— اوچکزندن ده قورتولدیم ایچون ...

— والله لطیفه ایدیورسک ...

بیکناز برقهقهه صالیویردی . طورامان معشوقه سنه

صاريله رق تسکين اولونه ماز بر آچلق و متهای دوداق
حمله لريله اونى اويدى ، اويدى ، اويدى ..

بايغين بر صدا ايله :

— بالله يولکه توله جگم بيکناز ...

— اوغورلر اوله ديدک آ...

— بردورلو طويامورم . سنى چيک چيک .. و تکميلاً

يى به جگم ... بتيره جگم ...

— بوقادار اويور اوله اوغلم بر آزده بابا که براق ..

او آدمجنزکده بر پارچه حق يوقمى ؟

— آم بابامى ؟ .. اوکا آجيوردم . فقط سنى اونسکه

آره مزده تقسيم ايتمک مسئله سنه کلنجه بوناغى کبرته جگم

کليور ... طوتوشمش چيرا کي قيصه قانچدن يانيورم .

سويله بکا، اولک زياته نره لريکي اوپر ... اورالرينى ديلميله

شرطلاييم ..

بيکناز مستهزي کوله رک :

— نره لريمى مى اوبه ر؟ (آووجينک ايچيني کوستره رک)

بن اوزواللى به بوراسنى بيله يالا تمام ...

— بوناصيل قارى قوجه لق ؟

— صوينه تبريد کچينير ..

— فقط بیکنساز جفم .. بابام بوکونلرده چوق
مضطرب .. دقت ایت .. او برشی سزینله مش.

— مراق ایتمه جانم .. بن اوکا زرنیق بیله چاقدرد-
مام .. نه سزینله مش ؟ سنکله بنم آره مده برشیمی ؟

— بیلمم ...

طورامان باباسیله آره لرنده کچن مضحک ، فجیع
مخاوره نی ، یمین کیفیتنی و صوکره اوئی کوشکه کتیرمک
ایچون ایتدیکی اصراری هب بر تفصیل آکلانیر .
قادین کوله رک :

— نه او حالده نه مراق ایدیورسک ؟ منا-بتمزه
دائر بابا کک برشی آکلایه مامش اولدینی حقیقتی ایشه
میدانده ...

— ناصیل ؟

— سندن شبه ایتسه هیچ یاقه کدن طوتوب ده سفی
بورایه کتیریری ؟ و صوکره کیجه ایکه زی بویله یالکز
براقیری ؟

— بزی آلیله یاقه لامق ایچون بلکه قورنازلغندن
بویله مساعد بولونیور ...

— والله دکل ... او مده طولغونلغیله او وطوردینی

برده شیمدی اویویا قالمشدر ... سکا بکا داتر قلمبده
بویله مدهش بر وسوسه اولسه شوساعتده هیچ بر یرده
طوروب اوطوره بیلیرمی ؟

— جرم مشهود حالنده بزی یا قالارسه نه اولور ؟

— سکا بکا برشی اولماز ، نه اولورسه کندینه .

— نه اولور ؟

— یوره کنه اینر . اوبردنیا به کیده ر ..

آرتیق قمر افقه اینه رک فنارینی سوندیریور ، اورته لقه
قسوت کبی بر قرارتی یابیلیوردی . بو قرارتی برده لرینک
بربر اوزرینه ثورتولدیکی باغچه نك بر کوشه سندن شعیب
افندینک قالین وقیصق سسی ایشیدلدی : بدبخت آدام
شویله ندا اییدیوردی :

— سه وکیلی آنا اوغل نروده سکمز ؟ دمندنبری
سزی آرایورم . بنیمی چکیشدیریور سکمز ؟ نه یاپیدیور سکمز ؟
برد بره باصدی ررق فیصلدیکیزی ایشتمک ایسته دم . فقط
اوله بر صاقلانمشکمز که شیطان آره سه بوله ماز ...
طور امان سس ویره رک :

— باباجغم بوراده یز ... جوز آخا جنک آلتنده ..

— اویقوم کلدی . آنه کی کونده ر . یاتالم آرتیق ..

طورامانك اوکی آناسنی بوزیارتی اوزرندن ایکی هفته کچدی. او خانه نك هم اوغلی (تعبیر عفویو یورولسون) هم زنیارمسی اولان عزیز بلك باباسنه قارشى وضعیتی کیتدکجه جنایتکار برغرابت آلبوردی. کوزلرینی شدتله سودا دومانى برودییی وقت دایقانی بوسدای عشقنه برمانیانیزماجینك تلقیناتنه اطاعت ایدر کی مغلوب اولویور، فقط دماغنك طور غونلق، وجداننك وضوح پیدا ایتدیکی آنلرده بوملعتدن بویوک برعذاب دویویوردی. اورایه کیتمدیکی ایکی هفته ظرفنده، پدرینك کیجه باغچده آرقلرندن باغیره رق سویلدیکی غافلانه و معصومانه جمله لر برر جهنم قامباناسی کی قولاقلرنده چینلایور، هاتنی برتأثیر ایله جنایتی اوکا هر لحظه تکرار ایدیوردی.

پدری حقیقی حس ایتشمیدی؟ ایدمه مشمیدی؟ کوستردیکی اوبویوک صفوت جدی میدی؟ یوقسه اونلری آمانسز بردقیقه ده یا قلامق ایچون تبصیه مجبور اولدینی برنوع دسیسه میدی؟

طور امان عزیز بومهم نقطه بی نقطه کسیدره مدیکی
ایچون پدرینک خانه سینه کیتمه کورقویور ، بر فلاکت
وقوعندن تتره یوردی .

کونلر کچدکجه ، تحسری آرته رق عشقی بویودکجه ،
بیکنازک بلور کردنی خاطرده سی مشام افتراقنده مسک
کی توتمه یه باشلادی . بر آقشام بر قاچ آرقداش غلطه
میخانه لرندن برنده ایچدیله . طور امان عزیز ائی جه قافای
طوتدی . رفیق لری نه بومدهش دردندن برشی آچه میور ،
لکن ایچندن مشوم سوداسنک دالغ لری مقاومتسوز
بر غلیانله قباردقجه :

— یانیورم .. آه .. الله

نعره لریله یومروقلرینی دیواره ، ماصیه ، بعضاً
آرقداشلرینک اوموزلرینه ایندی ریوردی .
راقی بینی صار دقجه عقلی آزالدی . جراتی آرتدی .
سر خوشلق دماغندن شویله حکم ایتدی :

— همان شیمدی قالدق . ایلک تصادف ایده جملک
واپوره ، تره نه بین . کندیکی آرهن کوینه آت . کیمسه یه
کورونمندن تنها یرلرده کزین . کیجه قارانلنی باصنجه
باباک صیفیه سته کیر . باغک برکوشه سته کیزان . کوشک

ایچنی ائیدن ائی ترصد ایت. اوراده کی موجودیت کی غایت
اوسته لقلی برواسطه ایله معشوقه که بیلدیر. قادینی باغچه یه
جلب ایت. سینه که چک ...

بو عشق مانیا تیزمه سنک تلقیناتی سرخوشلق جلاسیله
کندینه بک پارلاق برسانحه شکنده کوروندی. همان
حکمنی اجرا ایچون آرقاداشلرینه وداع ایتمکسزین
میخانه دن فیرلادی. واپور، ترهن، آرابه کندینی سمت
مطلوبه آتدی. قارانلغک تمامیله حلوانه قادار قویتو
پرلرده طولاشدی. کیجه هر طرفی سیاه آغوشنه آلدقدن
صوکره قاپنک چینغراغنی توتدرمکدن احترازاً دیوارک
آلچاق برطرفدن پدیرینک باغنه کیردی. دیوار دیبلرینه
سینه سینه اوزاقدن ایجریسنی ترصد ایچون گوشاک
دورت طرفی طولاشدی. خانه نک درین سکوت سکوتی
مراقفی جلب ایتدی. بوتون پانچورلر قاپالیدی. ایچریده
نه سس واردی، نه ضیا .. بیک یازک اوطه سنده ده عینی
ظلمت، عینی سکونت .. بو حاله نه معنا ویریه بیایردی؟
عجبا کیجه یاتیسنه مسافر لکمی کیتدیلر؟

یالکیز، کوشکدن آیری اولان کوچک خدمتکارلر
دائرة سنک پانچورسز پنجره سی اوکنده شیشه سی ایسانمش

براداره لامبسی یانوردی. احتیاطله اوطرفه یورودی.
ایجری باقدی. بوکور، بولانیق ایشینگ بیاض دیوارلره
سربدیکی لکه لردن باشقه برشی کوره مدی. ایجری ده
نه سس واردی، نه انسان ...

دها زیاده حیرتی آرتدی. کوشکی بویله خالی براقه رق
سکنه سی نزمیه کیتمشلردی؟ بوایصسزلق و کیسه سسزلکی
کورونجه، ابدیه نك اطرافنده کی صیق آغا جلغه قادار
یورومکه جسارت ایتدی. بویله یاقیندن خانه نك داخلی
دها اینی تدقیق ایده بیلوردی.

قارانلقده کوزلرینی دورت آجدی. بوتون دقتیه
قولاغنی ایجری ویردی. اوآرملق یاقینندن، قاتمرلی
قویو کولکه لر ایچندن برخشیرتی اولدی. کیجه نك
اوکتافی آرهمندن ایری، جانلی برکتله فیزلایه رق اوزرینه
صالدردی. نه اولدیغنی آ کلامایه وقت اولمادن بوغازینه
ایکی آل یاشدی. بوغوق برسس قولاغنه شوته دیدکار
سوزلری فیصلدادی :

— سس چیقارمه خیت شمدی بوغارم .

وهله اوزرینه صالديران بو قالین وجودك یاقیندن
جهنمی فرق ایدوب سسنی ایشیدنجه عزیز، متعرضك

کندی باباسی شعیب افندیډن باشقه برکیمسه اولمادیغنی
 درحال آکلادی . فقط تعجب و اندیشه سی آرتدی .
 باباسی نه ایچون اوکیجه پوصوده بر آوبکار کی یزلمشدی ؟
 طانی یه رقی اوغلنک اوزرینه آتیلیمشدی ؟ بکلدیکی
 اوغلی میدی ؟ باشقه بریمیدی ؟ عزیز طوتولدیغنی قاپاندن
 تاصیل قورتوله جقدی ؟ باباسنه کندینی بیلدیرملمیمیدی ؟
 یوقسه سیلاکنه رک آلتدن قورتولوب قاچالمیمیدی ؟ موقعی
 پک وخیمیدی . کندیسنه بویله بی وقت و کیزی ، خیرسز-
 لامه باغه کیرمش اولماسنک سبب وعاتی صورولسه نه
 جواب ویره جکدی ؟ بر قاچ زماندر باباسنک اوزرنده
 ره وولوره رطاشیدیغنی ده بیایوردی . اوتک آلتدن سیلکینوب
 قاچیه موفق اولسه بیله آرقه سندن آتش ایدلمک تهلکهنه
 معروض قانه جقدی . قورشون نصادف ایدرسه یا توله جک ،
 ویا یاره لانه جقدی . بو تلولومی ویا مجروحیتیه مدعش
 حقیقه باباسنه آکلتمش اوله جقدی .

بوقیصه وپک فنا آن ایچنده عزیز ، پدرینک قوللری
 آره سنده خفیفجه دمه لیمکله برابر ، نه یاپاچغنه قرار
 ویرمهک اوغراشیر ایکن قوقوسندنی ؟ هر نه دن ایسه ،
 شعیب افندی قیالتمده آغوش خصوصتنده ملوتدینی مخلوقک

کندی اوغلی اولایغنی آکلایه رق بوتون استغرابیله
صوردی .

— عزیز ؟

— اقدم . .

— سنمیسک ؟

— نهوت . .

— بووقت ، بوخیر سزلامه زیارتکک سبینی بابا که
آکلاتمه مجبور اولدیغکی البته یایرسک ..

بویله دهشتلی آنلر بعضاً انسانک دماغنه بویوک بر
انتباه کتیریر . ایشه بوسرعت تفرسله طورامان ، قارانلغه
کومولو کوشکک بوس سز لکنده ، ویدرینک اوساعته
اسرارلی برخاجانله باغچه ده دولاشمه سته ، برفوق العاده لک
کوردی . دوشدیگی وخیم وضعیته قورتولمق ایچون
بلکه طوتونه جق بر دال بولورم امیدیه اوده باباسندن
سؤال ایتدی :

— قاراناق وسکونت ایچنده اویویان شو کوشکک
اطرافنده س سز آدیملرله دولاشما کنزده کی اسراری مراق
ایتدیگی سویلرسم البته سزده بوکا تعجب ایتزسکز .

بو - وَاَلَاكَ جَوَانِحِي يَاوَأَش وَيَرْمَكَ اِيْجُونِ بَابَاسِي
اَوَغْلَنَك قَوْلَاغْنَه اُ كِيْلَهَرَك :

— تَجَاهِلْدَن كَلَه اَوَغْلَم عَزِيْز، آ كَلَادَم . فَلَا كَتِي
بِيْلِيوَرَسَك . اَوْنَك اِيْجُون كَلَدَك . بِي وَقْت بُو كِيْزَلِي زِيَارَتَك
بَاشَقَه مَعْنَا وَيِرَهَم .

عَزِيْزَك بَر شِيْدَن خَبْرِي يُوْقْدِي ... نَه فَلَا كَتِي ؟
اَو، قُوْدُوْرَان عَشَقْنِي تَسْكِيْنَدَن بَاشَقَه بَر مَقْصَدَلَه كَلَه مَشْدِي .
فَقَط اَوَاشْنَادَه صَالِلَا پَاتَا بَر سَوَز صَرْف اِيْتَمَه نَك تَهْلِكَه لِي
اَوَلَه جَفْنِي آ كَلَادِي . حَقِيْقَتَه اِيْرْمَكَ اِيْجُون بَابَاسِي سُوْيَلْتَمَك
لَازِمْدِي . بِنَاءْ عَلِيَه عَزِيْز ، مِرَاقَك وَيِرْدِيْكِي خَلْجَانَلَه
قَلْبَنَك ضَرْبَانْلَرِيْ دِيْكَلَه يَهَرَك سَكُوْت اِيْتْدِي .

شَعِيْب اَفَنْدِي يِنَه آغْزِيْجِي اَوَغْلَنَك قَوْلَاغْنَه وَيِرَهَرَك :
— كَلْدِيْكَكَه تَشْكُر اِيْدَرَم . چُونَكَه بُو آقْشَام بَكَا
چُوْق يَارْدِيْمَك اَوَلَه جَق ... اَوَقَادَارْدَه وَقْتْنَدَه كَلَدَك كَه ...
تَمَام زَنْبَارَه اِيْجَرِي كِيْرْدَكْدَن صُوْكِرَه ...

زَنْبَارَه مِي؟ ... طُوْرَا مَان سَسْنَك اَوَلَا نَجَه چِيَاغِيْنَلِيْغِيْلَه
بُو كَلَه يِي بَاغِيْر مَق اِيْسْتَدِي . لَكْن بَابَاسِي اِيْرِي اَلْلَرِيْلَه
دِرْحَال اَوَغْلَنَك آغْزِيْجِي طُوْتَارَق :

— نَه يَپِيوَرَسَك ؟ . . صَوْص . . تَاثِيْرِيْكَ يِنْمَكَه

اوغراش .. بزم بوراده اولدیغیزی آ کلاماسونلر ..
 اوغلنه بونصیحتی ویرن بابا، کندیسسی تالمدن ایصتمه
 طوتمش کی زانغیر، زانغیر تیتره یوردی. طورامانک اعصابی
 حالا بو زنپاره، کله سنک غلیظ دهشته آلیشه مادی.
 پدری عجباً کنج قاری سنک شدت سوداسیله چیلدرمشمیدی ؟
 بیکناز خانمک زنپاره سی کندیسیدی . بویوک بر عشق
 ایله تولونجه یه قادار سهویشمکه سوزورمشلردی. عزیز
 بک کندیسسی باغچه ده طورور ایکن ایچریده ایکنجی بر
 زنپاره نک وجودینه احتمال ویرمکی عقلار ناصیل قبول
 ایده بیلیردی ؟ خایر .. بو ممکن دکلادی . مطلقا بابا سنک
 شعورنده بر فئالق واردی . صاحجه لایوردی .

پدری اوغلنک بیله کندن یا قالا یوب چکه رک :

— کل سکا آ کلاته یم ... دیدی .

طورامان بودلینک چکدیکی طرفه قورقه قورقه
 کیتدی . شعیب افندی دائما کوشکک قایدیسی ترصد آلنده
 بولوندره جق بر استقامتده یورویه رک آغا جلرک کثیف
 قارالیلری ایچنه سوقولدقن صوکره :

— عزیز آنا که ایتدیکی چکیورم ...

— باباجم فضله لاقیردی یه ، مقدمه یه هیچ لزوم

یوق . طوغریدن طوغری یه ذات وقعه یی، دهشتی ایچنده
یاشادیغمز ماجرای آ کلاتکز ..

زواللی آدام ایری ایری برقاج نفس آلهرق :
— طور عزیز .. بوغولیورم . فناغم کچسین ..
دیدى .

صوصدیلر . پدر افندی هیچتیر یقله قاریشیق کوچك
برسینیر نوبتی کچیردکن صوکره باشلادی :

— برقاج زماندر حالمده پیسدا اولان غرابتلره ،
المیره ، البته دقت ایتمشسکدر .
— نه ووت ...

— قاریمی قیصقانیوردم ...
طورامان سسی تیتیره رک :
— کیمدن ؟

— برعاشق غائبدن ...
طورامان متزاید برهیجانله :
— بوعاشق غائب کندینی سزه ناصیل احساس
ایتدی ؟

— ایشته بوغریب . سویلادیه جکم اینانمایه جقسک ...
صانکه بنده حواس خمسسه مک فوقنده برآلتنجی حس

پیدا اولدی. ایشته بوتون انسانلره تفوق ایتدیکم بوفضله
 حسله، بیکنازک وجودنده کزینن کنهاکار وپک آتشی
 دوداقلرک ایزلرینی کشف ایتدم. قوقوسنی آلام. قاریمک
 عشق بنی کوپکلشدردی. بوکیجه شو ساعته او عرض
 دشمنینک بوباغچه نك حدودی داخنده اولدیغنی چالیر
 آره سندن بیلدیرجین قالدیران بر آو زاغاری قوتیله حس
 ایدیورم. شمدی اونی اختفا کاهندن اورکودوب
 ره وولوریمک قورشونیه قلبندن اوره جنم...

— بوآلتنجی حسکزک صحنه پک کوونمیکز. اونک
 صورت قطعیه بوراده اولدیغنی نه دن بیلورسکز؟
 — کوزمله کوردم. شورادن، باغچه دیوارندن
 آتلادی. آغاجلرک آلتندن طولاشدی. کوشکک قاپیسی
 آره لقدی. ایجری دالدی...

— آلدانیورسکز. باغچه دیواندن آتلیان بن ایدم...
 — سنمیدک؟ عجایب.. نیچون قاپیدن کلورسکده
 خرسز کبی، زنیاره کبی دیواردن آتلیورسک؟
 — عفو ایدرسکز. بنده برشیدن شبهه لندم. شبهه می
 حل ایچون بوکیجه ترصد اجراسته لزوم کوردم. بوبی

وقت وکیزی زیارتک سببی دمندن پک کوزل کشف
ایتمشدیکر . شیمدی نیچون اونودیورسکر ؟

بابا اوغل خلیجانک ویردیکی کسیکلکله صوصدیلر .
بربرینک قلب کومبورتیلرینی دیکله یورکبی ایدیلر .
قیصه برسکوتدن صوکره طورامان صوردی :

— زنیارنک ایجری کیردیکنی کوردیکزده نیچون
تعقیب ایتمدیکر ؟

— ایکیسینی ده جرم مشهود حالنده یاقالامق ایچون...
باباسی طوغربی سویلیوردی ؟ چیلدیرمشمیدی ؟
عزیز حالا بوجهتی کسیدیرمدی . چونکه اونک حالنده
دمندن سویلیدیکنی برآز صوکره اونوتا جق بردالغینلق ،
برغرابت واردی .

شعیب افندی دوام ایتدی :

— اونی باغچه ده یاقالامش اوله یدم عادی برخرسز
طوتمش اوله جقدم . فقط قاریمک دوشکنده ا کسه لر ایسه م
حقیقتنی انکاره امکان قالماز . ارقادار متهمیم که سوزه
نره دن باشلايه جغمی بیله میورم . هپسینی بردن آکلاتمق
ایسته یورم . طور برآز ذهنمی طوبالایه یم .

شعیب افندی افاده سنه برانتظام وانسجام ویره بیلیمک
ایچون دوشونورکن طور امان ده اوغرا دینی حالی محاکمه یه
اوغرا شیوردی . بحیا باباسنک کوشکه کیردیکنی کوردیکی
زنپاره بر حقیقت میدی ؟ خیالتمی ؟ اگر زواللی آدامک
حواس خمس سنه ضمیمه ، بیکنازک فرط سوداسیله ،
حصولی خبر ویردیکی آلتنجی حسی برنوع جنت دکلمه
قاریسنک وجودنده ایزلرینی کشف ایتدیکنی آتشی بوسه لرك
فاعلی کنیدی اوغلی اولدینغی بیلیمسی لازم کلیردی .
نومت بو آلتنجی حسک ، اوکیجه خانهک حدودی
داخلنده وجودینی خبر ویردیکی زنپاره بوسه تون برشخس
موهوم دکلدی . ایشته او قارشیسنده ایدی . اونکله
قونوشیوردی .

باباسنده پیدا اولان بو آلتنجی حس عجیب جنت ،
قوروتتی ، او هام اثری اولسون ، نه اولورسه اولسون
طور امان بوفضله قوتله زواللی آدامک حقیقتی کشف
ایدی ویرمه سندن غریب بر توحشه اورکویوردی .
شعیب افندی ذهنتک موازنه سنی پک بولامایه رق
باشلادی :

— اولاده دکل ، یابانچی به بیله افداسی مشکل

اضطرابات ایچنده ٹولویورم . قاریم بیکنساز قاج زماندر
 کمی آزی به آلدی . آرتق بندن هیچ چکنمه سی، پرواسی
 قالمادی . یانمده سودالسی ایچون اوزون اوزون آهله،
 اوفلر صالیورمکدن صیقلما یور . توجهنی جلب ایتک
 ایچون نه دورلو تبصبلرله ، تمقلرله ، ذتلرله قاتلانسه
 مقابله هپ حقارت کوریورم . بعضاً : « اوف حریف
 یانمندن چکیل ، بوغولویورم . » حقارتیله بنی قوغویور .
 « بندن صیقیلیورسک ، سهودیگک برکنجی وار ؛ دییه
 صوریورم . » — بکابونی ده می اعتراف ایتدیرته جکسک؟
 نهوت برکنج سووویورم . عیبی ؟ بونک ایچون بکا
 حق ویرمه جک بر فرد وارسه قارشیمه چیقسون .. «
 طغیانیه کوپوریور ... زوجه مک نامشروع بر سودا ،
 یاخود سودالر ایله مشغول اولدیغنی اثبات ایده جک آلمده
 چوق دلائل وار فقط بونلرک تفصیلی ایچون شوبولوندیغیز
 مشنوم آنلر هیچ مساعد ، و موافق دکل ... یالکیز بر
 دانه سی آ کلاتیم . بش اون کون اول برکیجه قویون
 قویونه یاتیور ایدک . قاریمی هیچ اویقو طوتما یور ، قره به
 اورمش بالق کی دوشکک ایچنده کندینی اورادن اورایه
 آتیوردی . نهایت صوفه ده کی ساعت بری چالیدی . قاریم

سأتمك بوتك ضربه سی اوزرینه همان دوشکدن قالدی .
 بنجره یه قوشدی . ذاتاً جام آچیق طورییوردی .
 پیشاریده لطیف بر مهتاب واردی . بنجره دن
 اکیلدی . خارجه بر قاچ دفعه باشنی صاللادی .
 بوبله نصف الیلدن صوکره بیکنناز بر یلره می ؟
 کیملره اشارت ویریوردی ؟ آرتیق دایانامدم . بنده
 یاتاقدن فیرلادم . دونن بو سودا دالاویره سنی کوره .
 بیلمک ایچون بنجره یه آباندم . ماهتابک کوموش ضیاسی
 آلتیده آرقه یه طوغری کولکسی اوزامش ایری بر
 کنج کوردم . پاندومیا عاشققری کبی آلی آغزینه
 کوتوروب بنجره یه طوغری بوسه لر اهدا ایدیوردی .
 حریف بسبلی بنجره ده کی باشک ابکی لشدیکنی کورونجه
 همان کولکله ایچنه دالارق صیویشدی . حرکتی ترصده
 جراتمدن طولای قاریم قیزدی . فقط بن قورناز
 طاورامق لزومنی حس ایتدم . کوردیکم حقیقه دایر
 هیچ رنگ ویرمدم . خرسزدن شبه لندی کمی سویلدم .
 اوده : « نهوت بنده باغچه ده بر یتیردی طویدم ده
 قاتدم . » دیدی .

بن بو یالانچی طولمه یی بالایجاب یوتدم . صوکره بکا

اوافق بر خلیجانه صورتی : « برشی کوره بیلدگی ؟ »
 « خیر ، جوابی ویردم . مستریخ اولدی . صوکره
 دوشوندم . اوصباح اودن چیقار ایکن آقشامه کله میه جگمی
 سویله مشدم . لکن خار جده قالمی ایجاب ایتدیرن
 مانع بر طرف اولدی . خانه مه عودت ایتدم . بویله
 کله یه جگم دیوبده کلیشم قاریمک حسابی بوزدی .
 بنم اوده بونونمایه جغمدن بالاستفاده اونک کیجه ایجری
 زنیپاره آلمایه قرار ویرمش اولدیغنه شهیم قالمادی .
 هیچ طور و معامله می بوزمق سزین براق کون کچیردم .
 ینه بوصباح آقشامه اوه کله یه جگمی سویله یه رک اودن
 چیقدم . لکن آقشام آراهه ایله کیزلی یوللاردن کویه
 دوندم . قارانلقده خرسز کی باغچه یه کیردم . برکوشه یه
 کیزلدم . ترصده باشلادم . صوک تره ن زمانی کچوبده
 عودت ایتدیگمی کورونجه آرتیق کله یه جگمه قناعت
 کتیره رک زوجه م عاشقنه خبر کوندرمش اولمالی که حریف
 دمندن بر خیالت کی دیواردن آتلادی . قدومنه آچیق
 بولوندیریلان کوشکک قایسندن ایجری دالدی .

اقدینک سوزلرنده جنتدن ، خیالتدن زیاده حقیقت
 وار کیدی . اونک یرینه شمدی چیلدیرمق نوبی اوغلنه

کلیوردی .. ناصل اولور ؟ باباسنک اوستنه مخدوميله
مرجی فرونه ویردکن صوکره بو بویوک جنایتی
قامرلشدیره رک اوه زنیاره آلق .. خایر .. بونده بر
یا کلیشاق واردی . کندی آتشی دراغوشلرینه ،
پوسه لرینه بوتون قادینلغنک اشتها و حرارتیه مقابله
ایدن بیکناز ، طورامانینک اوزرینه باشقه چیچک
قوقلایه مازدی .

صوکره قادینلی ابلیسلدکن استکراه آور بردرکيه
دوشورمش ، قدسیت عشقی چامورلره بولامش اولوردی .
بیکنازک محبتیه بوصیمی اعتمادیه برابر ایچریده زنیاره
بولونمق احتمالنک بیکده بر حقیقه تماسی بینی کاخان کی
یاقیور ، سینیرلینی پاطلایه جق قدر کریوردی ..
بو تأثرله چکه لری بر برینه اوره اوره باباسندن
صوردی :

— بابا بابا باجغم ...

— نه اولویورسک عزیز ؟ .. کانون نانیده دگیزه
کیرمش کی زانغیردایورسک ؟ ..

— بی بی بیلم ایچم بانیور .. یوره کم طونویور .

— اوکی آناکک عفتسز لکنه سن بندن زیاده می
ما یوس اولو یورسک ؟

— بن کنجیم . تاثرمده دها صاف .. دا دا دها
صمیمی یم ... نا ناموسدر بو !..

— کندیکه کل اوغلم ... بو یکیردیکمز دقیقه لر
تیزه یه جک بر آن دکل انتقام آله جق بر کیجه در ...

— آم باباجیم ، یاگیلما دیغکنزدن امینمیسکنز ؟..

— حقیقت شمدی بللی اوله جق اوغلم ...

— بیکسنار خانم آنه مک اوزرینه بویله بر دنائت

یورمایه ذهنم .. قلم راضی اوله میور ...

— بو مدهش حاله بنم کو کلمده هیج راضی دکل .

فقط ...

— خدمتکارلر دائره سنده کیسه یوق . آشچی ..

باغچی ، اوشاقلر نروده ؟

— اونلر هر کیجه کچ وقته قادار کوی قهوه سنده

اسقامیل او یوننه دادانمشلر ... قاریم اونلرک بو غیو -

بتلرینه کوز یومویور .

— بز شمدی نه یابه جغز ؟

— حریفلر کلسونلر . او طه لرینه کیروب نظیارسونلر .

— یا او زمانه قادار عاشق مفروض صیویشیرسه ؟
 مفروض دکل ، موجود ... قورقه صیویشماز ..
 اونلر غیوبتمک هر دقیقه سندن صوکه امکانه قادار استفاده
 ایتک ایستلر . بویله فرصت هر زمان آله کچمز . حریف
 آنجاق صباحه قارشى دفع اولور .. اوزرکده سلاح
 وارمی ؟

— خایر ...

— ایشته بو فنا .. نیچون بویله احتیاطلر کلدک ؟
 — ماجرانک بویله آلم بر رنک آله جغنی تخمین
 ایده مزددم ..

— بنده تک بر ره وولوه وار ...

— نیتکنز نه در ؟

— ایکسنى ده تولدورمک ...

— جرم ثابت اولمادجه انتقامده عجله ایتیکز ...

— طیبی ... بوکى احوالده قانونک زوجه

ویردیکی صلاحیتدن تاممیله استفاده ایده جکم .

بو ائنده باغ قایبى چینگیردادى . اوشاقلر یاتمايه

کلیورلردى .. بابا اوغل موجودیتلرخی سه زدرمه مک

ایچون آغاجلرک آره سنه سیندیلر . حریفلر یورودیلر .

داژمه لرینه کیردیلر . آرمه لرنده قابا صابا آل و آغیز
شاقه لری دویولویوردی . چوق سورمه دی . ایشیق لری
سونوب سسلری کسیدلی .

بابا اوغل ینه یاولاش یاولاش قونوئمایه باشلادیلر .
طورامان سورویوردی :

— ایکسینی بر آرمده ناصیل یاقالایه جقسکز ؟

— توالت قاینه سنک هم یاتاق او طه سنه ، هم
قوریدوره قاپسی واردر . آناختار غائب اولمش ، قاپی
کلیدلی قالمشدر . قادینلر اوده یوق ایکن مایمونجقله
بو قاپیی بر چوق دفعه آچوب قاپامای تجربه ایتدم ،
موفقیت حاصل اولدی ...

— بنده بو کیجه بورایه بویله بر شه اوزرینه کلدیم .
لکن قلم دائما بیکنازک معصومیتنه شهادت ایدیور ...
— حقیقتک ثبوتنه چوق وقت قالمادی .

— یا ایجری ده کیمسه بی بوله ماز ایسه ک ؟

— اویم دکلی .. کیج قالمش ، اوزما کلش ، قاریمی
راحتسنز ایتمه مک ایچون توالت قاینه سندن کیرمش اولورم .
بابا اوغل قونوشه قونوشه نصف الیلی کچیردیلر .
باصقین آنی یاقلاشدقچه خاجانلری بویویوردی . شعیب

افندی بك شدتلى قرارلر ويرييور، بر آرزو كره دونويور،
ايلك سويلديكسناه اويماز افاده لرده بولونيور، بمضاده عاداتا
صاچه ليوردى .

طورامان ، عقلى كاه كلوب كاه كيده ره بگزه ين يو
زواللى آدامك ادعالرنده قاج قيراط حقيقت بولونديغنى حالا
بك ابي كسديره مه مشدى . بيكننازك بر دانه جك عاشقى
واردى . اوده كنديسيدي . باباسى عاشقك وجودينى
طوغرى حس ايدويور ، لكن اونك تعين هويتده
يا گيلبوردي . پدرينك تصور ايتديكى يابانجى افتاده
يالكنز اونك وهمنده موجود ايدى . حقيقتده بويله بر
شى اوله مازدى .

هنر يز ، بر فكر ثابت شكنده ذهني قابلامش اولان
بو قناعتي تاثيريله باباسنى بوكيجه باصقبى نيتندن واز چيرمه
چوق اوغراشدى . موفق اوله مادي .

كيجه سرينله دي . اطرافه خفيف بر رطوبت
ياغيور، كوكان قويو زمينى اوزرنده ايريلي اوافاقلى بيلديزلر
شمشيرك طاشى پارتيسيله ايشيق صاچبورلردى . وقت
ايلريله مش ، قورد ، قوش اويومشدى . لكن كيجه نك
بو درين نايمتنى اخلال ايدن مخلوقات ليله ده واردى .

آرمده بر قارانلغك اسرار و قورقونچلغنى آرتدیران بايقوش
 هوو هوو لری دویولیور ، قایش طاغی جهتنك ایصسز
 بایرلری باغیرندن وحشی بر حزنله جاقال اولومه لری
 کلیوردی . بابا اوغلک آرتق قارانلغه آلیشمش کوزلری
 اوکنده یراصه قوشلری سریع زیقزاقلریله قارانلقلمه
 دالوب دالوب حقیقمقده ایکن شعیب افندی کیجهنك
 مشئوم بر مفسری صایدیغی بو اوغورسز صدالردن
 یراصه لردن اورکه رک نه یایه جغنی اونوتمش کبی دوشو .
 نیوردی . او شیمدی همان بش اون دقیقه صوکر ایکی
 جانه قیه رق قاتل اوله جقدی . نهایت :

— وقت کلدی . ناصیل ایده جکمز ؟ دیدی .

— ناصیل ایده جکمز داتر مقرر هیچ بر فکرم

یوق ... سز بیلیرسکمز ...

بیکننازک بو ایکی افناده سی خرسز آدیملریله کوشکک
 اطرافنی دوره باشلادیلر . ایچری یه سسسزجه کیره .
 بیله جک مناسب بر یر آرایورلردی . اینیهنك آرقه
 جهتنده اوفاق بر قاپی و بونک اوزرنده مربع کوچک
 بر پنجره واردی . شعیب افندی پنجره نك ارتفاعنی کوز
 یوردامیله حسابلایه رق اوغلنه یواشجه :

— عزیز ، سکا اوموز ویرسه‌م بو پنجره قادار
چیه بیلیرمیسک ؟

عزیز یوکسکلکی برمدت تخمیندن صوکره :
— چیقارم .. دیدی .

باشفی و قوللرینی ائیه‌یه دایه‌رق اختیار برآز
اکیلدی . عزیز ، باباسنک اوموزلرینه چیقادی .
پارماقلرینک اوچلرینه باه‌رق اوزاندی . پنجره‌نک ایچ
پروازینی یاقلادقدن صوکره :
— جام آچیقمش ..

— اوله ایه یوقاری طیرمان . پنجره دن ایجری
کیر . کندیک پک یاواش آشاغی براق . مردیوه‌نه این .
ایجریدن اوصولجه بکا قابوی آچ...
عزیز بو تعایمه حرفیاً تبعیتله باباسنه قابی بی آجادی .

* *

دیشاریدن بویه خرسزجه اوه کیریایر ایکن ایجریده
باشقه قومدیا دونووردی . بیکننازک دوشکنده ، اوکیجه
شعیب افدینک خانطال وجودینک بوش براقدینی یرده
حقیقه نارین برکنج یاتی-وردی . قومیسینجینک
احتیاطکار زوجه‌سی ، طورامانک کوزل متره‌سی ،

خواردای قوریدوره نوبجی بر اقصدی . فاحشه قارینک
بو سه وکیلی کوپکی او قادار حساس بر حیوان دی که
باغچه ده کله بک اوچسه حاولاردی .

او کیجه خواردانک جداً وظیفه سنده مقدم بر
نوبجی کی قوریدورده بر آشانی بر یوقاری قوشه رق
دیوارلره حمله کوستیر برشدنله حاولاماسی بیکنازی
قوشقولاندردی . مع هذا ایلک درآغوشدن صوکره
فرط تلذذدن بایلمش کی سودا یورغونلنی کچیرن ،
قوینده کی زنیاره سنی اویاندرمغه لزوم کورمه یه رک
اوصولجه قالقدی . جامی آجیق پنجره نك پانچوری
آره سندن باغچه بی نظر معاینه دن کچیردی . بر چیره ک
یکرمی دقیقه مدت دوام ایدن بو تدقیق ائناسنده ،
أوك اطرافنده ایکی قارالتی طولاشدیغنی فرق ایتدی .
و بو قرالتیدن برینک ا کفی بونی تمامیه قوجه سنک
قابا جته سنه بکرتدی . او زمان ، دوشکه زنیاره سنک
یاننه دوندی اونک بر آرز ترله مش ، پنبه لشمش یاناقلرینه
ایکی دفعه کندی کل دوداقلرینی یاشدیره رق :

— روحم ... ضیاعم قالدق . . قوجه م کلمش .
باغچه ده طولاشیور . بزی باصمه یه حاضر لانیور . دیدی .

ذاتاً سودا دوشکننده يك مستريح اولمايه رق قوش
اويقوسى اويويان سوکيلي ضيا بوتهلکه اخطاری اوزرينه
همان قاریوله دن آشاغی آتیلدی . بویوک بر شاشقینلق
و تلاشله کینمک ایچون البسه لرینی آراشدیرمایه
باشلادی .

قادرین چپلاق قوللربی ضیا جغنگ بوینه طولایه رق :
— تلاش ائمه ایکی کوزم . . . قوجه شیمدی
سسسزجه اوه کیره بیلیمک ایچون بر پلان ترتیبیه
مشغول . او ، بوکا بر قرار ویرنجیه قادار بن سنی
سکسان دفعه صاقلارم .

همان آنادن طوغمه عربان بولنان کنج بر آز کیجه ننگ
سرینلکندن ، بر آز قورقودن تتره یه رک :

— نه قادار سرعتی طاورانسهم ینه تمام کینه بیلیمک
ایچون اون دقیقه ، بر چیره ک لازم

— بودرجه تلاشله کینمکه لزوم یوق . شیمدی
البسه لرکه برابر سنی قارشیکی اوطیه کوتورورم . اوراده
راحت راحت کبی نیر ، صوکره الکی قولکی صالایه رق
سربسته چیقار کیدرسک ...

— قوجهك بوراده ، اوڭ ايچنده ايكن بوديديكك
ناصيل اولور ؟

— قوجهم اوله جق اومانغا حريف يانمه كلير كلز
بن اوني خاشلايه جغم.. اويله زهرله يه جكم كه عاداتا كنديني
بيلمز درجه ده سرسمله يه جك . او ، بو اوطه ده ييغلوب
قاله جق . ديشا يده نه اولديغني كوروب آكلايه ميه جق ...
بو كي تهرلكدلي كوروب آتلاتمقده موفقيتكار
وتجربه لي برقادين طوريله بيكناز ، كيجه مسافري ضيا
بكك طاغينيق البسه لريني طويلا دي . وقولندن طوتدي ،
قارشيك اوتله به كوتوردى . اوزرينه قاپوي جكدى . ياتاق
اوطه سنه دوتدى . اورتله ني تنظيم ايتدى . آقشامدنبري
ايچنده سودا فيرطينه لري كچيردكلى دوشكى دوزه لئدى .
كوشه ده ، بو جاقده شهبه يي داعى برانتظامسزلق برامدى .
قاپي يه ينه ايچريدن كيلدله دي . بويوك برسكونته ياتاغنه
اوزاندى . معصوم وعاداتا ملكانه براويقو دالغينلغى آلدى .

*
* *

شيمدى بابا اوغل اك احتزازلى خرسز آديملريه ،
كوپشته يه طوتونه ، طوتونه مرديوه ني چيقورلردى .
قوريدورك صادق نوبتجيسى خواردا اوزرلرينه آتيله رق

بویوک بریایغاره قوباردی. فقط افندیسنی چابوق طانیدی.
خطائی آکلایه رق صوصدی. یالتاقلانمایه باشلادی.
هپ اومحترز، سسسز آدیملر ایله یاتاق اوطه سنک
اوکنه کلدیلر. افندی قولاغنی قانییه وردی. ایچریسنی
دیگله دی. سه واکلی بیکنازک خوابگاهنده طیس یوقدی.
عجبا عاشق، معشوقه بربرینک قوللری آره سنده درین
براویقویه می وارمشاردی؟

پدر افندی آغزینی مخدوم بکک قولاغنه یاشدیره رق:
— سن بورادن آیرله. بن توالت اوطه سنک قاپیسنی
مایمونجقله آچوب ایچری کیره می. حریف بو قاپی بدن
قاچه جق اولورسه صالیورمه صاقین...

تنبیهله اوغانی اورایه نوبنجی دیکدکن صوکره
بوکیجه کندی خانه سنده خر سزرولنی اوینایان اوزواللی
آدم اوته کی اوطه نک اوکنده مایمونجقله قانی آجق هملیه سه
کیریشدی.

قارشیکی اوطه ده وصلت حرارتی اوزرینه باصقین
تیره مسنه طوتولان زنباره بک تلبس ایچون مقتدر اوله بیلدیکی
سرعتله اوغراشدقجه هیچ کینه مز اولویور، قارالقدده
عجله دن پانطالون ظنیه جا کشتک قوللرینی باجاقلیینه

کجیر بیور، طیش کوملکنی ایچ دونی صامق یا کشلقلرینه
 اوغرایور، صاغی صولنی بردورلو بوله میوردی .
 مایونجق اویدی . کلید آچیلدی . افندی آدیملرینک
 سسفی بوغمق ایچون ینکچ واری بریور ویشله ایلریله دی .
 ویاتاق اوطه سنه کیردی . کیجه قندیلنک قیرمزی قارپوزندن
 سوزولان خفیف برضیا اوطه یه « آرتیستیک » بر فجر
 رنگی سرپمشدی . بیکناز بوکلکون نوزک تموجلری ،
 نوازشلری آلتده ، معصوم ، مستریخ میشل میشل
 اویوبوردی . قیصقانچ زوج طوردی . شویله اوطه نك
 درونه برکوز کزدیردی . سکونت وانتظام ایچنده
 اویویان بوتون اشیا هپ لسان حالریله آیری آیری ،
 دوشکده یاتانک عصمت وصفوتنه شهادت ایدیورلردی .
 بوکیجه اومعصوم قادین عاینده ایدیلن شبهه ، حق
 وحقیقت نامنه نه بویوک برکفر ایدی . فقط افندی نك
 برقاج ساعت اول کوشکه کیردیکنی کوردیکی شوده
 نه هیولا ایدی ، نه خیالت ، بونک اوزون بویلو نارین
 بروجود اولدیغنی ده وضوحله فرق ایتمشدی . بی چاره
 آدامچغز بو آقشام شیطانک آکلاشیلماز پر اغفالنه ،

شایسته سندی او غرامشدی ؟ شبهه سی ثابت اولمايخه
 آرتق بوی کناه قادی نه ایله اتهام ایدیه بیلیردی ؟
 قومیسوونجی بوجایت اشتباهی . معصوم زوجه سینه
 سه زدی رمدن ، کلدیگی کی ینه او یله خرسزلامه اورادن
 چکیلوب کیمه بی مناسب بولدی . بودفعه حقیقی برسارق
 کی کورولمکدن ، طوتولمقدن تیتره یه رك کیری کیری
 چکلمکده ایکن بیکنساز باش او جنده ایدیلن پیتیرتیدن
 اویانمش کی کوزلرینی آچدی . قوجه سیله یوزیوزمه کلدی .
 بردنبره اون طانی به مامش کورونه رك :

— آمان آللهم اوکیم ؟ کیجه او طه مده خرسر! ..
 یا یغاره سیله دوشمکن فیرلادی . یا صدیقک آلتنه مان
 آل آتدی . مینی مینی شقی برده وولومر چیقاردی .
 اتش ایدمک کی سلا حک ناملوسنی سارقک بیتنه
 چه وردی . قاریسنک اویقو مرسملکی او غریبه مقتول
 دوشمک تهلمک سینه معروض قالدیغنی کورمن قوجه مالنی ،
 جانی مدافعه ده قایلان کسیان بوجسور قادینک اوکنده
 بویوک بر محجوبیت و طور استرحامه دیزه کله رك :
 — آه ملک قاریجغم ... سلا حی ایندیر . قوجه که
 قیمه ... قارشکده کی خرسزدکل بن ایم .. کوله ک شعیب ...

بيكناز اوموزندن آشافى دو كولش صاچلرينك
هر بر تلنى تهوردن آبرى تيره تهر ك :

— بووقت سسزجه قايمك كييدلرني آچهرق
سارقلر ، جانلر كي اوطمه كيرن سنسك ها ؟ قوجه
اولاجق جاناوار ... مقصدك نه در ؟ ني كيزليجه تولدوروب
قاجه جقميدك ؟

— بيكناز جف .. كنديكه كل .. اوناصيل لاقيردى ؟
•
اويقو باشك ووردى .

— اويقو باشمه وورمادى . تكميل شعوريمه مالكم .
عقلنى ، اخلاقنى بوزان سنسك . . جبكده ما كنهلى
آناختارلرمي وار ؟ اولدن خرسزلق ايتدكمي ؟ كييدلى
قايلردن بوقادار مهارتله ناصل كيريورسك ؟ مقصديكي
چابوق سويله . . ياخود كوزلريمه بردها كورونمه مك
اوزره قارشيمدن دفع اول . .

— آه جانم قاريچم بر خطادر ايتدم .. عفويكه محتاجم ..
— خاير .. خاير .. خاير .. بيك كره خاير .. خطا
بيلمه دن ايشله نير .. سن بوني اولچدك ، حسابلادك . بيله
بيله يادك . مرادك نه در آلقاق حريف ؟ .. عفتمدن ،
صداقتمدن شبهه يدوشهر ك قويغنده زنياره ياقالامق ايچون

بويله سسسزجه كلذك دكلى ؟ الله ايله عهدم اولسون
بو كيجه دوشكمدە ياقلايە مديغكى بر قاج آقشام صوكره
سكا آلكله طوتدرتايم ..

شعيب افندينك ديلي دولاشه رق :

— الله أسيركه سين .. الله أسيركه سين .. آناجنم ..
كنديكه كل . نه فنا لا قيرديلر اولر . سنك ديلكده واردر
اما قلبكده يوقدر بيليرم ..

— احمق آدام هيچ برشي بيلديكلك يوق . هر بر
فتالقي بنم ينمده واردر . قلبمده .. ايچمده ده
طيشمده ده ... آكلايورميسك هبنقه ؟ .. آينه يه كيت ده
صورتكه باق .. بويالي قوقه .. اوزريكه خيانت ايدرسم
بنى كيم عييلايه بيلير ؟ بيله بيله آلذك پزه ونك .. بكا
آدلان صانلان اوروصپو سرونالك قيزى بيكناز ديرلر .
سزناموسكارلغك آينه لى ، اويونجاقلى ، سوسلو طاسمه سى
آلتنده ياشايان انسانلر ... كنديكزه خوش كلن هر قتالنى
ايشلر ، فقط آدينى دكيشديره رك ، كتابه اويديره رق
ارتكاب ايدرسكر . نه وەت بو دنيا بوتون صنيعه ايله ،
كله اويونيله ، بيله رك آلداتمق و آلداتمقله دونويور ..
اختيار زوجه كزك اوزرينه طورونكز يرندە برقيزجغز

آلديغىز زمان وجدانكز سزه هيچ بر عتابده بولونماز.
 بوكنج قادين طبيعتدن حصه تلذذنى ايستهديكى وقت
 ميدانه مدهش ايكي گله چيقاريرسكز: عرض وناموس..
 ايسته سزه معزالرينى ذوقكزه كوره تفسير ايتديككز
 ايكي لغت ..

— قاريچقم هانيسا دولابده قورديال واردى . آم
 بنده قباحث .. نهديسهك حقك وار. چوقاشك حريفم..
 اويقو باشكه ووردى ، سينيرلك فنا اوينادى .

— نهوت .. شدهلى اشششك سك . او قادار
 اشك سك كه اشكلر سنك بانكده بنى آدم كې قالير ..

— جانم هانيسا قورديال ؟

— بكا قورديال ، مورديال لازم دكل .. بوشا بنى
 حريف ايسته ميورم آرتق سنى ..

— آها بنم الماس قاريچقم .. الله كوسترمه سين .
 تولورم سندن آيريله مام ..

او ائشاده ديشاريده خواردا حاولار . بر پيتيرنى ،
 بر فيصاقى اولور .. بيكنناز كوكره مش برديشى مفترس
 شدتيه كوزلرينى استرحامكار قوجه سنك اوزرينه آچهرق:
 — خانم منوحوس سويله .. سنس كايور . طيشاريده

کیم وار ؟ .. برابر پولیس می کتیردک ؟ جاندارمه می ؟ ..
 شعیب افندی ، بر غضب شالاه می کبی کتیردکجه
 جوشان قاریسنگ بو تحقیراتی اوکنده محبوب ، مسکین
 بوزوله رک :

— دیشاریده می ؟ شی .. مخدوم بنده کز .. طور امان
 کوله کز وار ...

— جرمی اثباته شاهد طوتمق ایچون اوغلی ده می
 برابر کتیردک ؟

— عفوایت قاریجیم .. صانکه بو آقشام بوتون
 وقوعات علیهمه اتفاق ایتمش کبی شامته جریان ایدیور.
 بیکناز قارشی او طه ده کی ضیاجفی تخطرله در حال
 بر تهله که قوقوسی آلیر ، فقط طور غضوبی هیچ
 بوزماز . سکز یاشنده بر مکتب چوچنی قورقوتور کبی
 قوجه سنگ صوراته طوغری شهادت بارماغی قالدیره رق :
 — بورادن بر یره قیلدایه جقسک ... کیدوب
 اوغلی آریجه استطاق ایدم جکم . اونی ایقاظ ایچون
 لا قیردی قاریشدرمایه یانیمزه کلیرایسه ک صوکره سن بیلیرسک.
 تهدیدیه آدامجغزی مانیاتیزمالایه رق بولوندینی یره

چپوی له د کدن صوکره همان تو والت او طه سنک قاپسندن
دیشاری قوریدوره فیرلار .

*
* *

یاناق او طه سنده یاووز خرسز او صاحبی باصدیور
مضحکه سی اوینا نیر کن طیشاریده باشقه قومدی دونو یوردی .
قوریدورده کی طور امان باشی قاپی به یا پشدرمش ایچریده
اوکی آنا سنک صاف باباسنه ایچیردیکی غایت آجی ساپازتا
خلاصه سنک سر پینتیلرینه بوتون دقتیه قولاق ویریور،
پدر افندی به می آجیمق ، والده خانمه می حق ویرمک
لازم کله جکنی بی طرف بر محاکمه ایله بر دورلو تعیین
ایده میوردی . چونکه عشق بیکنازی مدافعه ایدیور،
اولادلق حسی باباسندن یانه سویلیوردی . لکن ایچریده
قارینک پک بی ادبانه تجاوزی، پدرینک ذات و مسکنتی
آرتدجه طور امانک قلبنه بویله قاریلقدن قوجه لقدن درین
بر استکرام کلدی . فی الحقیقه شده لی اشششک تلقیلری،
احق پزه ونک تعبیرلری به نیر یودیور تحقیر اتدن دکلدی .
چونکه اولادلق حسیه بومستهجن اسنادلردن طور امانه
بلکده بر حصه شایعه واردی . باباسی کندی پانی هضم

ایتسه ده مخدوم بك حصه سنی آغزنده نه ویریور چه ویریور
قولای یوتامیوردی .

عزیز بك یوره ك چارپنتیلریله بوکیرلی مجادله یه
شاهد اولمقده ایکن قوریدور ك او بر جهشده کی او طه ده
استعجالدن پوطینی باشنه ، فسی آیاغنه کین ضیا بك
قارا کلقدنه تلبسینی اتمام ایتمشدی . او طه دن ده همان اوق
کی فیrolایه رق کندینی طیشاریه آته بیلمك ایچون مناسب
آنی بکلیوردی . اوده بویوک برخا جانله قولاغنی قاپی یه
ویردی . اوی دیکله دی . قوریدورده چیت یوقدی .
یا لکز بیکننازك یاتاق او طه سندن بعض کله لری آکلاشیلیر ،
بعضلری آکلاشیلماز بر مهاتی کلیوردی . بیکننازك
زنباره سی ذهنتدن شویله حکم ایتدی :

— قاری ق . چکیش یورلر . الله دیردیر لرینی
آرتدیر سین . بن بو آقشام طویه طویه نارکیله می چکدم .
کیفهی چاتم . سه وکیلی بیکنناز کیجه یاریسندن صوکره یه
قادر بنم ایدی . بوندن صوکره ده قوجه سنك اولسون .
حق تسلیم ایتلی . هر کس نوبتنه راضی اولمالی . قوریدورده
هیچ سس یوق . فرصت بوفر صدر . همان سیویشمه لی یم .
دیدی . بك اوصولجه او طه قاپسینی آچدی . دلیکندن

دیشاری چیقمازدن اول اطرافنی تدقیق ایدن برقراره
کبی قاپی آره لغندن صاغنه صولنه برکوز آتدی . همان
مردیوهن جهته طوغری فیرلادی .

عزیزقارشیکی قاپنک آره لاندیغنی سه زینله نجه هراحتمالی
دوشونه رک بولوندیغنی یرک دیوارینه یاییشمش سینمشدی .
اوطه دن اوزون بویلو بر وجودک سریع فرار آدیملریله
زیولادیغنی کورونجه آوی اوزرینه وارن بر مفترس کبی
همان آرقه سندن آتیلدی . سینیرلنمه دن قوتی آرتمش آلریله
اوموزلرندن قاورادی . اوراده بر کوشه ده قیوریلوب
یاتان خوواردا قالدی . اوچنجی اوله رق ماجرایه اشتراک
ایتمدی .

یا قه سنی قایدیران زواللی ضیا آنسزین قاپانه طوتولمش
صانصار تلاشیله خصمنک آلری آلتنده ده به لنه رک :

— براق ...

— کیمسک سویله ..

— آی اقدم .. بویله برأوده بووقت یا قالانان آدام

کیم اوله بیلیر ؟ یا خرسز ... یازنپاره ...

— سن هانکیسی سک ؟

— صبرتمده.. قولتوغمده مسروق اشيا بولونماه سنه
نظراً..

— سارق اوله ايدك صاليو برردم . فقط عرض
دشمنی عفو ایتم ...

— ارساحی حریف ایچریده قاریسیله چکیشوب
طورییور . خانه نك عرض وناموسی نامه سوز سویله یه
بیلمك ایچون سن کیم اولویورسك ؟ وبویله آنسزین
نره دن چیقك ؟ خایجانلر کده خرسزلق سینیکینلکی یوق .
اولسك اولسه ك سن ده ایکنجی زنیاره اوله جقسك .
بن خاتمله دوشكده ایکن سن دولابده می صاقلی ایدك ؟
براق یاقمی .. زنیاره ، زنیاره نك پولیسی اوله ماز ...
بوسوزلر کویا برقوة مغنوبه الهامیله سویله نیورمش
کبی عزیزك اوزرنده بویوك برتأثیر حاصل ایتمدی . قوللری
آره سنده کی نارین آدام ، طورامانك اوکیجه کوشکه
دخوله کی مقصدینی کسکین بر باقیجی کیاستیله طوغرو
سویلیوردی .

ایکی کنج ، وجود وجوده ، منطق منطقه بویله
چکیشیر ایکن بیکناز قوریدوره چیقیدی . طویدینی
مرتلیرك ایلک کله لرندن ماجرانك آلدینی ناخوش رنکی

در حال آکلادی . وهان بوايكي سودايلينك آره سنه
آتيله رق لسانك بوتون جر بزه وسحريله طورامانه :

— اونی براق .. حسابی بنمله کور ..

ضیایی کوکسندن ایتەرك اوکاده :

— طورمه .. هایدی صاووش ... دیدی .

اك آزلی ییلانلرك كندی زهرلرنده کی قوه اتلافیه
امیتلری قایار ییکنازكده فسونكاراقده نفسنه اعتمادی
واردی . برایکی سوزیله باباسنی ایچریده ناصل مانیاتیز -
مالامش ایسه دوداقلرینك عشقیله اوغانی ده اویله میقنا -
طیسلا مق ایچرن هان ایکی قولی طورامانك بویتنه
طولادی . آغزینی آغزینیه ویردی . اونك حار نفسلرینی
یودیور، كندی اك لذیذ اكسیر سوداسنی اوکا، روحنی
بوغان بر احتیال ایله ایچیریوردی . سمالردن ییلانلرك
سمدار آغزلرینه دوشن قوشلر کی طورامانك سینیرلری
بوالکتریقی قادین وجودینك تماسیله اولو طوتوشدی .
صوکره اویوشدی . باش دوندیریجی بر اوچورومك
فلاکت سقوطنه تودیع وجود ایدن برناچار زوالیله غیله
بلااعتراض بویوموشاق آغوشه دوشدی . قاچ هفته در
زاهدك وجد جننی کی حسرتی چکیدیکی بوبلور تنك

ذوق مسکری بردن دماغی صاردی . اوکی آناسنک
قوللری آره سنده باییلدی قالدی .

بوماجرا دیشاریده بر سیناما شیریدی سرعتیله دوام
ایدر ایکن صانکه وقعہ بی بیکنناز ایله طورامانک علیهنه
جریان ایتدرمک ایچون ایشه شیطان قاریشدی . بوشیطانلرکده
ملسکر کبی معنوی اولان آلاری شعیب افتدی پی اورایه
میخلایان مانیا تیزمایی بوزارق دیشاری چییق ایچون
دورتوشله دی . چونکه قوریدوردن کوپک حاولاماسی ،
کزینتیلر ولاقیردیلر ایشیدلمسی مراقفی جلب ایتدی .
نه اولدیغنی آ کلامق ایچون آل شمعدانی یاقدی . یاواش ،
یاواش توالت او طه سنک قاپیسندن چیقدی . نظرینه ایلک
چارپان منظره نك دهشتیله بردنبره سر سمله دی . زوجه سیله
اوغلنی آغیز آغیزه ، صولوق صولوغه ، وجود وجوده
کورمشدی . اوف .. بوبر حقیقت اوله مازدی . یا کلیوردی .
بوجهنمی کابوسدن او یانمق ایچون کوزلرینی آچهرق ،
دیشلرینی غیجیرداته رق بولوندینی یرده تینمه یه باشلادی .
بوخرافه حسیه بی موم ایشیغیله قاچیرمق ایچون شمعدانی
ایلری اوزاتدی . لکن هیسات ... بودوزخی حادثه
دکیشمه یور ، کوزلری اوکندن زائل اولما یور ، بالعکس

بونك روحى أريتى فجاعتى موم ضياسيله دها توضح
 ايدييوردى. نهوت اوغلى طورامان بوتون بشرى فضائلى،
 وظائفى، مقدساتى، حرمتلىنى، حسلىنى كنديله
 برابر بوغارق برهونك كى اوكى آناسنك دوداقلرينه
 آصيلمشدى. سوكىلى بيكنازى بوجنايت سودايه دار
 آغاجى اولمش، كندى قادينلغى، اوغلنك انسانلغى صلباً
 اعدام ايتمشدى. وقعنهك تفصيلات مدحشه سندن هيچ
 برشيئى اكسيك براقماق ايجون مومك آيدينلغى قوريدورك
 ظلمته طوغرى اوزادى. بويلو، نارين بروجودك فرارىنى
 كوستردى. بوبوى، بوبوص.. نهوت آقشامدن كوشكه
 كبره رايكن كوردىكى اينجه كولكهكك هو هو، سنه عىنى
 ايدى. نظرندە بو ايكنجى حقيقتده بويله وضوحله ثابت
 اولونجه صانكه يوقايريدن، اللّٰهك سماءى لعنتندن بوبدبخت
 آدامك پينه برييلديرم ايندى. صاعقه آلتنده چاتيردايان،
 يانان كوكلى بر آغاج كى ايكي ياننه صاللانهرق ده وريلدى.

*
 **

نهو خالق اوياندى. لامبيله لر ياندى. شعيب افندى
 بر كوتوك كسيامشدى. بر ايله بر آياغى طوتمايور، دىلى

سویله میوردی بوتون افاده سی، سونوک ملول کوزلرینه
طویلانمشدی. حافی استمزاجاً یوزینه باقانلره انظارینک
فجیع تکلمیله، دنیاده ده روحلری یاقان برجهنم اولدیغنی
آ کلاتمغه اوغراشیوردی.

کیجه طیبیلر جلب ایدلدی. اجزاخانه لر آچدیrlدی.
هر دورلو مداواتدن کیرو طورولمادی. لکن چاره
افاقنی بولونه مادی. ارتق سویله مدی. سویله یه مدی.
کوردیکی صولک منظره نك تفصیلاتنی مزاره کوتوردی.
برابر کومولدی.

پیتدی

هکیمه لی آطه ۱۰ مایس ۱۳۳۵





